

# MATAI

## Pâri ara ñana Yesu Kirisi kâ Matai ñgere

Ñine nde pâri ara ñana Yesu Kirisi kâ Matai ñgere. Matai nde tonje lâ kinzi pâri tamâta sañao kanañonzi rua, aku i ña tonje nde Livai. I muñga iveta wurâta ñana mbumbu kaiña kâ panzi Rom, andeta Yesu isarawa i tu ipono muli papa (10:3). Matai ñgere ñgua ñine panzi i nuwala Juda tamâta. Kinzi uru sio tininzi ñana Yautâña Tamâta ñinde Maro Kindeni nanayoni ipa ñgua tu ma isupwa imâ panzi (i ña tu Kirisi), aku Matai itu itula pwataki panzi tu Yesu tamwata nde Kirisi, ina Juda nenzi Koipu ñjalae. Mine kala ñgere ñgua rârâ ñana kinzi ñgua-tulâña tamâta muñgâña nenzi ñgua, ku itula pwataki tu Yesu iveta nenzi ñgua ñinde ipâña kanaño.

---

### Yesu Kirisi timbu wukale ñanzi

**1** <sup>1</sup> Kinzi tamâta ñine nde Yesu Kirisi timbu wukale: Yesu nde Koipu ñjalae Daviti ne vâsa, aña Daviti nde Abraham ne vâsa. <sup>2</sup> Abraham nde Isaka tama, aña Isaka nde Yakopu tama, aña Yakopu nde Juda wa tai-tua wa tamanzi. <sup>3</sup> Juda nde Peres ku Sera rua tamanzi. Kinzi rua tinanzi nde Tamar. Aña Peres nde Hesron tama. Aña Hesron nde Ram tama. <sup>4</sup> Ram nde Aminadap tama, aña Aminadap nde Nason tama. Aña Nason nde Salmon tama. <sup>5</sup> Aña Salmon nde Boas tama; Boas tina nde Rahap. Aña Boas nde Obet tama, aña Obet tina nde Rutu. Aña Obet nde Jesi tama. <sup>6</sup> Aña Jesi nde Koipu ñjalae Daviti tama, aña Daviti nde Solomon tama. Solomon tina nde muñga imo Uria kaiwa.

<sup>7</sup> Aña Solomon nde Rehoboam tama, aña Rehoboam nde Abiya tama. Aña Abiya nde Asa tama. <sup>8</sup> Aña Asa nde Jehosafat tama, aña Jehosafat nde Jehoram tama. Aña Jehoram nde Usia tama. <sup>9</sup> Aña Usia nde Jotam tama, aña Jotam nde Ahas tama. Aña Ahas nde Hesekia tama. <sup>10</sup> Aña Hesekia nde Manase tama, aña Manase nde Emon tama. Aña Emon nde Josaia tama. <sup>11</sup> Aña Josaia nde Jehoiakin wa tai-tua wa tamanzi. Lâ zo

ņinde kinzi Babilon ŋgu sikainzi Isrel ŋgu sionzi simo Babilon lawea, aku nāna silanzi.

<sup>12</sup>Kinzi Isrel ŋgu silā sipāŋga Babilon lawea lâ, ŋineŋga Jehoiakin ipulia Sealtiel. Aŋga Sealtiel nde Serubabel tama. <sup>13</sup>Aŋga Serubabel nde Abiut tama, aŋga Abiut nde Eliakim tama, aŋga Eliakim nde Asor tama. <sup>14</sup>Aŋga Asor nde Sadok tama, aŋga Sadok nde Akim tama. Aŋga Akim nde Eliut tama. <sup>15</sup>Aŋga Eliut nde Eleasar tama, aŋga Eleasar nde Matan tama. Aŋga Matan nde Yakopu tama. <sup>16</sup>Aŋga Yakopu nde Yosepe tama, aŋga Yosepe nde Maria kaiwa. Aku Maria ipagugua Yesu, ina Kirisi, tamāta ŋinde Maro Kindeni ipatea tu ivilanzi ne ŋgu.

<sup>17</sup>Mine kala Abraham see rārāni imā ipāŋga lâ Daviti ne zo, ande kinzi ŋinde kambwaŋenzi ikura saŋao kanaŋonzi ŋapa. Aku Daviti see rārāni imā ipāŋga lâ zo ŋinde Isrel ŋgu silā simo nāna nia lâ Babilon lawea, ande kinzi ŋinde kambwaŋenzi kala ikura saŋao kanaŋonzi ŋapa mine nā. Aku lâ zo ŋinde simo Babilon lawea, aku ilā lee ikura lâ zo ŋinde Kirisi ipāŋga, ande kinzi ŋinde kambwaŋenzi kala ikura saŋao kanaŋonzi ŋapa mine nā.

### **Maria ipagugua Yesu Kirisi**

<sup>18</sup>Pāri ŋana Yesu Kirisi tu ipāŋga tâno kulu mâsi mana, ande mine: i tina Maria, muŋga sipatea i tu ma ikai kaiwa Yosepe. Andeta kinzi rua sipakâe tia yo, ŋineŋga Koroani Sapāŋa iveta mâsi ŋalae toŋge papa Maria, kala Maria kapwa lâ. <sup>19</sup>Aŋga Yosepe, ina tamāne ŋinde kinzi muŋga sipatea tu ma ikai kaiwa Maria, ande i tamāta ara, kala tini pwāka tu iveta maŋeti papa Maria. Mine kala itu ipile Maria mwasa nā. <sup>20</sup>Yosepe nde ilo keno mine yo, ŋineŋga lâ mbupuleŋa Maro ŋalae ne aŋelo toŋge imā papa. Aku aŋelo nde ipai tu, “Yosepe, Daviti ne vāsa noko, noko ma kururu ŋana pwai kaiwa taine Maria imā imo kuno ndimo. Kuloŋo; muŋga, Koroani Sapāŋa io lâlu ŋinde ilā ikeno Maria kapwa ilo. <sup>21</sup>Aku Maria ma ipagugua natu tamāne toŋge ipāŋga. Noko ma kupatu i ŋa tu Yesu, ŋana tu i ma izavaru kiesaka piti lâ ne tamāta tininzi, aku ma ivilanzi tu simo vianzi ku simo nā.”

<sup>22</sup>Mine kala vetāŋa rārāni ipāŋga ikura ŋgua toŋge Maro ŋalae muŋga io lâ ŋgua-tulāŋa tamāta toŋge kawa mine tu, <sup>23</sup>“Taine taipa toŋge, i muŋga ikeno kuku tamāne toŋge tia, ande i ma kapwa, aku ma ipagugua lâlu tamāne. Kinzi ma sipatu lâlu ŋinde ŋa tu ‘Emanyuel’. ŋoa ŋine nde duvi mine tu, ‘Maro Kindeni imo kuku kind’.”

<sup>24</sup>Yosepe nde imbipole marumbu lâ, ŋineŋga imandi sânda ku iveta ikura Maro ŋalae ne aŋelo kawa ŋgua mine. Yosepe ikai kaiwa taine Maria imā imo kuku, ku rua sipakâe. <sup>25</sup>Andeta Yosepe ikeno kuku Maria tia. Kinzi simo mine lee, ŋineŋga Maria ipagugua lâlu tamāne ipāŋga. Aku Yosepe ipatu lâlu ŋinde ŋa tu “Yesu”.

**Kinzi ilo-kalo tamâta soka pa mbwera warika kâ simâ simora Yesu**

**2** <sup>1</sup> Maria ipagugua Yesu lâ Betlehem lawea lâ Judia tâno. Pa zo ñinde Herot imo koipu lâ Judia. Aku lâ zoni ndaina, kinzi tamâta pinde soka papa tâno tonje ikeno pa mbwera warika kâ simâ pa Jerusalem lawea. Tamâta ñinde nde sikai ilo-kalo ñananzi pitu kie-kie. <sup>2</sup> Kinzi simâ sipânga Jerusalem lâ, ñineŋga sikasoŋa tu, “Lâlu wasaseki tonje ipânga lâ, i ma muli ikai koipu panzi Juda ŋgu, ande imo ndia. Maka kamora i ne pitu pa mbwera kâ, kala kamâ tu ma kapanea i.” <sup>3</sup> Koipu Herot nde ilonjo ŋgua ñinde, ñineŋga i ilo rârâ. Aku kinzi tamâta rârâni lâ Jerusalem lawea kala ilonzi rârâ mine nâ. <sup>4</sup> Ñineŋga Herot ipasupwa ilâ panzi Juda nenzi patarawâŋa tamâta ñalaŋala rârâni sitavanzi nenzi pananâŋa tamâta ñana ŋgua tukuŋa kâ tu simâ. Simâ sipasau lâ, ñineŋga Herot ikasoŋanzi tu, “Tamâta ñinde sisarawa i ña tu Kirisi, ande i ma ipânga lâ lawea ndia.” <sup>5</sup> Kinzi nde sipai tu, “I ma ipânga lâ Betlehem lawea, lâ Judia tâno. Ñgua-tulâŋa tamâta tonje muŋga ñngere ŋgua lâ pepa tini mine tu,

<sup>6</sup> ‘Noko Betlehem lawea lâ Juda nenzi tâno, noko kumo togo lawea kaa nâ lâ kinzi Juda tamâta ñalaŋala naonzi, ande tia ndo. Noko ne koipu tonje ma ipânga, aku ma ikai katonâŋa panzi nanenju ŋgu Isrel.’ ”

<sup>7</sup> Herot ilonjo nenzi ŋgua lâ, ñineŋga ipasupwa paveâŋa nâ panzi tamâta papa mbwera warika kâ ñinde tu simbonzi nâ simâ kuku. Simâ lâ, ñineŋga ikasoŋanzi tu, “Pitu ñinde nde ipânga lâ zo ndia.” Aku situla pitu ne zo pwataki papa. <sup>8</sup> Ñineŋga Herot isupwanzi silâ pa Betlehem lawea, aku iporo laŋeŋa panzi tu, “Miki kalâ ku karoto sondo ñana lâlu ñinde kâ. Mambo kasânda lâlu kulu, ñineŋga kakai pâri kataulo kamâ pa naŋa, aku naŋa kala ma alâ apanea i.”

<sup>9</sup> Kinzi ilo-kalo tamâta ñinde silonjo koipu ne ŋgua lâ, ñineŋga siyâti silâ. Aku pituni ndaina muŋga simora pa mbwera kâ ñinde nde imuŋga panzi. Pitu iyoka imuŋga panzi ilâ lee, ñineŋga ipâti itâra âta lâ luma lâlu imo ñinde kulu. <sup>10</sup> Kinzi nde simora pitu, ku sindeka pâta kanaŋo.

<sup>11</sup> Aku silâ luma ilo, ande simora lâlu ku tina Maria rua. Ñineŋga sipare tukunzi papa aku sipanea lâlu ñinde. Aku sikai nenzi tâŋa kawa piti, aku nenzi wisi-ara kulu ñalae tina silua; mira ara “gol” wa kâu kuwae ara wa samimi kuwae ara wa silua. <sup>12</sup> Aku lâ nenzi mbupuleŋa, Maro Kindeni itu kaika panzi tu, “Miki ma kataulo kalâ pa Herot kilo ndimo.” Tia ku kinzi soka nzâla tonje sitaulo silâ pa nenzi lawea kilo.

**Yosepe ikainzi lâlu ku tina Maria rua sikâwa silâ pa Isip tâno**

<sup>13</sup> Kinzi ilo-kalo tamâta nde silâ lâ, ñineŋga Maro Ñalae ne aŋelo tonje ipatua pa Yosepe lâ mbupuleŋa. Aŋelo ipai tu, “Noko kumandi, aku pwainzi

lâlu ku tina rua kakâwa kalâ pa Isip tâno. Aku kamo ndaina lee ikura lâ zo ndia naŋa warakânŋu ma amâ aporo pano kilo ŋga. Herot ma isupwanzi ne tamâta tu siroto ŋana lâlu tu sipu pâta imâte kê.”<sup>14</sup> Ŋineŋga Yosepe imandi sânda, aku ndainani nâ, lâ mbo ŋgini-ŋgini, ikainzi lâlu ku tina Maria rua, aku sikâwa silâ papa Isip tâno.<sup>15</sup> Aku Yosepe imo Isip lee ikura lâ zo muli Herot imâte lâ ŋga. Mine kala ŋgua tonŋe muŋga Maro Ŋalae io lâ ŋgua-tulâŋa tamâta tonŋe kawa nde ipânŋa kanaŋo lâ. Ŋgua-tulâŋa tamâta muŋgâŋa ŋinde ikai Maro Kindeni kawa ku iŋgere ŋgua lâ pepa tini tu, ‘Naŋa asarâwa pa natuŋu tamâne, aku iyoka Isip imâ.’

### Herot isupwanzi zugu tamâta tu ma sipunzi lâlu rârà simâte

<sup>16</sup> Kinzi ilo-kalo tamâta nde sitaulo silâ pa nenzi lawea lâ, ŋineŋga Koipu Herot isama tu kinzi muŋga silaŋe i tu ma sitaulo simâ papa. Mine kala Herot wisi nâna ŋalae tina. Aku i kalo ŋgere ŋana ŋgua kinzi muŋga siporo ŋinde, ŋana pitu ne zo ŋana ipânŋa kê. Mine kala isupwanzi zugu tamâta pinde silâ pa Betlehem lawea, aku sikura lawea laiti laiti ŋinde tava. Aku lâ lawea ŋinde sikainzi lâlu tamâne râràni nenzi mbwera rua tia yo, aku sipunzi pâta sipamateteu.<sup>17</sup> Vetâŋa ŋinde nde iyoke ŋgua tonŋe muŋga Maro Kindeni io lâ ŋgua-tulâŋa tamâta Jeremaia kawa mine tu,

<sup>18</sup> “Kinzi siloŋo sarawâŋa tonŋe tava tiŋa wa kalo-kalo iveta nduŋeŋa ŋalae lâ Rama lawea. Rasele ne vâsa nde sitata ŋananzi natunzi, kala kinzi tamâta silâ kunzi tu siveta ilonzi ara kê. Andeta sikura tia, ŋana tu natunzi râràni nde sipamateteu lâ.”

### Yosepe ikainzi lâlu ku Maria rua ku sitaulo simâ kilo

<sup>19</sup> Aku muli, ŋineŋga Koipu Herot imâte lâ. Ŋineŋga Maro Ŋalae ne aŋelo ipatua kilo pa Yosepe lâ Isip tâno, lâ i ne mbupuleŋa.<sup>20</sup> Aku aŋelo ipai Yosepe tu, “Kumandi sânda, ku pwainzi lâlu ku tina rua kataulo kalâ pa Isrel tâno kilo. Kinzi tamâta muŋga situ sipu lâlu pâta imâte ŋinde, ande simâte lâ.”<sup>21</sup> Ŋineŋga Yosepe imandi, aku ikainzi lâlu ku tina rua ku soka silâ pa Isrel tâno.

<sup>22</sup> Andeta Yosepe iloŋo ŋgua tu Arkelaus ikai tama Herot nia, kala imo koipu panzi tamâta lâ Judia tâno. Aku Yosepe iruru ŋana itaulo pa nia ŋinde. Ŋineŋga lâ Yosepe ne mbupuleŋa tonŋe, Maro Ŋalae itu kaika tu Yosepe ma iŋgeŋge ŋana nia ŋinde kê. Mine kala Yosepe ilâ papa Galilaya tâno.<sup>23</sup> Ipânŋa Galilaya lâ, aku imo lawea tonŋe, i ŋa tu Nasarete. Mine kala ŋgua-tulâŋa tamâta muŋgâŋa nenzi ŋgua ŋana Kirisi kê nde ipânŋa kanaŋo. Nenzi ŋgua ŋine nde mine, “Kinzi ma siporo tu, ‘I nde Nasarete lawea warika.’”

### Yoane Lââ-Liliŋa Tamwata itula ŋgua

**3** <sup>1</sup> Mbwera pinde ilâ lâ, ŋineŋga Yoane Lââ-Liliŋa Tamwata ipânŋa nia bilimu tonŋe lâ Judia tâno. I uru itula ŋgua panzi tamâta mine tu,

<sup>2</sup>“Maro Kindeni ne zo ŋana ikai maro panzi tamâta kâ nde imâ ipâŋga laiti lâ. Mine nde miki kapalele ilomi kalomi.” <sup>3</sup>Yoane nde tamâta ŋinde Maro Kindeni muŋga iporo ŋana lâ ŋgua-tulâŋa tamâta Aisaia kawa mine tu,

“Lâ nia bilimu, sarawâŋa tonje iyoka lâ tamâta tonje kawa imâ mine tu, ‘Kaveta nzâla sondo ŋana Maro Ŋalae ma imâ kâ.’”

<sup>4</sup>Yoane nde uru isawa pasawaŋa muŋga sisuta lâ ŋgoa “kamel” karae, ku ipu ŋgoa karae lâ kambwaŋe. Aku i uru ika ndemu-ndemu tava sipa siŋi togo kâ kaniŋa mwasina. <sup>5</sup>Lâ zo ŋinde, kinzi Jerusalem tamâta ŋgu ŋalae sitavanzi Judia tamâta rârâ aŋga tamâta lâ lawea lawea ikeno Jodan Lââ tini laiti, ande kinzi ŋinde rârâni nde simâ pa Yoane. <sup>6</sup>Kinzi sipatula nenzi kiesaka papa, aku ililinsi lâ Jodan Lââ.

<sup>7</sup>Yoane mata ilâ imoranzi tamâta rârâ lâ kinzi Parisai ŋgu wa Sadyusi ŋgu simâ ŋana sikai lââ-liliŋa kâ. Aku Yoane ipainzi tamâta ŋinde tu, “Miki nde mwâta sakamao natunzi! Miki ea ipaimi tu kakâwa ŋana Maro Kindeni ne wisi-nâna, a? <sup>8</sup>Miki ŋandai kaveta vetâŋa arara ŋga. Ambo miki ma kaveta vetâŋa ara, ande ŋinde nâ ma itula ilomi pwataki tu miki kapalele ilomi kalomi lâ. <sup>9</sup>Miki uru kaporo kaa nâ lâ warakami ŋginimi tu, ‘Abraham nde maka timbuma’, aku lâ ŋgua ŋine miki katu Maro Kindeni ne pareŋa-nia ŋana nemi kiesaka kâ ma iŋgeŋge ŋanami. Opopo, miki kapalâŋe ndo! Naŋa aporo mao nâ pami; Maro Kindeni ikura tu ikainzi mira ŋai ku ivetanzi sipâŋga Abraham ne vâsa, sitogo miki mine! <sup>10</sup>Kavasi nde ikeno lâ kâi duvi tini. Kâi ndia uru ipula kanaŋo ara tia, ŋinde ma Maro Kindeni iso irumbia lâ yââ kana lâ.

<sup>11</sup>Naŋa uru alilimi lâ lââ nâ, aku vetâŋa ŋine itula ilomi pwataki tu miki kapalele ilomi kalomi lâ. Aŋga tamâta tonje iyoka naŋa muliŋgu mwaŋga imâ, aku i ne walo nde ipole nanenŋu walo. I nde tamâta ŋalae; mine kala naŋa amo i kalo, atogo tamâta kaa nâ mine. Nanenŋu ara keno ŋana akai i ne kie kâmba atogo i ne wurâta tamâta sugorai mine, ande tia. I ma ililimi lâ Koroani Sapâŋa wa yââ wa. <sup>12</sup>I ne kâro-kâro keno i mbalau ilo, aku ma ikaro ‘wit’ ne kina itambira lâ. I ma igona ‘wit’ kanaŋo ku io lâ kâpwa ne luma ilo. Aŋga kina nde ma irumbia lâ yââ ŋinde uru mela-mela mine ku imo nâ.”

### Yoane ilili Yesu

*Malaka 1:9-11; Luka 3:21-22*

<sup>13</sup>Lâ zo ŋinde Yesu ipile Galilaya tâno, aku indue imâ pa Jodan Lââ. Imâ pa Yoane Lââ-Liliŋa Tamwata tu ma ikai lââ-liliŋa lâ Yoane mbau. <sup>14</sup>Andeta Yoane ilelea i, aku ipai tu, “Ara ŋana noko ma kulili naŋa. Mine nde mana mana aŋga noko kumâ pa naŋa ŋana alilino.” <sup>15</sup>Andeta Yesu itu lâ kawa tu, “Kupile ŋga. Kinda rua ma taveta ŋine, ikura Maro Kindeni ne pateŋga mine.” Ŋineŋga Yoane isâu papa Yesu ne ŋgua ŋinde.

<sup>16</sup>Yoane ilili Yesu lâ, aku walele nâ Yesu ipile lââ ku ikâki ilâ pa pângga pwali. Aku ndainani nâ samba ipwa pwataki, aku Yesu imora Maro Kindeni ne Koroani Sapânga itogo bâlu mine indue imâ papa. <sup>17</sup>Aku sarawânga tonje iyoka pa samba indue imâ mine tu, “Nanja natunġu kala ġine. Nanja ilonġu ndo keno papa wa ilonġu indeka papa wa.”

**Sadana ikai samânga pa Yesu**

*Malaka 1:12-13; Luka 4:1-13*

**4** <sup>1</sup>Yesu ikai lââ-liliġa lâ, ġineġga Koroani Sapânga ikai Yesu io lâ nia bilimu tonje, ġana koroani saka nenzi koipu ma ikai samânga papa. <sup>2</sup>Aku pa zo ġinde Yesu indi kaika pa tamwata tu ma ika kâpwa tia, kala imo mine lee ikura kari tamâta rua (40) lâ, kala putole ipu pâta. <sup>3</sup>Ĥineġga koroani saka nenzi koipu imâ pa Yesu, aku ipai tu, “Noko kutu Maro Kindeni natu, ande ara, kuporo panzi mira ġai tu ma sipalele sipânga sitogo puroġa mine.” <sup>4</sup>Andeta Yesu iporo taulo tu, “Maro Kindeni kawa ġgua ikeno lâ pepa tini mine tu, ‘Kâpwa nâ ikura tu isukanzi tamâta ġana simo vianzi kâ, ande tia; ġgua rârâni ipânga lâ Maro Kindeni kawa ġinde tona ma isukanzi tamâta.’”

<sup>5</sup>Yesu iporo ġgua mine lâ, ġineġga koroani saka nenzi koipu ikai Yesu ilâ Jerusalem lawea, aku io i kâki imandi Maro Kindeni ne luma sapânga mende kulu. <sup>6</sup>Aku ipai Yesu tu, “Noko kutu Maro Kindeni natu, ande ara, kusonġa kundue pa tâno kulu. Ĥana tu Maro Kindeni kawa ġgua ikeno lâ pepa tini mine tu,

‘I ma ionzi ne aġelo tu sikatonano. Kinzi ma mbaunzi nâ sisuka noko kâki, kala mira tonje ma ikura tu isowe noko kie, ande ma tia.’”

<sup>7</sup>Andeta Yesu ipai tu, “Maro Kindeni kawa ġgua ikeno lâ pepa tini mine tu, ‘Noko ma kuveta samânga tonje pa noko ne Maro Ĥalae Kindeni ndimo.’”

<sup>8</sup>Ĥineġga koroani saka nenzi koipu ikai Yesu ikâki tuu ġalae tonje kulu, aku itula nia wa lawea ndoni tava nenzi siġġara arara papa. <sup>9</sup>Aku ipai Yesu tu, “Ambo noko ma kupare tuku ku kutundu kupanea naġa, ande naġa ma kelekele rârâni ġine alano.” <sup>10</sup>Andeta Yesu itu lâ kawa tu, “Sadana, noko pwâwa kulâ! Maro Kindeni kawa ġgua ikeno lâ pepa tini mine tu, ‘Noko ma kutundu kupanea noko ne Maro Ĥalae Kindeni, aku kuveta wurâta papa i simbo nâ.’”

<sup>11</sup>Ĥineġga koroani saka nenzi koipu nde ipile Yesu ilâ, aku kinzi aġelo simâ ku sikatona Yesu.

**Yesu iveta ne wurâta muġga lâ Galilaya tâno**

*Malaka 1:14; Luka 4:14-15*

<sup>12</sup>Pa zo ġinde, Yesu ilonġo ġgua tu kinzi sio Yoane Lââ-Liliġa Tamwata imo luma sakamao ilo. Mine kala itaulo ilâ pa Galilaya tâno kilo. <sup>13</sup>Ĥpile

Nasarete lawea ku ilâ ipânnga Kaperneam lawea, aku imo lawea ndaina. Kaperneam lawea ikeno Galilaya Lââ bwalika pwali. Nia n̄inde nde kinzi Sebulun ngu an̄ga kinzi Naptali ngu nenzi tâno. <sup>14</sup>Mine kala Yesu iveta ikura ngua ton̄ge mūnga ngua-tulân̄ga tamâta Aisaia iporo lâ. Aisaia mūnga ikai Maro Kindeni kawa ku iporo tu,

<sup>15</sup>“Miki tamâta lâ Sebulun ngu an̄ga lâ Naptali ngu, miki n̄inde kamo papa Galilaya Lââ bwalika, pa Jodan Lââ tini pinde, aku kamo Galilaya tâno kunzi tinikoa ngu, miki kalon̄o; <sup>16</sup>Kinzi tamâta uru simo kondoma ilo, ande kinzi ma simora sinâla n̄alae ton̄ge. Mao nâ, kinzi simo nia kondoma, itogo mateŋa nianzi mine. Andeta sinâla n̄inde ma isinalanzi.”

**Yesu isarawanzi tamâta n̄apa tu sipono muli papa**

*Malaka 1:16-20; Luka 5:1-11; Yoane 1:35-42*

<sup>17</sup>Lâ zo n̄inde, Yesu imandi n̄ana iveta ne wurâta n̄ana itula ngua kâ. I uru itula ngua mine tu, “Miki kapalele ilomi kalomi, n̄ana tu Maro Kindeni ne zo n̄ana ikai maro panzi tamâta kâ nde imâ ipânnga laiti lâ”.

<sup>18</sup>Zo ton̄ge Yesu iyoka Galilaya Lââ bwalika pwali ilâ, aku mata ilâ imoranzi tai-tua rua, Saimon, i n̄a ton̄ge Petero, kuku i tai Andaria rua. Kinzi rua simo sitambira viân̄ga lâ lââ bwalika ilo, n̄ana tu rua uru sikai iŋa n̄ana nenzi mbaliŋa kâ. <sup>19</sup>Aku Yesu ipainzi rua tu, “Miki rua kamâ kapono muli pa naŋa, aku ma apananami n̄ana kakainzi tamâta kâ”.

<sup>20</sup>Aku walele nâ kinzi rua sipile nenzi viân̄ga ku soka i muli silâ.

<sup>21</sup>Aku Yesu iyoka ilâ, n̄ineng̃a imoranzi tamâta rua, tai-tua rua; Yamesi, i Sebedi natu, an̄ga i tai Yoane. Kinzi rua kala sisang̃ona wân̄ga kulu kuku tamanzi Sebedi, aku siveta nenzi viân̄ga sondo. Aku Yesu isarawanzi rua, <sup>22</sup>aku walele nâ kinzi rua sipile tamanzi imo wân̄ga kulu ku soka Yesu muli silâ.

**Yesu itula ngua ku ivetanzi tamâta tininzi ara tava**

<sup>23</sup>N̄ineng̃a Yesu iyoka ilâ ikura nia ndoni lâ Galilaya tâno. I uru ipanananzi tamâta lâ nenzi luma n̄ana pasauŋa kâ ilo. Aku itula pâri ara n̄ana Maro Kindeni ne mâsi n̄ana ikai maro panzi tamâta kâ tava, aku ivetanzi pukoŋa tamâta rârâni tininzi ara, kinzi n̄inde mūnga simo tava pukoŋa kie-kie.

<sup>24</sup>Aku Yesu parina nde ilâ isala nia ndoni papa Siria tâno kâ. Mine kala sikainzi tamâta rârâni n̄inde pukoŋa wa nâna kie-kie ikainzi lâ, ku simâ pa Yesu. Aku sikainzi tamâta n̄inde koroani saka sipakâe kunzi n̄inde tona, sitavanzi tamâta n̄inde uru patanzi wa tininzi ruru n̄alae wa tukanzi pâsâsâ wa; kinzi sikainzi tamâta n̄inde rârâni simâ pa Yesu. Aku Yesu ivetanzi tamâta n̄inde rârâni tininzi ara kilo. <sup>25</sup>Mine kala tamâta ngu n̄alae tina lâ Galilaya tâno, an̄ga lâ Lawea Saŋao, an̄ga lâ Jerusalem lawea, an̄ga lâ Judia tâno, an̄ga lâ Jodan Lââ tini pinde, kinzi n̄inde soka Yesu muli silâ.

**Yesu itula ngua lâ tuu tonje kulu**

*Luka 6:20-49*

**5** <sup>1</sup>Yesu nde imoranzi tamâta ngu njalae njinde simâ papa, njineŋga ilâ ikâki tuu tonje kulu isarjona. Aku kinzi kalo-tawana tamâta nde simâ papa.

**Yesu itula ngua njananzi tamâta ma sindeka kâ**

<sup>2</sup>Njineŋga Yesu ipanananzi mine tu, <sup>3</sup>“Tamâta ea kinzi sipasama tu kinzi sikura njana sipavila warakanzi tia, kala sino pa Maro Kindeni simbo nâ tu ma ivilanzi, ande kinzi njinde ma sindeka, njana tu kinzi simo Maro Kindeni ne ngumbi ilo marumbu lâ.

<sup>4</sup>Ajga tamâta ea kinzi sipamorai tu nenzi kiesaka rârâ ikeno tininzi, aku ilonzi malia njana njinde kâ, kinzi njinde ma sindeka, njana tu Maro Kindeni ma iveta ilonzi ara kilo.

<sup>5</sup>Ajga tamâta ea kinzi uru sipatawa warakanzi tininzi, kinzi njinde ma sindeka, njana tu muli Maro Kindeni ma tâno ndoni ilanzi.

<sup>6</sup>Ajga tamâta ea kinzi ilonzi ndo tu sipâŋga ilonzi mbâra-mbâra lâ Maro Kindeni nao, kinzi njinde ma sindeka, njana tu Maro Kindeni ma ivetanzi sipâŋga mbâra-mbâra mine nâ.

<sup>7</sup>Ajga tamâta ea kinzi uru kalonzi sukâŋa njananzi tamâta kala sisukanzi, kinzi njinde ma sindeka, njana tu Maro Kindeni ma kalo sukâŋa njana kinzi warakanzi mine nâ.

<sup>8</sup>Ajga tamâta ea kinzi ilonzi ndo tu sipono muli pa Maro Kindeni, aku ilonzi rua-rua tia, kinzi njinde ma sindeka, njana tu muli kinzi matanzi ma simora i nao.

<sup>9</sup>Ajga tamâta ea kinzi uru silulu tininzi pinde nenzi wisi-nâna wa paraŋa wa, kinzi njinde ma sindeka, njana tu Maro Kindeni ma ikatonanzi sitogo i natu wukale mine.

<sup>10</sup>Ajga tamâta ea kinzi sikai nâna njana sipaveta kuku Maro Kindeni ne pateâŋa, kinzi njinde ma sindeka, njana tu kelekele njinde Maro Kindeni uru ilanzi tamâta ikai maro panzi njinde, ande ma ilanzi kinzi tona.

<sup>11</sup>Kinzi tamâta pinde ma sisama tu miki uru kaponu muli pa naŋa, aku njana duvi njinde kâ ma siporo ngua sakamao pami wa siveta malia pami wa sisowe ngua lajeŋa kie-kie lâ tinimi wa. Ambo mine, ande ara, miki ma kandeka. <sup>12</sup>Miki ma ilomi ara njana njinde kâ, aku kandeka pâta kanaŋo, njana tu Maro Kindeni io kulu njalae ikeno indamwami lâ samba ilo. Mao nâ, kinzi muŋga siveta malia mine nâ panzi ngua-tulâŋa tamâta simo muŋgâŋa njinde.”

**Kinzi kalo-tawana tamâta sitogo tâi wa sinâla wa**

*Malaka 4:21-23; Luka 8:16-18*

<sup>13</sup>“Miki nde katogo tâi panzi tamâta rârâni. Ambo tâi ne makisa marumbu, ande vetâŋa tonje ikeno njana tamâta ma siveta ne makisa

ipânga kilo, ande tia. Ambo tâi ne makisa tia, ande ipânga itogo kina mine, kala tamâta uru sitambira lâ tâno kulu, aku kenzi nâ sipale.

<sup>14</sup>Miki nde katogo sinâla panzi tamâta rârâni. Ambo lawea tonje ikeno tuu kulu, ande ikura tu ipavea tia. <sup>15</sup>Kinzi tamâta uru sisulu sinâla ñinenja sio lâ kondo tonje kalo, ande tia. Kinzi uru sio sinâla kâki lâ peke kulu, ñana ma isinalanzi tamâta rârâni simo luma ñinde ilo. <sup>16</sup>Aku miki kala mine nâ, miki ma kao nemi sinâla yâti ñana isinalanzi tamâta rârâni. Ambo miki ma kaveta mine, ande kinzi ma simora vetâja arara kala kaveta ñinde, aku ma sipanea miki tamami Maro Kindeni, ina imo samba ilo.”

### Maro Kindeni ne ñgua tukuña

<sup>17</sup>“Ambo miki ilomi pateva tu naña amâ tâno kulu ñana azavaru Mose ne ñgua tukuña wa kinzi ñgua-tulâña tamâta nenzi ñgua wa, ande miki ma ilomi mine ndimo. Ñana tu naña amâ ñana aveta ñgua ñinde rârâni ipânga kanaño. <sup>18</sup>Naña aporo mao nâ pami; ñgua tukuña ne ñgereña kirmwata tonje ma zavaruña tia ndo lee samba wa tâno ne zo marumbu. Ñana tu vetâja rârâni ma ipânga muña lâ nga, ikura ñgua tukuña iporo tu ma ipânga mine. <sup>19</sup>Ambo tamâta tonje ipu muli pa ñgua tukuña kirmwata tonje, aku ipanananzi tamâta tu ma sipu mulinzi pa ñgua tukuña mine, ande tamâta ñinde ma imo kaa nâ lâ ñgu Maro Kindeni ikai maro papa ñinde naonzi. Anja tamâta ea iyoka ñgua tukuña rârâni muli ku ipanananzi tamâta tu ma soka ñgua tukuña muli mine, ande i ma imo tamâta ñalae lâ ñgu Maro Kindeni ikai maro papa ñinde naonzi. <sup>20</sup>Kinzi pananâña tamâta ñana ñgua tukuña kâ sitavanzi kinzi tamâta lâ Parisai ñgu, ande kinzi uru simakâsa ñana soka ñgua tukuña muli. Andeta naña apaimi tu ambo miki nemi vetâja arara ñandai ipole kinzi nenzi vetâja arara, ande miki ma kakura tu kamo Maro Kindeni ne ñgumbi ilo, ande tia ndo.”

### Yesu itula ñgua ñana wisi-nâna kâ

<sup>21</sup>“Kinzi pananâña tamâta ñana ñgua tukuña kâ uru sipanananzi tamâta mine, ‘Kinda timbunda muña sikai ñgua tukuña ñine: “Noko ma kupu tamâta pâta imâte ndimo. Ambo tamâta tonje ipu tamâta tonje pâta imâte, ande kinzi ma sikai i ilâ imandi ñgua nia.”’ Ñine miki kasama lâ. <sup>22</sup>Ambo taitu ñine naña apaimi tu ambo tamâta tonje wisi nâna pa ninambwe tonje, ande Maro Kindeni ne pareña-nia ikeno papa i. Ambo tamâta tonje iporo ñgua sakamao papa ninambwe tonje, ande kinzi tamâta ñalajala ma situ i sondo. Andeta kaloño nga; ambo tamâta tonje ipai ninambwe tonje tu, ‘Noko kapa!’, ande i ipânga yâ ñalae ne mbââ tini laiti.

<sup>23</sup>Mine kala lâ zo ndia noko pwai ne patarawâña kulâ pa patarawâña nia, ambo noko kalo ñgere ñana muña kuveta soki pa ninambwe tonje

kala i wisi nâna pano, <sup>24</sup> ande kuo ne patarawâña ndue keno patarawâña nia nao, aku kulâ kuveta ñgua sondo kuku ninambwe muñga lâ ñga. Kuveta sondo lâ, ñineñga kutaulo kilo, aku kuo ne patarawâña ilâ pa Maro Kindeni.

<sup>25</sup> Ambo tamâta tonje isowe ñgua lâ noko tini, kala miki rua koka nzâla kalâ pa ñgua nia, ande walele nâ noko ma kuveta ñgua sondo kuku i. Tia ma tamâta ñinde io noko lâ ñgua-samâña tamâta mbau ilo, ñineñga i ma iono lâ sambara mbaunzi ilo, ñineñga kinzi ma siono lâ luma sakamao ilo. <sup>26</sup> Naña aporo mao nâ; noko ma kumo luma sakamao ilo lee ikura lâ zo ndia noko ma kupare ne mbumbu kulu kinzi sipatea pano ñinde marumbu lâ.”

**Yesu itula ñgua ñana pakâeña yaulâña kâ**  
*Matai 19:3-11; Malaka 10:2-12; 1 Korin 7:1-16*

<sup>27</sup> “Kinzi pananâña tamâta ñana ñgua tukuña kâ uru sipanananzi tamâta mine, ‘Ñgua tukuña keno mine: “Noko ma kuveta sakamao kuku tamâta tonje kaiwa ndimo”’. <sup>28</sup> Ambo taitu ñine naña apaimi tu, ambo tamâta tonje mata ilea pa taine tonje ku ilo yosi ñana, ande lâ i tamwata ilo tamâta ñinde iveta sakamao kuku i marumbu lâ.

<sup>29</sup> Ambo noko mata ilaño kala kuveta kiesaka, ande ara ñana noko ma kupasiki mata ñinde piti ku kutambira ilâ. Ambo noko mata taitu nâ, ande ñine nde ara koña tia. Taitu kuloño ñga; ambo noko tini ndoni ku Maro Kindeni itambirano kulâ yââ ñalae ne mbââ ilo, ande ñinde nde ara tia ndo. <sup>30</sup> Ambo noko mbau tonje ilaño kala kuveta kiesaka, ande ara ñana noko ma kutoto mbau ñinde piti ku kutambira ilâ. Ambo noko mbau taitu nâ, ande ñine nde ara koña tia. Taitu kuloño ñga; ambo noko tini ndoni kulâ yââ ñalae ne mbââ ilo, ande ñinde nde ara tia ndo.”

**Yesu itula ñgua ñana pakâeña totoña kâ**

<sup>31</sup> “Kinzi pananâña tamâta ñana ñgua tukuña kâ uru sipananami tu, ‘Ambo tamâta tonje itu ipile kaiwa taine, ande i ma ñgere ñgua lâ pepa tonje tini ku ilua kaiwa taine, ñana itoto pakâeña kâ’. <sup>32</sup> Ambo taitu ñine naña apaimi tu ambo tamâne tonje ipile kaiwa taine, andeta taine ñinde muñga iveta sakamao kuku tamâta tonje tia, ande tamâne ñinde iveta kaiwa taine ñinde ipâña togo taine ñana itambira tini potomule kâ. Ambo muli tamâta tonje ikai taine ñinde, ande kaiwa tamâne wasaseki ñinde iveta sakamao kuku tamâta tonje kaiwa.”

**Yesu itula ñgua ñana ñgua pâña kâ**

<sup>33</sup> “Kinzi pananâña tamâta ñana ñgua tukuña kâ uru sipanananzi tamâta mine, ‘Kinda timbunda muñga sikai ñgua tukuña mine: “Ambo noko kupa ñgua kuku Maro Kindeni ñana ma kuveta vetâña tonje, ande

noko ma muli kumbware ngua pãña ñinde ndimo”. Ñine miki kasama lâ.  
<sup>34</sup>Ambo taitu ñine naña apaimi tu ambo noko kuveta ngua pãña tonje,  
 ande noko ma kusarãwa pa sã tonje tu iveta ngua ñinde kaika ndimo.  
 Noko ma kusarãwa pa samba ndimo, ñana tu samba nde Maro Kindeni  
 ne sajonãña nia. <sup>35</sup>Aku noko ma kusarãwa pa tâno ndimo, ñana tu tâno  
 nde Maro Kindeni ne nia ñana io kie lâ kulu kã. Aku noko ma kusarãwa  
 pa Jerusalem lawea ndimo, ñana tu Jerusalem nde Koipu Ñalae Maro  
 Kindeni ne lawea. <sup>36</sup>Aku noko ma kusarãwa pa tamwata kulu kãmba tu  
 iveta ngua tonje kaika ndimo, ñana tu noko pwura ñana kuveta kulu  
 pwau ñinde ipãnga pãne tâku mãmãnga, ande tia. <sup>37</sup>Ambo noko ilo tu  
 kuveta ngua pãña tonje, ande noko ma kuporo tu, ‘Naña ma aveta mine’,  
 tâku, ‘Naña ma aveta mine tia’. Ñinde ikura lâ. Ñgua ndia noko kuseñge  
 ilã tava ne ngua pãña, ande ngua ñinde iyoka pa koroani saka nenzi  
 koipu nã kawa imã, ina sakamao tamwata.”

#### Yesu itula ngua ñana vetãña soki pareña kã

<sup>38</sup>“Kinzi pananãña tamãta ñana ngua tukuña kã uru sipanananzi  
 tamãta tu, ‘Ñgua tukuña keno mine: “Ambo tamãta tonje iyaula noko  
 mata, ande ara, noko kala kuyaula i mata. Ambo tamãta tonje imbware  
 noko niño, ande ara, noko kala kumbware i niño.”’ <sup>39</sup>Ambo taitu ñine  
 naña apaimi tu noko ma kupare nia pa tamãta iveta soki pano ñinde  
 ndimo. Ambo tamãta tonje iponza noko gawula pinde, ande ara, kupulia  
 gawula pinde kala ilã papa tu iponza tona. <sup>40</sup>Ambo tamãta tonje ikaino  
 ilã pa ngua nia tu ikai noko ne pasawaña sajeno, ande ara, noko ne  
 pasawaña kulua, aku ne pasawaña luandondo kulua tava. <sup>41</sup>Ambo Rom  
 nenzi zugu tamãta tonje ikaika pano tu pwale i ne kelekele ku pwoka  
 kuku ikura nia mbuku taitu, ande ara, pwoka kuku ikura nia mbuku rua.  
<sup>42</sup>Ambo tamãta tonje ino pano tu kelekele kulua, ande ara, ñinde kulua.  
 Ambo tamãta tonje itu ikai kelekele tonje sajeno, aku ipaino tu muli i  
 ma itu ñana, ande ara, noko ma kupu muli papa i ndimo.”

#### Yesu itula ngua ñana tininda mwasa panzi kazãña tamãta

*Luka 6:27-36*

<sup>43</sup>“Kinzi pananãña tamãta ñana ngua tukuña kã uru sipanananzi  
 tamãta tu, ‘Ñgua tukuña keno mine: “Noko ma tini mwasa panzi noko  
 ne ñgu, aku wisi nãna panzi ne kazãña tamãta.”’ <sup>44</sup>Ambo taitu ñine naña  
 apaimi tu noko ma tini mwasa panzi ne kazãña tamãta, aku kuno pa  
 Maro Kindeni tu ma ivilanzi tamãta ea siveta mãsi sakamao pano ñinde.  
<sup>45</sup>Ambo noko ma kuveta mine, ande ñinde ma itula pwataki tu noko nde  
 Tamami Maro Kindeni imo samba ilo ñinde natu. Ñana tu i uru iveta ne  
 kari ikãki imã ãta ñana isinalanzi kinzi tamãta saka wa ara wa. Aku i  
 uru iveta karãzi indue imã panzi tamãta uru soka i ne ngua tukuña muli

wa kinzi tamâta uru sipu mulinzi pa i ne ŋgua tukuŋa tona. <sup>46</sup>Ambo noko ma tini mwasa panzi tamâta uru tininzi mwasa pa noko, andeta noko ŋandai tini mwasa panzi tamâta pinde, ande Maro Kindeni ma kulu ara ndia ilano, a? Opopo, kinzi mbumbu-kaiŋa tamâta sakamao kala uru siveta mine wa! <sup>47</sup>Aku mine nâ, ambo noko uru kuporo ‘Kari ara’ panzi ninambwe nâ, ande noko ne vetâŋa ara imo ndia, a? Opopo, kinzi tinikoa tamâta uru siveta mine wa! <sup>48</sup>Noko ma kuveta kie ara nâ panzi ninambwe wa ne kazâŋa tamâta wa, itogo noko tama Maro Kindeni imo samba ilo uru iveta mine.”

### Yesu itula ŋgua ŋana pavilâŋa kâ

**6** <sup>1</sup>Ŋineŋga Yesu iporo ŋgua panzi kilo mine tu, “Noko kupakatona sondo ŋga. Noko ma kuveta ne vetâŋa ara lâ tamâta naonzi, ŋana ma simora wa sisuka noko ŋa kâki wa, mine ndimo. Ambo noko kuveta mine, ande noko tama Maro Kindeni imo samba ilo ma kulu toŋge ilano, ande tia.

<sup>2</sup>Ambo noko kutu kelekele toŋge kulanzi sugorai tamwatanzi, ande noko ma kuveta ikura tamâta pinde uru siveta, mine ndimo. Kinzi kawanzi siporo ŋgua kie toŋge, aŋga ilonzi nde keno piti. Kinzi uru sisupwa tamâta toŋge imbana tando imuŋga panzi. Siveta mine lâ luma ŋana pasauŋa kâ ilo wa lâ nzâla wa. Kinzi situ tamâta ma sisuka warakanzi ŋanzi kâki ŋana nenzi vetâŋa kâ. Naŋa aporo mao nâ pami; kinzi ŋinde ma sikai kulu toŋge lâ Maro Kindeni mbau, ande tia ndo, ŋana tu kinzi ŋgu nenzi paneâŋa ŋinde nâ ma ipâŋga itogo nenzi kulu mwasina. <sup>3</sup>Aŋga noko, ambo noko kutu kuvilanzi sugorai tamwatanzi, ande ara ŋana noko mbau ŋâsi kâ ma izizâla ŋana vetâŋa ndia noko mbau wia kâ iveta. <sup>4</sup>Mine nde noko ne vetâŋa ara ma imo paveâŋa nâ. Noko tama Maro Kindeni isama ŋana vetâŋa paveâŋa kâ, ande kala i ma kulu ilano.”

### Yesu itula ŋgua ŋana noŋa kâ

*Luka 11:1-4*

<sup>5</sup>“Aku lâ zo ndia miki kakai noŋa, ande miki ma kaveta itogo tamâta pinde uru siveta, mine ndimo. Kinzi kawanzi siporo ŋgua kie toŋge, aŋga ilonzi nde keno piti. Kinzi ilonzi ndo tu simandi sikai noŋa lâ luma ŋana pasauŋa kâ ilo wa lâ nzâla pasiŋâni wa, ŋana ma tamâta simoranzi kâ. Naŋa aporo mao nâ pami; kinzi ma sikai kulu toŋge lâ Maro Kindeni mbau, ande tia ndo, ŋana tu kinzi ŋgu nenzi paneâŋa ŋinde nâ ma ipâŋga itogo nenzi kulu mwasina. <sup>6</sup>Aŋga noko, ambo noko kutu pwai noŋa, ande ara ŋana ma kulâ ne luma kisiŋa pwataki toŋge ilo ku kusae nzâla, ŋineŋga simbo nâ pwai noŋa pa tama Maro Kindeni. I uru imo nia paveâŋa, aku imora vetâŋa ndia ikeno paveâŋa. Ambo noko ma kuveta mine, ande i ma kulu ilano.

7Aku lâ zo ndia noko pwai noŋa, ande noko ma kuveta ŋgua kapa-kapa luandondo itogo kinzi tinikoa uru siveta, mine ndimo. Kinzi ilonzi tu mambo siveta ŋgua luandondo, ande nenzi maro ma sipaloŋo pa nenzi ŋgua tâ. 8Aŋga noko ma pwai noŋa ikura nenzi mâsi ŋinde ndimo. Ŋana tu lâ zo ndia noko kuno pa Tama Maro Kindeni tia yo, ande isama lâ ŋana kelekele ndia rârâni ikeno pano tia ŋinde.

9Mine nde miki ma kakai noŋa mine; ‘Maka tamama uru kumo samba ilo, noko ŋa imo sapâŋa. 10Kumo pwai maro ikura nia nia. Noko ne aŋelo simo samba ilo nde uru soka noko ne ŋgua muli; maka iloma tu tamâta rârâni simo tâno kulu ma siveta mine nâ. 11Kama kaniŋa kulama ŋine kari. 12Maka nema kiesaka ikeno tinima, andeta kano pano tu kuzavaru ŋinde piti, ŋana tu maka muŋga kaveta mine nâ panzi tinima pinde. 13Pwai samâŋa kaika toŋge imâ pa maka ndimo; pwaima piti lâ koroani saka nenzi koipu mbau ilo. [Noko maro; noko tini walo; noko zuzuli tamwata; noko kumo mine ku kumo nâ. Mao.]’ ”<sup>a</sup>

14Yesu iporo ŋgua ŋine lâ, ŋineŋga ipainzi tu, “Miki kaloŋo ŋga; ambo tamâta toŋge iveta mâsi sakamao pano, andeta noko kuzavaru ne soki ŋinde piti lâ i tini, ande noko tama Maro Kindeni imo samba ilo kala ma izavaru noko ne kiesaka piti lâ noko tini mine nâ. 15Taitu kuloŋo ŋga; ambo noko kuzavaru soki ŋinde piti lâ tamâta ŋinde tini tia, ande noko tama Maro Kindeni ma izavaru noko ne kiesaka piti lâ noko tini, ande tia.”

#### Yesu itula ŋgua ŋana tuŋa kaika ŋana kâpwa kâ

16“Lâ zo ndia miki katu kaika ŋana kâpwa kâ, ŋana ma kakai noŋa kâ, ande miki ma kaveta naomi matami sakamao itogo tamâta pinde uru siveta, mine ndimo. Kinzi kawanzi siporo ŋgua kie toŋge, aŋga ilonzi nde keno piti. Kinzi uru siveta naonzi matanzi sakamao, ŋana kinzi tamâta ma sisama tu kinzi situ kaika ŋana kâpwa kâ. Naŋa aporo mao nâ pami, kinzi ma sikai kulu toŋge lâ Maro Kindeni mbau, ande tia ndo, ŋana tu kinzi ŋgu nenzi paneâŋa ŋinde nâ ma ipâŋga itogo nenzi kulu mwasina. 17Aŋga noko, ambo noko kutu kaika ŋana kâpwa kâ, ande noko ma kuveta kulu pwau sondo wa kupua nao wa. 18Ambo noko ma kuveta mine, ande kinzi tamâta ma sizizâla ŋana noko ne vetâŋa ŋana kutu kaika ŋana kâpwa kâ. Aŋga noko tama Maro Kindeni imo paveâŋa ŋinde, ande i simbo nâ ma isama. I uru imora vetâŋa ndia ikeno paveâŋa, ande kala i ma kulu ilano.”

#### Yesu itula ŋgua ŋana mbaliŋa gonâŋa kâ

19“Miki ma kagona mbaliŋa arara lâ tâno ŋine kulu ndimo. Lâ tâno ŋine, ande nzirika wa take kana uru iyaula kelekele, aku kinzi panawe

<sup>a</sup> 6:13 Nia ndoyo, ŋgua ŋine kala ikeno ŋgumbi ilo [], ande ikeno lâ pepa tini tia. Mine kala kinzi ilo-kalo tamâta situ tamâta toŋge ipâŋga lâ muli nde iseŋge ŋgua ŋine ilâ kuku ŋgua ikeno muŋga.

tamwatanzi uru sipu ngumbi pwapwataki ku sipanâwe. <sup>20</sup> Aŋga miki, ambo miki ma kaveta ikura nanenġu ngua mine, ande Maro Kindeni ma iveta vetâŋa ara ndo pami lâ samba ilo. Lâ samba ilo, ande nzirika wa take kana ikura tu iyaula kelekele, ande tia; aku kinzi panawe tamwatanzi sikura tu sipu ngumbi pwapwataki ku sipanâwe, ande tia. <sup>21</sup> Lâ nia ndia miki nemi mbaliġa arara ikeno, ande miki ma ilomi keno ndo pa nia ŋinde nâ.”

### **Kinda matânda nde itogo sinâla pa kinda**

<sup>22</sup> “Kinda matânda nde itogo sinâla pa kinda. Ambo noko mata ara, ande sinâla ma ipane noko ilo ndoni. <sup>23</sup> Ambo noko mata ŋaŋa, ande noko ilo ndoni ma imo ŋaŋa ndo. Mao nâ, ambo sinâla ikeno noko ilo ŋinde nde ipâŋga itogo kondoma mine, ande kondoma ŋinde ma ŋaŋa ndo.”

### **Tamâta tonġe ikura tu ikai wurâta panzi koipu rua, ande tia**

<sup>24</sup> “Tamâta tonġe ikura tu ikai wurâta panzi koipu rua ande tia, ŋana tu i ma wisi nâna pa tonġe, aŋga ma tini mwasa pa tonġe. Aku i ma ipono muli pa koipu tonġe, aŋga ma ipu muli pa tonġe. Miki kakura tu kao ilomi ilâ pa Maro Kindeni, aku kao ilomi ilâ pa mbaliġa tona, ande tia.”

### **Yesu itula ngua ŋana kalonda loko wa ilonda paŋgereŋa wa**

<sup>25</sup> “Mine nde naŋa apaimi tu miki ma ilomi paŋgereŋa ŋana nemi via ku kaporo tu ‘Maka ma kaka kâpwa ndia wa kanu lââ ndia’, mine ndimo. Aku miki ma ilomi paŋgereŋa ŋana tinimi kala kaporo tu, ‘Maka ma kasawa pasawaŋa ndia’, mine ndimo. Ŋana tu nemi via ŋinde nde kelekele ŋalae tina kala ipole kâpwa, aŋga warakami tinimi kala ipole pasawaŋa mine nâ. <sup>26</sup> Ayo, miki kalomi ŋgere sondo ŋananzi sii kâ. Kinzi sii uru sipau kaniġa vâsa, ande tia, aku uru sigona kâpwa kanaġo sio lâ luma ŋana kâpwa kâ ilo, ande tia. Taitu miki tamami Maro Kindeni, ina imo samba ilo, ande uru kâpwa ilanzi sii ikura zo zo. Andeta Maro Kindeni ne romboŋa pa miki tamâta nde ŋalae tina, ipole i ne romboŋa panzi sii. <sup>27</sup> Aŋga noko ea pwura tu kusenġe zo kiri-mwata tonġe pa zo ŋine kumo via lâ tâno kulu, a? Tia ndo kanaġo.

<sup>28</sup> Aku mana mana ŋga miki ilomi ŋalae ŋana pasawaŋa kâ, a? Kalomi ŋgere sondo ŋana mâle uru sipâŋga tâno ilo. Mâle ŋinde nde sipâŋga ku sio matanzi mâsi mana, a? Mâle uru siveta wurâta ŋana sisuta warakanzi nenzi pasawaŋa kâ, ande tia ndo. <sup>29</sup> Ambo taitu naŋa apaimi tu mâle ne singâra nde ara ndo, ipole Koipu Ŋalae Solomon ne singâra arara rârâni. <sup>30</sup> Unza ŋinde ipâŋga tâno ilo lâ ŋine kari, andeta wurita kinzi tamâta ma silamo ku sirumbia lâ yââ ilo kana. Opopo, Maro Kindeni io singâra ara ndo lâ unza kaa kaa ŋinde tini; mine nde i ma ikatona miki ŋana pasawaŋa tona. Miki nemi kalo-tawana nde mota mwata nâ! <sup>31</sup> Mine kala naŋa apaimi kilo tu

miki ma ilomi rârâ ku kaporo tu, ‘Maka ma kaka kâpwa ndia, wa kanu lââ ndia, wa kasawa pasawaŋa ndia’, mine ndimo. <sup>32</sup>Kinzi tinikoa tamâta uru kalonzi loko ŋana kelekele ŋinde kâ, kala simo siroto ŋana. Andeta miki tamami Maro Kindeni, ina imo samba ilo, ande isama tu miki kandolo ŋana kelekele kie-kie ŋinde rârâni. <sup>33</sup>Mine nde miki ma kao ilomi ndo ilâ pa Maro Kindeni tu ikai maro pami, aku kapaveta kuku vetâŋa arara ndia itula pami ŋinde. Ambo miki ma kaveta mine, ande Maro Kindeni ma kelekele ndia ikeno pami tia ŋinde ilami tona. <sup>34</sup>Mine kala miki ma kalomi loko ŋana wurita kâ ndimo. Miki ma kakale wurita ne malia tava kari ŋine ne malia ndimo, ŋana tu malia pinde kie-kie ma ipâŋga ikura zo zo.”

### Yesu itula ŋgua ŋana talea pa tininda pinde nenzi vetâŋa

*Luka 6:37-42*

**7** <sup>1</sup>“Noko ma kulea pa tamâta tonŋe ne vetâŋa ndimo. Tia ma Maro Kindeni ilea kaika pa noko tamwata ne vetâŋa mine nâ. <sup>2</sup>Mao nâ, Maro Kindeni ma ilea pa noko ne vetâŋa lâ mâsi kie taituni itogo noko kala kuveta panzi tini pinde mine. <sup>3</sup>Mana mana ŋga noko kalo ŋgere ŋana kâi nzileŋa mwata ikeno noko ninambwe mata ilo, aŋga kuzizâla ŋana kâi mbuku ikeno noko tamwata mata ilo, a? <sup>4</sup>Ŋana sâ kâ ŋga noko uru kupai ninambwe tu, ‘Naŋa atu akai kâi nzileŋa mwata ŋinde piti lâ noko mata ilo’, andeta kâi mbuku ikeno noko tamwata mata ilo, a? <sup>5</sup>Noko kawa kuporo ŋgua kie tonŋe, aŋga ilo nde keno piti! Pwai kâi mbuku ikeno noko tamwata mata ilo ŋinde piti muŋga lâ, ŋineŋga noko ma pwura tu pwai kâi nzileŋa mwata piti lâ ninambwe mata ilo.”

<sup>6</sup>Yesu iporo ŋgua ŋine lâ, ŋineŋga isia ŋgua mine tu, “Kelekele sapâŋa, ande miki ma kalanzi mbwâmbwa ndimo. Tia ma sipupulia ku sikami warakami. Aŋga miki ma katambira nemi mbote-mbote arara ilâ panzi ŋgoa ndimo. Tia ma sipale lâ kenzi.”

### Yesu itula ŋgua pinde kilo ŋana noŋa kâ

<sup>7</sup>“Ambo miki kano pa Maro Kindeni, ande i ma ipaloŋo pa nemi noŋa. Ambo karoto ŋana i ne vetâŋa ara, ande ma kasânda kulu. Ambo kapitikina i ne nzâla, ande i ma ikai nzâla piti pami. <sup>8</sup>Ŋana tu tamâta ea ino pa Maro Kindeni, ande i ma ipaloŋo pa ne noŋa; tamâta ea iroto ŋana i kâ, ande ma isânda kulu; aŋga tamâta ea ipitikina nzâla, ande Maro Kindeni ma ikai nzâla piti papa.

<sup>9</sup>Ambo noko natu tonŋe ino pano tu kâpwa kulua, ande noko ma mira tonŋe kulua, tiya? Tia ndo! <sup>10</sup>Ambo ino pano tu iŋa kulua, ande noko ma mwâta saka kulua, tiya? Tia ndo! <sup>11</sup>Opopo, miki nde kiesaka tamwatami, ambo taitu miki uru kelekele ara nâ kalanzi natumi. Mine nde kalomi ŋgere sondo ŋga; miki tamami Maro Kindeni imo samba ilo, aku indeka ŋana kelekele ara ndo ilanzi tamâta ea sino papa i.

<sup>12</sup>Mose ne ŋgua tukuŋa tava kinzi ŋgua-tulâŋa tamâta muŋgâŋa nenzi ŋgua rârâni nde ipâŋga kanaŋo lâ ŋgua ŋine tini: ‘Vetâŋa ndia miki ilomi tu kinzi tamâta ma siveta pa miki, ande miki ma kaveta vetâŋani ndaina pa kinzi.’ ”

**Yesu itambira ŋgua ŋana nzâla rua kâ**

<sup>13-14</sup>“Nzâla tonŋe ilâ pa zavaruŋa nia, aku nzâla ŋinde nde ŋalae tina. Mine nde kinzi tamâta ŋgu ŋalae ŋinde nde uru soka nzâla ŋinde. Anŋa nzâla tonŋe ilâ pa via nia, aku nzâla ŋinde nde mota mwata nâ. Mine nde kinzi tamâta ŋgu kiri-mwata nâ sikura tu sisânda nzâla ŋinde kulu. Ayo, miki ma koka nzâla mota kala ilâ pa via nia ŋinde nâ kalâ.”

**Yesu itula ŋgua ŋananzi ŋgua-tulâŋa tamâta laŋeŋa kâ**

*Luka 6:43-45*

<sup>15</sup>“Miki kapakatona sondo ŋananzi ŋgua-tulâŋa tamâta laŋeŋa kâ. Kinzi uru sitogonzi ‘lama’ kala naonzi mwasa nâ simâ pami. Ambo taitu kinzi kilalanzi mao nde mine: kinzi sitogonzi mbwâmbwa saka. <sup>16</sup>Ambo miki ma kalomi ŋgere sondo ŋana tamâta ŋinde nenzi vetâŋa kâ, ande ma kakura tu kasama ilonzi pwataki. Ŋana tu kâi wâka-wâka uru ipula kâi waini kanaŋo, ande tia, anŋa wâlo mata-mata uru ipula mbimu kanaŋo, ande tia ndo. <sup>17</sup>Aku mine nâ, kâi ara rârâni nde uru sipula kanaŋonzi ara nâ, anŋa kâi sakamao nde uru sipula kanaŋonzi sakamao nâ. <sup>18</sup>Kâi ara ikura tu ipula kanaŋo sakamao ande tia, anŋa kâi sakamao ikura tu ipula kanaŋo ara, ande tia. <sup>19</sup>Kâi ndia uru ipula kanaŋo ara tia, ŋinde ma kinzi sitoto ku sitambira lâ yââ ilo ikana lâ. <sup>20</sup>Kinzi ŋgua-tulâŋa tamâta nde sitogo kâi. Mine kala, ambo miki ma kalomi ŋgere sondo ŋana nenzi vetâŋa kâ, ande miki ma kakura tu kasama ilonzi pwataki.

<sup>21</sup>Kinzi tamâta rârâ sisarâwa pa naŋa tu, ‘Maro, Maro’. Taitu lâ zo muli, kinzi pinde ma simo Maro Kindeni ne ŋgumbi ilo, ande tia. Anŋa tamâta ea kinzi uru siveta ikura naŋa Mama imo samba ilo ne pateâŋa mine, kinzi ŋinde nâ ma simo i ne ŋgumbi ilo. <sup>22</sup>Mao nâ, muli, lâ zo ŋinde naŋa ma amâ ŋana apare nia panzi tamâta rârâni, ande kinzi tamâta rârâ ma sisarâwa pa naŋa tu, ‘Maro, Maro, maka muŋga kakai noko ndamwa ku katula ŋgua wa kasokinzi koroani saka piti tamâta ilonzi wa kaveta mâsi ŋalaŋala rârâ wa!’ <sup>23</sup>Andeta naŋa ma aporo ŋgua ipâŋga nia yo pa kinzi ŋinde mine tu, ‘Naŋa asama miki tia ndo. Miki nde sakamao tamwatami! Kakâwa kalâ!’ ”

**Yesu isia ŋgua ŋana luma pâŋa kâ**

*Luka 6:47-49*

<sup>24</sup>“Mine nde tamâta ea ilonŋo nanenŋu ŋgua ŋine, aku taŋa mwasa nâ iyoka muli, ande i itogo ilo-kalo tamâta tonŋe ipa ne luma kâki imandi

tâno kaika kulu. <sup>25</sup>Karâzi imbe ŋalae, aku sakuru pondi kâki, kala lawea iyoka kaika ndo itingi luma ŋinde yâti taulo. Andeta luma ŋinde saputi ndue nde tia, ŋana tu ne ŋgunu-ŋgunu keno tâno kaika ilo. <sup>26</sup>Aŋga tamâta ea ilonjo nanenju ŋgua ŋine, andeta taŋa kaika ku tini pwâka tu iyoka muli, ande i itogo tamâta kapa tonje ipa ne luma kâki imandi tâno mbariri kulu. <sup>27</sup>Karâzi imbe ŋalae, aku sakuru pondi kâki, kala lawea iyoka kaika ndo itingi luma ŋinde ilâ wa imâ wa. Ande kala luma ŋinde saputi ndue, ku ipayaula ndo lâ.”

<sup>28</sup>Yesu iporo ŋgua rârâni ŋine panzi marumbu lâ, ande kinzi tamâta rârâni wisinzi motutu ŋana i ne mâsi ŋana ipanananzi kâ. <sup>29</sup>Ŋana tu i ŋandai ipanananzi itogo nenzi pananâŋa tamâta ŋana ŋgua tukuŋa kâ uru sipanananzi mine; ipanananzi itogo i tamwata ikai Maro Kindeni ndamwa kala iporo.

**Yesu iveta tamâta tonje tini saga-saga ipâŋga mbâra-mbâra kilo**  
*Malaka 1:40-45; Luka 5:12-14*

**8** <sup>1</sup>Yesu iyoka tuu ŋinde kulu indue imâ, aku tamâta rârâ soka kuku silâ. <sup>2</sup>Indue lâ, ŋinenŋa tamâta tonje, i tini saga-saga, nde imâ pa Yesu ipare tuku ku ipai tu, “Maro Ŋalae, ambo noko ilo tu kuveta mine, ande noko pwura tu kuveta naŋa tiniŋgu ipâŋga mbâra-mbâra”. <sup>3</sup>Aku Yesu isuŋa mbalau ilâ itaŋo tamâta ŋinde tini ku ipai tu, “Naŋa ilonju tu aveta mine; kala ŋine nâ noko kupâŋga mbâra-mbâra!” Aku ndainani nâ pukoŋa saga-saga ŋinde marumbu lâ tini, aku tamâta ŋinde ipâŋga tini mbâra-mbâra lâ. <sup>4</sup>Ŋinenŋa Yesu ipai mine tu, “Kulonjo sondo ŋga; noko ma kutapâri pa tamâta tonje ŋana vetâŋa kala ipâŋga pano ŋine ndimo. Kulâ kupatula tini pa patarawâŋa tamâta, aku kuveta patarawâŋa ŋana tini mbâra-mbâra kâ, ikura Mose ne ŋgua tukuŋa itula mine. Ambo noko ma kuveta mine, ande kinzi tamâta ma sisama tu noko ne pukoŋa nde marumbu lâ.”

**Yesu iveta zugu tamâta nenzi koipu tonje ne wurâta tamâta tonje tini ara**  
*Luka 7:1-10*

<sup>5</sup>Yesu iyoka ilâ lee ipâŋga Kaperneam lawea. Ŋinenŋa Rom zugu tamâta nenzi koipu tonje nde imâ papa ku ino tu, <sup>6</sup>“Tamâta Ŋalae, nanenju wurâta tamâta tonje ikai pukoŋa, kala ikeno luma. Pukoŋa ŋinde iveta i tini râki-râki ku tuka pââsââ lâ, aku ikai nâna ŋalae tina.” <sup>7</sup>Ŋinenŋa Yesu iporo ŋgua taulo papa tu, “Ara, naŋa ma alâ aveta i tini ara kilo.” <sup>8</sup>Andeta koipu ŋinde ipai tu, “Tamâta Ŋalae, mine tia. Naŋa nde tamâta kaa nâ; mine nde mana mana ŋga noko kutu kumâ nanenju luma ilo, a? Ambo noko ma kuporo lâ kawa nâ, ande nanenju tamâta ŋinde ma tini ara kilo. <sup>9</sup>Ŋana tu naŋa kala mine nâ uru aveta wurâta

panzi tamâta ñalañala pinde. Aku naña warakâñgu akai poe panzi zugu tamâta ñgu tonje. Ambo naña apai tonje tu, ‘Kulâ!’, ande ma ilâ. Ambo naña apai tonje tu, ‘Kumâ!’, ande ma imâ. Ambo naña aporo pa nanenngu wurâta tamâta tonje tu, ‘Kuveta wurâta ñine!’, ande i ma iveta.” <sup>10</sup> Yesu iloño Rom koipu ne ñgua ñinde, aku i wisi motu. Aku ipainzi tamâta soka kuku i ñinde mine tu, “Opopo, tamâta ñai nde tinikoa ma, andeta naña aporo mao nâ pami tu naña muñga amora tamâta tonje lâ Isrel ñgu ne kalo-tawana iregere kuku tamâta ñine ne kalo-tawana, ande tia.

<sup>11</sup> Mine nde naña apaimi tu kinzi kalo-tawana tamâta rârà ma soka pa tâno ndoni simâ, aku ma sisañona sika kunzi timbunda Abraham, Isaka, ñga Yakopu, lâ zo ñinde Maro Kindeni ma ikai maro panzi tamâta lâ tâno kulu. <sup>12</sup> Aña kinzi Juda tamâta ñinde muñga Maro Kindeni isarawanzi tu simo i ne ñgu, ande i ma ñjaranzi silâ pa nia kondoma. Aku lâ nia ñinde kinzi ma sita ñalae ku ñiñonzi giri-giri ñana sikai nâna kâ.”

<sup>13</sup> Yesu iporo ñgua ñinde lâ, ñineñga ipai koipu ñinde mine tu, “Ayo, ñine nâ noko kutaulo kulâ, aku vetâña ñinde ma ipâñga pano, ikura noko ne kalo-tawana mine”. Aku lâ kari tai ndainani nâ, koipu ñinde ne wurâta tamâta ñinde tini ipâñga ara kilo.

#### **Yesu iveta Petero ana taine tini ara kilo**

*Malaka 1:29-34; Luka 4:38-41*

<sup>14</sup> Ñineñga Yesu iyoka ilâ Petero ne luma ilo, aku mata ilâ imora Petero ana taine ipoko ikeno ne kenonja nia, ikai pukoña ndamwa nâna. <sup>15</sup> Yesu ilâ ikai taine ñinde mbau, aku ndainani nâ pukoña ipile i ilâ lâ. Ñineñga taine imandi ku isu kâpwa pa Yesu.

#### **Yesu ivetanzi tamâta rârà tininzi mbalaunzi ara**

<sup>16</sup> Kari indue lala lâ, ñineñga kinzi tamâta lâ lawea ñinde sikainzi tamâta rârà ñinde koroani saka sipakâe kunzi, aku simâ pa Yesu. Aku Yesu itu kaika panzi koroani saka ku ñjaranzi, kala sipilenzi tamâta ñinde sikâwa silâ. Aku Yesu ivetanzi pukoña tamâta râràni tininzi ara kilo tona. <sup>17</sup> Yesu ne vetâña ñinde nde iyoke Maro Kindeni kawa ñgua tonje muñga io lâ ñgua-tulâña tamâta Aisaia kawa. Aisaia iporo ñgua mine tu, “I tamwata izavaru nenda pukoña kie-kie piti lâ tininda.”

#### **Yesu itula ñgua ñana nenda mâsi ñana taponu muli pa i**

*Luka 9:57-62*

<sup>18</sup> Yesu mata ilâ imora tamâta ñgu ñalae tina simandi sinje i lâ, kala ipainzi ne pâri-tamâta mine tu, “Kinda ma tambwaliu talâ pa lââ bwalika tini pinde”. <sup>19</sup> Ñineñga pananâña tamâta ñana ñgua tukuña kâ tonje nde imâ pa Yesu ku ipai tu, “Pananâña, lawea ndia noko kutu kulâ papa, ande naña kala ma ayoka noko muli alâ”. <sup>20</sup> Andeta Yesu iporo taulo tu,

“Kinzi mbwâmbwa ngoi nenzi ngânza nde keno dugu ilo, anga kinzi sii nde palanzi keno tona. Anga naŋa Tamâta Natu nde niângu tonje ŋana akeno apwarea kâ, nde tia.” <sup>21</sup> Yesu iporo ŋgua ŋine lâ, ŋineŋga kalotawana tamâta tonje ipai Yesu tu, “Maro Ŋalae, mwanŋa ŋga. Naŋa ma alâ akea naŋa mama muŋga lâ ŋga.” <sup>22</sup> Andeta Yesu ipai tu, “Kalo loko. Kinzi mateŋa tamâta ma sipakea warakanzi nawalanzi. Anga noko kumâ, kupono muli pa naŋa.”

**Yesu iporo itu kaika pa kâla-lawea, kala pâti kii lâ**

*Malaka 4:36-41; Luka 8:22-25*

<sup>23</sup> Ŋineŋga Yesu ikâki wânŋa tonje kulu kunzi ne pâri-tamâta, aku simbwaliu silâ. <sup>24</sup> Kinzi silâ lee sipânŋa lââ bwalika ngini, ŋineŋga walele nâ lawea iyoka more-more ŋalae aku ne kâla kâki iliŋi lâ wânŋa ilo. Anga Yesu nde ikeno utu lâ. <sup>25</sup> Tia ku kinzi pâri-tamâta silâ sipaŋo Yesu ku sipai tu, “Maro Ŋalae, kuvilama tâ! Tia ma tambwatuke ku ma naonda tia lâ!” <sup>26</sup> Ŋineŋga Yesu ipainzi tu, “Miki nemi kalo-tawana nde kiri-mwata nâ! Ŋana sâ kâ ŋga miki karuru pâta, a?” Yesu iporo ŋgua ŋine lâ, ŋineŋga imandi ku itu ŋgua kaika pa lawea wa kâla wa. Aku walele nâ lawea imâte lâ, aku lââ pâti kii lâ. <sup>27</sup> Kinzi pâri-tamâta simora ŋine ku ilonzi rârâ, aku sipakasoŋa warakanzi tu, “Opopo, tamâta ŋine nde tamâta mana kala iporo kaika pa kâla-lawea, aku kinzi kala sipaloŋo pa i kawa ŋgua!”

**Yesu isokinzi koroani saka piti lâ tamâta rua ilonzi**

*Malaka 5:1-21; Luka 8:26-40*

<sup>28</sup> Yesu ilâ itoa lâ Galilaya Lââ bwalika tini pinde, lâ kinzi Gadara nenzi tâno. Ŋineŋga tamâta rua simâ sipakâtu kuku Yesu. Koroani saka uru simo kinzi tamâta rua ŋinde ilonzi, ande kala rua uru simo potomule lâ ngânza ilo lâ kuru nia. Kinzi rua nde sipuli ngoi ndo; mine kala kinzi tamâta sikura tu soka nzâla ŋinde silâ, ande tia. <sup>29</sup> Ŋineŋga walele nâ kinzi rua sisarâwa kaika mine tu, “Maro Kindeni Natu, noko kutu kuveta mana pa maka. Maro Kindeni ne zo ŋana ipare nia panzi ne kazâŋa tamâta nde ipânŋa tia yo, andeta noko kumâ ŋana nâna kulua maka, a?” <sup>30</sup> Ande ŋgoa ŋgu ŋalae tonje nde simo nia ŋinde, sipaŋuŋu sika simo malawae mwasa. <sup>31</sup> Aku koroani saka ŋinde sino Yesu mine tu, “Ambo noko kuŋara maka, ande maka iloma tu noko ma kuoma kalâ pa ŋgoa ŋinde ilonzi.”

<sup>32</sup> Ŋineŋga Yesu isâu panzi ku ipainzi tu, “Kakâwa kalâ!” Aku walele nâ koroani saka sipilenzi tamâta rua ŋinde, aku silâ ŋgoa ilonzi. Aku ŋgoa ŋinde ndoni wisinzi motutu simaŋguru sipalilu kaika silâ sindue nia ndamwa tonje. Ŋineŋga sisonga sindue lââ bwalika ilo sinu lââ ku sipamateteu marumbu lâ.

<sup>33</sup>Kinzi katonâŋa tamâta ŋana ŋgoa kâ simora mâsi ŋinde, aku sipalilu silâ nenzi lawea ilo. Kinzi sitapâri panzi tamâta ŋana mâsi muŋga ipâŋga panzi ŋinde. Aku sitapâri panzi tona ŋana mâsi kala ipâŋga panzi tamâta rua ŋinde koroani saka muŋga simo ilonzi. <sup>34</sup>Kinzi tamâta ndoni lâ lawea ŋinde siloŋo pâri lâ, ŋineŋga rârâni simâ pa Yesu. Sipakâtu kuku, ŋineŋga sino kaika papa tu ma ipile nenzi ninia ku ilâ pa nia toŋge.

**Yesu iveta tamâta toŋge kie-mbalau sakamao ipâŋga ara**

*Malaka 2:1-12; Luka 5:17-26*

**9** <sup>1</sup>Ŋineŋga Yesu ikâki wâŋga kulu ku imbwaliu ilâ pa lââ bwalika tini pinde. Ilâ lee itoa Kaperneam lawea, lawea ŋinde i uru imo. <sup>2</sup>Itoa lâ, ŋineŋga tamâta pinde sikale pukoŋa tamâta toŋge simâ papa. Pukoŋa tamâta ŋinde kie-mbalau ndoni nde imâte lâ, kala ikeno rombe-rombe kulu. Yesu isama kinzi tamâta ŋinde kilalanzi pwataki tu nenzi kalotawana ikeno pa i. Mine kala ipai pukoŋa tamâta ŋinde tu, “Natungu, noko wisi puu ndue. Naŋa azavaru noko ne kiesaka piti lâ tini.”

<sup>3</sup>Kinzi pananâŋa tamâta ŋana ŋgua tukuŋa kâ pinde nde siloŋo Yesu ne ŋgua ŋinde, kala ilonzi ŋuru-ŋuru siporo pa warakanzi tu, “Yoo, tamâta ŋine nde itu ikai Maro Kindeni nia, kala iporo ŋgua ara tia ndo lâ Maro Kindeni nao!”

<sup>4</sup>Yesu isama kinzi ilonzi kalonzi ŋinde lâ, kala ipainzi mine tu, “Ŋana sâ kâ ŋga ilo-kalo sakamao ŋinde ikeno miki ilomi, a? <sup>5</sup>Mao nâ, naŋa akura tu apai pukoŋa tamâta ŋine mine tu, ‘Naŋa azavaru noko ne kiesaka piti lâ tini’. Aku mine nâ, naŋa akura apai tu, ‘Noko kumandi sânda, ku pwoka kulâ’. Ayo, ŋgua ndia ma itula nanenŋgu walo pwataki pami, a? <sup>6</sup>Andeta naŋa ilonŋu tu miki ma kasama ŋine: naŋa Tamâta Natu akai Maro Kindeni ndamwa lâ tâno ŋine kulu, ikura ŋana azavaru kiesaka piti lâ tamâta tininzi tona.” Yesu iporo ŋgua ŋine panzi lâ, ŋineŋga ipai pukoŋa tamâta ŋinde tu, “Noko kumandi sânda, pwai ne rombe-rombe aku pwoka kulâ pa tamwata ne luma!” <sup>7</sup>Ŋineŋga tamâta ŋinde imandi ku iyoka ilâ pa ne luma. <sup>8</sup>Kinzi tamâta simora mâsi ŋinde, kala ilonzi rârâ. Mine nde sipanea Maro Kindeni, ŋana tu i ne walo ŋalae ikeno pa Yesu.

**Yesu isarawa Matai tu ipono muli papa**

*Malaka 2:14; Luka 5:27-28*

<sup>9</sup>Yesu iyoka ilâ, aku mata imora tamâta toŋge, i ŋa mine Matai. Matai nde uru iveta wurâta lâ Rom nenzi luma ŋana mbumbu kaiŋa kâ toŋge, kala isaŋona imo lumani ndaina ilo. Aku Yesu ipai tu, “Noko kumâ, kupono muli pa naŋa.” Ŋineŋga Matai imandi ku iyoka Yesu muli ilâ.

**Kinzi Parisai tamâta silelea Yesu**

*Malaka 2:15-20; Luka 5:29-35*

<sup>10</sup>Aku muli, zo toŋge, ŋineŋga Yesu ilâ Matai ne luma ilo ku isaŋona ika kâpwa kuku. Ande kinzi mbumbu-kaiŋa tamwatanzi ŋgu ŋalae

sitavanzi kiesaka tamwatanzi pinde, kinzi rârâni simo luma ñinde ilo sika kunzi Yesu ñga ne pâri-tamâta. <sup>11</sup>Andeta kinzi tamâta pinde lâ Parisai ñgu nde simora ñinde, ande kala sikasoñanzi Yesu ne pâri-tamâta mine tu, “Wa, ñana sâ kâ ñga miki nemi pananâña ika kunzi tamâta sakamao ñana mbumbu kaiña kâ wa kinzi kiesaka tamwatanzi wa, a?”

<sup>12</sup>Yesu ilonjo nenzi ñgua ñinde, ñineña ipainzi tu, “Kinzi tamâta tininzi ara uru silâ pa tamâta ñana ivetanzi pukonja kâ, ande tia. Kinzi pukonja tamâta nâ uru silâ pa tamâta ñana ivetanzi pukonja kâ. <sup>13</sup>Andeta Maro Kindeni ne ñgua ikeno lâ pepa tini mine tu, ‘Naña tiniñgu pwâka ñana simbi ñinde miki uru kapatarâwa pana. Taitu naña ilonju ndo tu miki ma kalomi sukâña ñananzi tinimi pinde ku kasukanzi.’ Ara ñana miki ma karoto ñana ñgua ñinde ne duvi kâ. Naña ñandai amâ tâno kulu ñana asarawanzi kinzi vetâña ara warakanzi ñga; naña amâ ñana asarawanzi kinzi kiesaka tamwatanzi.”

<sup>14</sup>Ñinde ilâ lâ, ñineña Yoane Lââ-Liliña Tamwata ne pâri-tamâta pinde simâ pa Yesu, aku sipai tu, “Maka uru katu kaika ñana kâpwa kâ, ñana ma kakai noña kâ, aku kinzi tamâta lâ Parisai ñgu kala uru siveta mine tona. Mine nde mana mana ñga noko ne pâri-tamâta uru siveta mâsi ñine tia, a?”

<sup>15</sup>Ñineña Yesu itu lâ kawanzi aku isia ñgua lâ tamwata tini mine tu, “Ambo tamâta tonje itu ikâe kâ, ande i ninambwe kinzi ma ilonzi malia lâ zo ñinde i imo kunzi yo, ande ma tia. Taitu muli, lâ zo ñinde kinzi ma sikai pakâeña tamâta ñinde piti lâ ninambwe ñgininzi silâ, ñineña lâ zoni ndaina kinzi ma kalonzi sukâña ñalae, aku ma situ kaika ñana kâpwa kâ.”

**Yesu isia ñgua ñana i ne mâsi wasaseki anja nenzi mâsi siña**

*Malaka 2:21-22; Luka 5:36-39*

<sup>16</sup>Ñineña Yesu iporo tu, “Kinzi tamâta uru sisaraka lalava wasaseki katiñe ku sisuta ipono pasawaña siña râge-râge, ande tia. Ambo siveta mine, ande lalava ñana ipono pasawaña râge-râge ñinde ma ipasangu ku isaraka pasawaña kilo, kala ma râge-râge ipwa ñalae tina kilo. <sup>17</sup>Anja kinzi tamâta uru siwuwu waini waseki lâ ñgoa karae patu siña ilo, ande tia. Ambo siveta mine, ande waini ma ipondi kâki ku ma iveta ñgoa karae patu siña ipwa pwataki. Ñineña waini ma imalinji kaa nâ indue lâ tâno kulu, aku ñgoa karae patu kala ma ipânga sakamao tona. Kinzi tamâta uru siwuwu waini waseki lâ ñgoa karae patu wasaseki nâ ilo, ande kala ruani ma keno sondo.”

**Yesu ipaño katonâña tonje natu taine imandi imo via kilo, aku iveta taine tonje tini ara tava**

*Malaka 5:21-43; Luka 8:40-56*

<sup>18</sup>Yesu iporo ñgua ñine panzi tamâta marumbu tia yo, ande luma ñana pasauña kâ ne katonâña tamâta tonje iyoka imâ laiti. Ipare tuku papa

Yesu ku ipai tu, “Naŋa natuŋgu taine ŋineni ŋga imâte lâ. Taitu naŋa asama tu ambo noko ma kumâ kuo mbau lâ i kulu, ande i ma imo via kilo.” <sup>19</sup>Ŋineŋga Yesu imandi aku iyoka kuku katonâŋa ŋinde ilâ, aku Yesu ne pâri-tamâta nde soka kunzi silâ tona.

<sup>20</sup>Andeta taine tonŋe imo ndaina, i uru tini mâta ikai see ikura zo lee mbwera saŋao kanaŋo rua lâ. Aku ndainani nâ taine ŋinde iyoka pa Yesu muli imâ laiti, aku mbau ilâ itaŋo Yesu ne pasawaŋa luandondo ŋgaŋe. <sup>21</sup>I ne vetâŋa ŋinde nde duvi mine; muŋga i taine ilo patea tu, “Ambo naŋa mbaunŋu ataŋo i ne pasawaŋa ŋgaŋe nâ, ande ma tiningu ara kilo”. <sup>22</sup>Mine kala mbau ilâ itaŋo Yesu ne pasawaŋa ŋgaŋe. Ŋineŋga Yesu itale ku mata ilâ imora taine ŋinde, aku ipai tu, “Natunŋu, noko wisi puu ndue; noko ne kalo-tawana ŋinde iveta noko tini ara lâ.” Aku ndainani nâ, taine ŋinde tini ara kilo.

<sup>23</sup>Ŋineŋga Yesu iyoka ilâ katonâŋa ŋinde ne luma ilo, aku mata ilâ imoranzi tamâta pinde simbana kauro ŋana mateŋa kâ, aku imoranzi ŋgu ŋalae sita wa siveta nia nduŋeŋa ŋalae tina. <sup>24</sup>Andeta Yesu ipainzi tu, “Kaveta mine ndimo! Lâlu taine ŋine imâte tia; ikeno mata nâ.” Andeta kinzi siŋelea i pâta kanaŋo. <sup>25</sup>Mine kala Yesu ionzi siyâti silâ pa nia yo marumbu lâ, ŋineŋga ilâ luma ilo kisiŋa pwataki ŋinde ilo. Aku ikai taine taipa mbau, ŋineŋga taine imandi sânda imo via kilo. <sup>26</sup>Aku pâri ŋinde nde ilâ ikura nia ŋinde ndoni.

**Tamâta rua matanzi leva-leva aŋga tamâta tonŋe kawa pasâe nde simâ pa Yesu, aku ivetanzi tininzi ara lâ**

<sup>27</sup>Yesu ipile luma ŋinde aku iyoka ilâ. Andeta tamâta rua matanzi leva-leva nde sitawa i simâ, aku kawanzi ŋalae sisasarâwa papa mine tu, “Noko Daviti ne vâsa, kalo sukâŋa ŋanama!” <sup>28</sup>Yesu iyoka ilâ ne luma ilo, ŋineŋga tamâta rua ŋinde simâ papa. Aku Yesu ikasonŋanzi tu, “Mana mana; miki rua kalomi tawana tu naŋa akura ŋana aveta matami ara kilo, tiya?” Kinzi rua nde siporo taulo tu, “Tamâta Ŋalae, maka kaloma tawana mine”. <sup>29</sup>Ŋineŋga Yesu io mbau lâ kinzi rua matanzi ku ipainzi tu, “Miki nemi kalo-tawana ikeno pa naŋa; mine kala vetâŋa miki ilomi papa ŋine, ande ma ipâŋga pami mine nâ”. <sup>30</sup>Aku ndainani nâ kinzi rua matanzi pareŋge simora kilo. Ŋineŋga Yesu iporo itu kaika panzi rua mine tu, “Miki rua ma katapâri pa tamâta tonŋe ŋana vetâŋa ŋine ndimo.” <sup>31</sup>Andeta muli, kinzi rua siyâti silâ, ŋineŋga situla Yesu parina panzi tamâta ikura nia ndoni.

<sup>32</sup>Kinzi rua simandi ŋana sipile Yesu siyâti silâ, ŋineŋga tamâta pinde sikai tamâta tonŋe imâ pa Yesu. Koroani saka tonŋe muŋga ipakâe kuku tamâta ŋinde, kala iveta i kawa pasâe lâ. <sup>33</sup>Ŋineŋga Yesu isoki koroani saka ŋinde ikâwa ilâ lâ, aku tamâta ŋinde muŋga kawa pasâe nde iporo ŋgua kilo. Kinzi tamâta simora mâsi ŋinde kala wisinzi motutu lâ, aku

siporo mine tu, “Opopo, vetâña tonje kie mine muŋga ipânga lâ kinda Isrel ŋgininda, ande tia ndo!” <sup>34</sup>Andeta kinzi tamâta pinde lâ Parisai ŋgu nde siporo ŋgua pavaligiŋa mine tu, “Yoo, ikai koroani saka nenzi koipu ne walo, kala isokinzi koroani saka piti lâ tamâta ilonzi”.

### Yesu kalo sukâña ŋananzi tamâta

<sup>35</sup>Yesu iyoka ilâ ikura lawea ndoni ikeno Galilaya tâno. I uru ipanananzi tamâta lâ nenzi luma ŋana pasauŋa kê ilo, ku itula pâri ara panzi ŋana Maro Kindeni ne mâsi ŋana ikai maro panzi tamâta kê. Aku kinzi pukoŋa tamâta rârâni, kinzi ŋinde simo tava pukoŋa kie-kie, ande ivetanzi tininzi ara kilo. <sup>36</sup>Yesu mata ilâ imoranzi tamâta ŋgu ŋalae simo nia ŋinde, aku i kalo sukâña ŋananzi, ŋana tu kinzi walonzi tia ku sikura tu sipavila warakanzi, ande tia. Kinzi simo sitogonzi “lama” ŋgu, nenzi katonâña tamâta tia. <sup>37</sup>Mine kala Yesu itambira ŋgua panzi ne pâri-tamâta mine tu, “Kâpwa maria ndo keno tâno ilo, andeta wurâta tamâta ŋana sikai kâpwa kê nde kambwaŋenzi mota mwata. <sup>38</sup>Mine nde miki ma kakai noŋa kano pa Maro Kindeni, ina tâno ŋine warika, ŋana ma ionzi wurâta tamâta pinde silâ sisukami ŋana kagona i ne kâpwa ŋinde.”

### Kinzi pâri-tamâta saŋao kanaŋonzi rua ŋanzi

**10** <sup>1</sup>Yesu isarawanzi ne pâri-tamâta saŋao kanaŋonzi rua simâ, ŋineŋga i walo kaika ilanzi ŋana sisokinzi koroani saka wa siveta tamâta nenzi pukoŋa kie-kie rârâni tininzi ara kilo.

<sup>2</sup>Kinzi pâri-tamâta saŋao kanaŋonzi rua ŋinde ŋanzi ande mine: Saimon, i ŋa tonje Petero, tava i tai Andaria; aŋga Yamesi, i Sebedi natu, tava i tai Yoane; <sup>3</sup>aŋga Pilip ku Bartolomyu rua; aŋga Tomas, aŋga Matai, i muŋga uru iveta wurâta ŋana mbumbu kaiŋa kê; aŋga Yamesi, i Alfius natu, aŋga Tadius; <sup>4</sup>aŋga Saimon Selot, aŋga Judas Iskariot, i muli ikai kulu-pâŋga ŋana Yesu kê, ku io i lâ kinzi kazâña tamâta mbaunzi ilo.

### Yesu iwae wurâta panzi ne pâri-tamâta saŋao kanaŋonzi rua

*Malaka 6:7-13; Luka 9:1-6*

<sup>5</sup>Ŋineŋga Yesu ionzi ne pâri-tamâta saŋao kanaŋonzi rua silâ. Aku ipainzi tu, “Miki ma kalâ pa kinzi tinikoa ŋgu nenzi ninia ndimo, aku kalâ kinzi Samaria ŋgu nenzi lawea ilo ndimo. <sup>6</sup>Miki ma koka sondo kalâ panzi tamâta lâ Isrel ŋgu nâ. Kinzi ŋgu ŋinde nde sitogo ‘lama’ ŋgu, sisapiri kala soka potomule siroroto ŋana nzâla kê. <sup>7</sup>Miki kalâ katula ŋgua panzi mine tu, ‘Maro Kindeni ne zo ŋana ikai maro panzi tamâta kê, ande imâ ipânga laiti lâ.’ <sup>8</sup>Miki kalâ kavetanzi pukoŋa tamâta tininzi ara kilo; aku kapaŋonzi mateŋa tamâta wa kavetanzi tamâta tininzi saga-saga ipânga mbâra-mbâra wa kasokinzi koroani saka piti lâ tamâta ilonzi wa. Naŋa muŋga walo kaika alami ŋana kaveta mâsi kie-kie ŋinde, aku

miki ŋandai mbumbu toŋge kalua naŋa ŋana kakai walo ŋinde ŋga. Mine kala lâ zo ŋana miki ma kaveta mâsi ŋinde panzi tamâta, ande miki ma kakai mbumbu ŋana ndimo.

<sup>9</sup>Aku miki ma kazeze mbumbu pinde lâ nemi tâŋa ilo ndimo. <sup>10</sup>Mao nâ, lâ zo ŋana miki koka kâ, ande miki ma kakai keta wa pasawaŋa rua wa kemi kâmba wa tukâla ŋana yokâŋa kâ ndimo. Ara ŋana kinzi tamâta ma kelekele ŋinde silua tamâta ea iveta wurâta panzi.

<sup>11</sup>Ambo miki koka kalâ lawea toŋge ilo, ande miki ma kalâ karoto ŋana tamâta ea lâ lawea ŋinde ma ilo ara pami. Ambo kasânda tamâta kulu, ande miki ma kamo ndaina kuku tamâta ŋinde lee, ikura lâ zo ŋana miki kapile lawea ŋinde kalâ. <sup>12</sup>Ambo miki kalâ luma toŋge ilo, ande kaporo wisi-ara ne ŋgua panzi tamâta simo luma ŋinde. <sup>13</sup>Ambo kinzi tamâta simo luma ŋinde ma ilonzi ara nâ pami, ande kano pa Maro Kindeni tu ma itu nzâmbe panzi. Taitu kaloŋo ŋga; ambo kinzi ilonzi ara pami tia, ande kakai noŋa kilo tu Maro Kindeni ne nzâmbe ma piti lâ tininzi. <sup>14</sup>Ambo kinzi tamâta râŋâni lâ luma toŋge tâku lawea toŋge nde tininzi pwâka tu sikaimi kamo kunzi, aku tininzi pwâka tu siloŋo nemi ŋgua, ande miki ma kapilenzi, ŋineŋga kapamasi kemi tâno gawura piti, ŋana itula nenzi vetâŋa soki ŋinde pwataki. <sup>15</sup>Naŋa aporo mao nâ pami; lâ zo muli, Maro Kindeni ma ionzi tamâta râŋâni lâ i ne ŋgua nia. Aku pa zo ŋinde, kinzi tamâta lâ lawea ŋinde ma sikai nâna ŋalae tina, ipole nâna ndia kinzi tamâta sakamao muŋga simo Sodom lawea ŋga Gomora lawea ŋinde ma sikai.”

### Malia kie-kie ma ipâŋga

<sup>16</sup>Yesu iporo ŋgua ŋine panzi ne pâri-tamâta lâ, ŋineŋga ipainzi tu, “Miki kaloŋo ŋga; naŋa aomi kalâ katogonzi ‘lama’ kamo mbwâmbwa saka ŋgininzi. Mine nde miki ma kaŋgeŋge ŋana kazâŋa kâ, itogo mwâta uru iveta mine; aku kamo naomi mwasa nâ, itogo sii bâlu uru imo mine. <sup>17</sup>Miki kapakatona sondo ŋga, ŋana tu kinzi tamâta pinde ma sikaimi kaika ku siomi lâ ŋgua nia, aku ma sipalilimi pâta lâ nenzi luma ŋana pasauŋa kâ ilo. <sup>18</sup>Kinzi ma ilonzi tu sitawa naŋa ŋâŋgu ndue, ande kala ma sikaimi kalâ panzi tamâta mbâna-mbâna wa koipu ŋalaŋala wa. Lâ zo ŋinde, miki ma katula pâri ara ŋana naŋa kâ pwataki panzi Juda tamâta wa kinzi tinikoa wa. <sup>19</sup>Ambo siomi kalâ pa ŋgua nia, ande miki ma karuru ku kalomi loko tu, ‘Maka ma kaporo ŋgua mana’, mine ndimo. ŋana tu lâ zoni ndaina, Maro Kindeni ma itula ŋgua pami tu katula kâ. <sup>20</sup>Aku ŋgua miki ma katula panzi ŋinde nde warakami nemi ŋgua, ande tia. Miki tamami Maro Kindeni ne Koroani Sapâŋa tamwata ma io ŋgua ŋinde lâ kawami.

<sup>21</sup>Lâ zo ŋinde, kinzi tamâta ma sio ninzi-nambwe lâ ŋgua nia, aku ma sipunzi pâta simâte. Aku tamâta ma siveta mine nâ pa warakanzi natunzi

tona. An̄ga kinzi lâlu ma sikai kazâŋa kie taituni panzi tinanzi-tamanzi tava, kala ma sionzi lâ kazâŋa tamâta mbaunzi ilo tu ma sipunzi pâta simâte. <sup>22</sup>Kinzi tamâta ndoni ma wisinzi nâna ndo pa miki, ŋana tu miki kalomi tawana naŋa. Andeta tamâta ea kalo tawana naŋa kaika lee ilâ ipân̄ga lâ keru, ande Maro Kindeni ma via mao ilua i. <sup>23</sup>Ambo kinzi tamâta lâ lawea ton̄ge ma siveta malia pami, ande kakâwa kalâ pa lawea ton̄ge. Naŋa aporo mao nâ pami; miki ma kaveta wurâta ŋine kakura Isrel nenzi lawea rârâni marumbu tia yo, ŋinen̄ga naŋa Tamâta Natu ma amâ.”

### **Yesu ne pâri-tamâta ma sikai nâna, sitogo i mine**

<sup>24</sup>Ŋinen̄ga Yesu ipainzi ne pâri-tamâta tu, “Kinzi pepa tamâta nenzi ilo-kalo ŋandai ipole nenzi pananâŋa tamâta ne ilo-kalo ŋga; aku mine nâ, kinzi wurâta tamâta ŋandai simo nenzi tamâta ŋalae kulu ŋga. <sup>25</sup>Mine nde vetâŋa ndia kinzi siveta pa pananâŋa tamâta, ande ma siveta mine nâ panzi i ne pepa tamâta tona; an̄ga vetâŋa ndia siveta pa tamâta ŋalae, ande ma siveta mine nâ panzi i ne wurâta tamâta. Ambo kinzi tamâta pinde uru sipatu tamâta ŋalae ton̄ge ŋa tu Belsebul (i ŋa ton̄ge Sadana), ande kinzi ma siporo ŋgua sakamao ndo ŋananzi tamâta uru sipono muli papa i ŋinde.

### **Kinda ma tamege ŋana Maro Kindeni simbo nâ**

<sup>26</sup>“Mine nde miki ma karuru ŋananzi nemi kazâŋa tamâta ndimo. Ŋgua ndia rârâni ikeno paveâŋa, ŋinde miki ma katula pwataki ipân̄ga nia yo, ŋana kinzi tamâta ma sisama ŋgua rârâni ne duvi. <sup>27</sup>Mao nâ, ŋgua ndia rârâni naŋa aporo pami lâ nia ŋgaŋe, ŋinde miki ma katula ipân̄ga nia yo. Aku ŋgua ndia rârâni muŋga taporo imo ŋgininda nâ, ŋinde miki ma kamandi lâ luma kulu âta aku kawami ŋalae katula pwataki. <sup>28</sup>Miki ma karuru ŋananzi kazâŋa tamâta ndimo, ŋana tu kinzi sikura tu sipu karaemi nâ pâta imâte, taitu sikura tu sipu koranami pâta imâte, ande tia. Ambo taitu miki ma karuru ŋana Maro Kindeni, ŋana tu i simbo nâ ikura tu izavaru karaemi wa koranami lâ yââ ŋalae ne mbââ ilo.

<sup>29</sup>Miki kasama tu kinzi tamâta uru sikonzi sii kiri-kiri rua lâ mbumbu taitu nâ. Mine nde kasama tu sii nde itogo kelekele kaa nâ. Andeta miki tamami Maro Kindeni uru ikai katonâŋa sondo panzi sii ŋinde. Mao nâ, ambo i ma isâu tia, ande sii ton̄ge ma ikura tu imbe ndue ipu tâno, ande tia. <sup>30</sup>Aku mine nâ, Maro Kindeni isama lâ ŋana miki nemi moŋa wa vetâŋa wa. Opopo, kulu pwau ŋapia keno kulumi, ande isama ŋine wa! <sup>31</sup>Mine nde miki ma karuru ndimo, ŋana tu lâ Maro Kindeni nao, ande miki nde kelekele ara ndo, kapolenzi sii ndoni marumbu lâ.”

### **Mâsi ŋana tatula nenda kalo-tawana pwataki kâ**

<sup>32</sup>“Tamâta ea itula ne ilo-kalo pwataki lâ nia yo tu i kalo tawana naŋa, ande muli naŋa kala ma atula ŋgua pwataki papa naŋa Mama lâ samba

lawea mine tu, ‘Tamâta ñine nde nanenġu tamâta’. <sup>33</sup> Anġa tamâta ea itula ne ilo-kalo pwataki lâ nia yo tu i kalo tawana naña tia, ande muli naña kala ma atula ñgua pwataki papa naña Mama lâ samba lawea mine tu, ‘Tamâta ñine nde nanenġu tamâta tia.’”

### Yesu imâ ñana iveta kazâña ipânġa

<sup>34</sup> “Miki ma ilomi tu naña amâ ñana apupu paraña rârâni lâ tâno kulu, mine ndimo. Naña ñandai amâ ñana apupu paraña ñga.

<sup>35</sup> Naña amâ ñana aveta kazâña ne mâsi ipânġa. Mao nâ,

‘Natu tamâne ma ikai kazâña pa tama, anġa natu taine ma ikai kazâña pa tina, anġa lawa ma ikai kazâña pa ana. <sup>36</sup> Tamâta see kinzini ma sipânġa simo i ne kazâña tamâta.’

<sup>37</sup> Ambo tamâta tonġe ne tini-mwasa panzi tina-tama ipole ne tini-mwasa pa naña, ande i ma ikura tu imo nanenġu tamâta, ande tia. Aku mine nâ, ambo tamâta tonġe ne tini-mwasa panzi natu ipole ne tini-mwasa pa naña, ande i ma ikura tu imo nanenġu tamâta, ande tia. <sup>38</sup> Aku mine nâ, ambo tamâta tonġe tini pwâka tu ikale i ne kâi popole ku iyoka naña mulingu, ande i ma ikura tu imo nanenġu tamâta, ande tia. <sup>39</sup> Tamâta ea ilo ñalae ñana tamwata ne via lâ tâno kulu, ande i ma ikura tu ikai via mao, ande tia. Anġa tamâta ea kalo tawana naña kala ipatawa tini ku imora tamwata ne via tu kelekele kaa nâ, ande i ma isânda ne via mao kulu.”

### Tamâta ikai ne kulu ara

<sup>40</sup> “Tamâta ea iveta kie ara pa miki, ande iveta kie ara pa naña tona. Aku tamâta ea iveta kie ara pa naña, ande iveta kie ara pa Maro Kindeni tona, ina munġa isupwa naña kala amâ. <sup>41</sup> Ambo tamâta tonġe ilo ara panzi Maro Kindeni ne ñgua-tulâña tamâta, kala iveta kie ara pa tonġe, ande tamâta ñinde ma ikai ne kulu, itogo kulu ñinde kinzi ñgua-tulâña tamâta uru sikai mine. Aku mine nâ, ambo tamâta tonġe ilo ara panzi tamâta ñinde uru sipono muli pa Maro Kindeni, ande kala iveta kie ara pa tonġe, ande i ma ikai ne kulu, itogo kulu kinzi tamâta uru sipono muli pa Maro Kindeni ñinde uru sikai mine. <sup>42</sup> Naña aporo mao nâ pami; ambo tamâta tonġe ilo ara panzi kalo-tawana tamâta, kala iliñi lââ vâra-vâra lâ kâmba ilo ku ilua nanenġu tamâta tonġe tu inu kâ, ande Maro Kindeni ma kulu ilua tamâta ñinde.”

### Yoane Lââ-Liliña Tamwata isupwanzi ne pâri-tamâta simâ pa Yesu

#### *Luka 7:18-35*

**11** <sup>1</sup> Yesu iporo ñgua ñine panzi ne pâri-tamâta sañao kanañonzi rua marumbu lâ, ñineñga ipile lawea ñinde ku ilâ pa lawea pinde ikeno Galilaya tâno, ku ipanananzi tamâta ku itula Maro Kindeni kawa ñgua panzi.

<sup>2</sup> Anŋa Yoane Lââ-Liliŋa Tamwata nde imo luma sakamao ilo, ande iloŋo Yesu Kirisi parina tu iveta mâsi kie-kie ŋinde. Mine kala Yoane ionzi ne pâri-tamâta pinde silâ pa Yesu, <sup>3</sup> ŋana ma sikasoŋa i mine tu, “Tiambo nokoni kala tamâta ŋinde Maro Kindeni muŋga ipa ŋgua tu ma isupwa imâ, tiya?, ma kao tinima ŋana tamâta toŋge.”

<sup>4</sup> Ŋineŋga Yesu itu ŋgua taulo panzi tu, “Miki kataulo kalâ katapâri pa Yoane ŋana vetâŋa wa mâsi kie-kie miki kaloŋo ku kamora ŋine: <sup>5</sup> Kinzi tamâta muŋga matanzi leva-leva ande simora nia, anŋa kinzi tamâta muŋga kenzi sakamao nde soka nzâla silâ. Kinzi tamâta muŋga tininzi saga-saga nde sipânŋa tininzi mbâra-mbâra lâ, anŋa kinzi tamâta muŋga taŋanzi pasâe nde siloŋo ŋgua. Kinzi mateŋa tamâta nde simandi simo vianzi kilo, anŋa kinzi sugorai tamwatanzi nde siloŋo pâri ara. <sup>6</sup> Tamâta ea ikai nâna ŋana ne kalo-tawana kâ, ambo i ma imandi kaika ku ipono muli sondo pa naŋa, ande Maro Kindeni ne nzâmbe ma ikeno papa i.”

<sup>7</sup> Yoane Lââ-Liliŋa Tamwata ne pâri-tamâta ŋinde nde silâ lâ, ŋineŋga Yesu iporo ŋgua panzi tamâta ŋgu simo kuku i ŋinde. Ipainzi tu, “Miki muŋga kalâ pa nia bilimu ŋana kaloŋo Yoane Lââ-Liliŋa Tamwata ne ŋgua, aku lâ zo ŋinde miki kalâ tu kamora sâ. Tiambo miki kalâ tu kamora kuli toŋge, lawea itili ilâ wa imâ wa, tiya? Mine tia. <sup>8</sup> Mine nde miki kalâ tu kamora sâ. Tiambo miki kalâ tu kamora tamâta toŋge uru isiŋga pasawaŋa arara, tiya? Mine tia. Kinzi tamâta uru sisiŋga pasawaŋa arara ŋinde nde simo koipu ŋalaŋala nenzi luma nâ ilo. <sup>9</sup> Mine kala miki kalâ tu kamora sâ. Tiambo miki kalâ tu kamora ŋgua-tulâŋa tamâta toŋge, tiya? Mao nâ, miki kalâ tu kamora ŋgua-tulâŋa tamâta toŋge. Andeta miki ŋandai kamora ŋgua-tulâŋa tamâta kaa nâ ŋga. <sup>10</sup> Mao nâ, kinzi ŋgua-tulâŋa tamâta muŋgâŋa nde sikai Maro Kindeni kawa ŋgua, ŋineŋga siŋgere ŋgua ŋana Yoane lâ pepa tini mine tu,

‘Kuloŋo ŋga; naŋa ma ao nanenŋu ŋgua-tulâŋa tamâta toŋge ilâ imuŋga pano. I ma iveta nzâla sondo pa noko.’

<sup>11</sup> Naŋa aporo mao nâ pami; ikura zo muŋgâŋa rârâni, ande tamâta toŋge imo tamâta ŋalae kala ipole Yoane Lââ-Liliŋa Tamwata, ande tia ndo. Ambo taitu miki kaloŋo ŋga; lâ ŋgu ŋine Maro Kindeni ikai maro papa, tamâta ea imo kinzi tamâta rârâni kalonzi, ande i imo tamâta ŋalae, kala ipole Yoane.

<sup>12</sup> Muŋga, lâ zo ŋinde Yoane Lââ-Liliŋa Tamwata imandi ŋana iveta ne wurâta, aku imâ lee ipânŋa lâ zo ŋine kala tamo ŋine, ande kinzi kazâŋa tamâta nde sipara kaika ku sitogo tu sipono nzâla ŋana Maro Kindeni ma ikai maro panzi tamâta kâ. <sup>13</sup> Mao nâ, siŋgani, aku imâ lee ipânŋa lâ Yoane Lââ-Liliŋa Tamwata ne zo, ande Mose ne ŋgua tukuŋa anŋa kinzi ŋgua-tulâŋa tamâta rârâni nde situla ŋgua ŋana Maro Kindeni ne zo ŋana ikai maro panzi tamâta kâ. <sup>14</sup> Aku miki ea ilomi tu kalomi tawana nenzi ŋgua ŋinde, ande miki kaloŋo ŋga; Yoane nde ikai Ilia nia, ina ŋgua-

tulâna tamâta muŋgâna ñinde kinzi siporo tu ma itaulo imâ kilo. <sup>15</sup> Ambo miki taŋami keno, ande kaloŋo ŋgua ñine sonde.

<sup>16</sup> Ayo, naŋa ma aporo asia ŋgua mana ŋana vetâna kinzi tamâta uru siveta lâ zo ñine. Kinzi nde sitogonzi lâlu kiri-kiri, ilonzi kalonzi soki-soki sisarona ao ŋgini ku sisarâwa pa nawalanzi tu, <sup>17</sup> “Opopo, maka kambana kauro ŋana miki ma kakina kiniŋa, andeta miki tinimi pwâka tu kaki. Aŋga maka kawâŋgi wâŋgiŋa kalo-kalo kâ, andeta miki tinimi pwâka tu kata.” <sup>18</sup> Ñineŋga Yesu iporo ŋgua siâna ñine ne duvi pwataki panzi tu, “Yoane Lââ-Liliŋa Tamwata uru indi kaika pa tamwata ŋana kâpwa wa waini wa, andeta kinzi sivaligi i mine tu, ‘Koroani saka imo kuku i!’ <sup>19</sup> Aŋga naŋa Tamâta Natu uru aka wa anu wa, andeta kinzi sivaligi naŋa mine tu, ‘Kamora ŋga, i tamâta ŋana ika kâpwa wa inu waini ŋalae tina. Aku iveta mete kunzi tamâta sakamao ŋana mbumbu kaiŋa kâ wa kinzi kiesaka tamwatanzi wa!’ Andeta Maro Kindeni uru iwae wurâta sonde ndo panzi ne tamâta, kala miki kamora kanaanjo pwataki lâ.”

#### **Yesu iporo ŋgua kaika ŋananzi tamâta ñinde sipalele ilonzi kalonzi tia**

<sup>20</sup> Yesu muŋga iveta mâsi ŋalaŋala rârâ ñinde lâ lawea pinde, andeta kinzi tamâta lâ lawea ñinde ŋandai sipalele ilonzi kalonzi ŋga. Mine kala Yesu iporo ŋgua kaika ŋananzi tamâta ñinde mine tu, <sup>21</sup> “Oyae, miki tamâta lâ Korasin lawea! Oyae, miki tamâta lâ Betsaida lawea! Malia ŋalae tina ma imâ pami! Ambo naŋa muŋga aveta mâsi ŋalaŋala panzi kiesaka tamwatanzi simo Tair lawea ŋga Saidon lawea, itogo naŋa muŋga aveta lâ miki nemi lawea mine, ande nanayoni kinzi tamâta ñinde ma sipasawa pasawaŋa siŋga wa sio kââ lâ kulunzi wa, ŋana itula ilonzi pwataki tu kinzi sipalele ilonzi kalonzi ilâ pa naŋa marumbu lâ. <sup>22</sup> Andeta naŋa aporo mao nâ pami; lâ zo ŋana Maro Kindeni ma ionzi tamâta silâ pa i ne ŋgua nia, ande kinzi tamâta lâ Tair wa Saidon nde ma sikai nâna, aŋga miki ma kakai nâna ŋalae tina! <sup>23</sup> Aŋga miki tamâta lâ Kaperneam lawea, miki katu kapasuka warakami tinimi ku kakâki kalâ pa samba lawea, a? Tia ndo! Maro Kindeni ma itambirami kalâ kandue yââ ŋalae ne mbââ ilo! Ambo lâ nia ndoyo naŋa aveta mâsi ŋalaŋala panzi kiesaka tamwatanzi lâ Sodom lawea, itogo naŋa muŋga aveta lâ miki nemi lawea mine, ande Sodom lawea ma keno mo ŋai yo, ma zavaruŋa tia. <sup>24</sup> Andeta naŋa aporo mao nâ pami; lâ zo ŋana Maro Kindeni ma ionzi tamâta silâ pa i ne ŋgua nia, ande kinzi tamâta lâ Sodom ma sikai nâna, aŋga miki ma kakai nâna ŋalae tina!”

#### **Kinda ma talâ pa Yesu ŋana takai pwareâna kâ**

<sup>25</sup> Yesu iporo ŋgua ñine lâ, ñineŋga ikai noŋa pa Maro Kindeni mine tu, “O, Mama, noko uru pwai maro pa samba wa tâno wa. Naŋa kawâŋgu ndaŋge pano, ŋana tu noko kuvea ilo-kalo ñinde ŋananzi ilo-kalo

tamwatanzi, andeta kutula pwataki panzi tamâta ñinde nenzi ilo-kalo ñalae koña tia. <sup>26</sup>Mao nâ, Mama, noko ilo patea tu ma kuveta mine, kala kuveta lâ.” <sup>27</sup>Yesu ikai noña ñine lâ, ñinenga iporo panzi tamâta ñgu mine tu, “Naña akai Mama ndamwa marumbu lâ. Tamâta tonje isama Maro Kindeni Natu kilala sondo, ande tia; Mama simbo nâ isama. Aku naña Maro Kindeni Natu simboñgu nâ kala asama Mama kilala sondo, tavanzi tamâta ndia naña apateanzi tu ma atula i kilala pwataki panzi.

<sup>28</sup>Mine nde noko tamâta ea kumakâsa ñalae tina kala tini pââsââ lâ, ande noko kumâ pa naña, aku naña ma pwareâña alano. <sup>29</sup>Kumâ pwai wurâta ñine naña atu alano, aku naña ma apananano ñana kumo nanenju tamâta. Naña uru akai poe mwasa nâ panzi tamâta, aku uru apatawa warakâñgu tiningu. Mine nde kumâ pa naña, aku noko ilo ma isânda pwareâña kulu. <sup>30</sup>Ñana tu wurâta ñine naña atu alano, ande wurâta ñalae koña tia. Aku mine nâ, kelekele ndia naña alano tu pwale, ande ñinde ne malia nde ñalae koña tia.”

**Ñgua tuña kaika ñana wurâta kaiña lâ pwareâña ne zo sapâña**

*Malaka 2:23-28; Luka 6:1-5*

**12** <sup>1</sup>Zo tonje, lâ Juda nenzi pwareâña ne zo sapâña tonje, Yesu tavanzi ne pâri-tamâta soka silâ sipâña kâpwa “wit” ne tâno ñgini. I ne pâri-tamâta nde putole ipunzi, kala sisiki kanaño pinde ku sika. <sup>2</sup>Andeta tamâta pinde lâ Parisai ñgu nde matanzi ilâ simoranzi siveta mine, aku sipai Yesu tu, “Wa! Ñgua tukuña ikeno tu kinda ma taveta wurâta lâ zo sapâña ndimo. Mine nde noko ne pâri-tamâta silaña sipole ñgua tukuña ñinde!” <sup>3</sup>Andeta Yesu iporo ñgua taulo panzi tu, “Tiambo miki ñandai kaponono ñgua ñana vetâña ñinde timbunda Daviti muña iveta, lâ zo ñinde putole ipu i tavanzi ne ñgu, a? <sup>4</sup>Mao nâ, Daviti ilâ luma sapâña ilo, aku mbau ilâ ikai puroña ñinde kinzi patarawâña tamâta muña sipatarâwa pa Maro Kindeni. Patarawâña tamâta ñalae puroña ñinde ilua Daviti, ñinenga Daviti ika kunzi ne tamâta. Andeta ñgua tukuña ikeno tu kinzi patarawâña tamâta simbonzi nâ ma sika puroña ñinde. <sup>5</sup>Aku tiambo miki kazizâla tava ñana ñgua tukuña Mose ñgere ñananzi patarawâña tamâta, tiya? Kinzi uru siveta wurâta lâ Maro Kindeni ne luma sapâña ilo ikura pwareâña ne zo sapâña rârâni. Mine nde silaña sipole tukuña ñana zo sapâña kâ. Andeta kinzi siveta soki ñana ñinde kâ, ande tia. <sup>6</sup>Naña aporo mao nâ pami; tamâta tonje imo ñai, ande i tamâta ñalae, ipole Maro Kindeni ne luma sapâña. <sup>7</sup>Maro Kindeni kawa ñgua ikeno lâ pepa tini mine tu, ‘Naña tiningu pwâka ñana simbi ñinde miki uru kapatarâwa pa naña. Taitu naña ilonju ndo tu miki ma kalomi sukâña ñananzi tinimi pinde ku kasukanzi.’ Ambo miki ma kalomi ñgere sondo ñana ñgua ñinde ne duvi, ande miki ma kasowe ñgua mine lâ tamâta ñine tininzi, ande ma tia. Kinzi ñandai siveta kiesaka

ņana ŋinde kâ. <sup>8</sup>Ūjana tu naņa Tamâta Natu akai maro pa pwareâņa ne zo sapâņa.”

**Yesu iveta tamâta tonje mbalau sakamao ipânga ara lâ pwareâņa  
ne zo sapâņa**

*Malaka 3:1-6; Luka 6:6-11*

<sup>9</sup>Yesu ipile nia ŋinde, ŋineŋga iyoka ilâ Juda nenzi luma ŋana pasauņa kâ ilo. <sup>10</sup>Aku tamâta tonje imo niani ndaina, i mbalau tonje panzukuma lâ. Aņa kinzi Parisai tamâta pinde simo ndaina, aku situ sio Yesu lâ ŋgua nia. Mine kala sikasoņa Yesu tu, “Mose ne ŋgua tukuņa isâu ŋana taveta pukonja tamâta tini ara lâ pwareâņa ne zo sapâņa, tiya?” <sup>11</sup>Ande Yesu itu lâ kawanzi tu, “Ambo miki nawalami tamâta tonje ne ‘lama’ taitu nâ imo, andeta lama ŋinde pata indue mbââ tonje ilo lâ pwareâņa ne zo sapâņa, ande tamâta ŋinde ma isaņa ne lama ŋinde ku itapa kâki imâ, tiya? Mao nâ, i ma isaņa itapa kâki imâ. <sup>12</sup>Ambo taitu lama nde lama nâ, aņa lâ Maro Kindeni nao kinzi tamâta nde sipolenzi lama ndo lâ. Mine kala ŋgua tukuņa isâu ŋana taveta vetâņa ara lâ pwareâņa ne zo sapâņa.” <sup>13</sup>Yesu iporo ŋgua ŋine lâ, ŋineŋga iporo pa tamâta mbalau sakamao ŋinde tu, “Kusowea mbalau.” Tamâta ŋinde isowea mbalau lâ, aku ndainani nâ mbalau sakamao ŋinde ipânga ara lâ, itogo i mbalau tonje mine. <sup>14</sup>Aņa kinzi Parisai tamâta nde simandi silâ, ŋineŋga sipasau ku sipa ŋgua tu ma sipu Yesu pâta imâte.

**Yesu nde Maro Kindeni ne wurâta tamâta mao**

*Malaka 3:7-12*

<sup>15</sup>Andeta Yesu isama lâ ŋana nenzi ŋgua ŋinde. Mine kala ipile nia ŋinde ku iyoka ilâ. Aku tamâta rârâ soka i muli silâ, ande ivetanzi pukonja tamâta rârâni tininzi ara lâ. <sup>16</sup>Andeta Yesu indi kaika panzi tamâta ŋinde tu ma situ i parina ilâ panzi tamâta pinde siloņo ndimo. <sup>17</sup>Yesu iveta mine, ande kala Maro Kindeni kawa ŋgua muņa itula papa ŋgua-tulâņa tamâta Aisaia ŋinde, ande ipânga kanaņo. Ūgua ŋinde nde mine;

<sup>18</sup>“Naņa muņa apatea tamâta ŋine tu imo nanenģu wurâta tamâta. Naņa tiniŋģu mwasa ndo papa, aku iloŋģu ndeka ŋana. Naņa ma ao koranânģu ilâ papa i, kala i ma itula ŋgua panzi tinikoa ŋģu ŋana vetâņa sondo naņa uru aveta lâ ŋgua nia. <sup>19</sup>I ŋana iporo ipambita kunzi tamâta wa iporo ŋgua kawa pakâe ŋalae panzi, ande ma tia. Kinzi ma siloņo i isarâwa lâ nzâla kawa, ande tia. <sup>20</sup>Ambo taumbwa tonje kambwaje sasa mwata, ande ŋinde i ma imbware nuki ndo, ande tia. Ambo sinâla ne ‘wiki’ tonje yââ kana lâ kala mundo nâ ikâki, ande ŋinde i ma ipupu imâte puusii kâ, ande ma tia. I ma iveta wurâta mine lee, ikura lâ zo ŋinde itunzi

tamâta rârâni sondo marumbu lâ. <sup>21</sup> Aku kinzi tamâta papa ngu rârâni ma sio nenzi kalo-tawana ilâ papa i, ku ma sio tininzi jana i ne pavilânga njinde kâ.”

**Kinzi siporo tu Yesu ikai wurâta kuku koroani saka nenzi koipu njalae**  
*Malaka 3:22-27; Luka 11:14-23*

<sup>22</sup> Njine ilâ lâ, njineŋga tamâta pinde sikai tamâta tonje simâ pa Yesu. Tamâta njinde nde koroani saka ipagagara, aku iveta i mata leva-leva wa kawa pasâe wa. Andeta Yesu iveta tamâta njinde tini ara kilo, kala iporo njgua pwataki ku mata imora nia kilo. <sup>23</sup> Kinzi tamâta ngu njalae simo ndaina, ande matanzi simora Yesu ne mâsi njinde. Kinzi wisinzi motutu lâ, aku sipakasoŋa tu, “Opopo, tiambo tamâta njine nde timbunda Daviti ne vâsa njinde kala kinda uru tao tininda jana, tiya?” <sup>24</sup> Andeta kinzi Parisai ngu tamâta pinde siloŋo njgua njine, aku sipainzi tu, “Tamâta njine ikai koroani saka nenzi koipu njalae Belsebul ne walo (i ŋa tonje Sadana), kala waloni ndaina isuka i jana isokinzi koroani saka piti lâ tamâta ilonzi.”

<sup>25</sup> Yesu nde isama kinzi ilonzi pwataki lâ, ande kala ipainzi tu, “Ambo kinzi tamâta nenzi lawea taitu ma sipwa pwataki simo ngu rua ku sipara, ande lawea njinde ikura tu imo kaika, ande tia. Ambo tamâta tonje natu-timbu ma sipwa pwataki simo ngu rua ku sikai kazâŋa pa warakanzi, ande kinzi ngu njinde ma sipayaula ndo. <sup>26</sup> Aku mine nâ, ambo Sadana ne ngu ma sipwa pwataki simo ngu rua ku sikai kazâŋa pa warakanzi, ande i ne ngu njinde ma sipayaula ndo. <sup>27</sup> Ayo, miki kaporo tu koroani saka nenzi koipu njalae isuka naŋa kala asokinzi koroani saka. Andeta miki kalomi ngere sondo ŋga; miki Parisai nemi tamâta uru sisokinzi koroani saka piti mine nâ! Mine nde ea uru isuka kinzi, a? Miki nemi tamâta nenzi vetâŋa njinde itula nemi njgua njinde kilala pwataki tu soki ndo. <sup>28</sup> Andeta Maro Kindeni ne Koroani Sapâŋa uru imo kuku naŋa, aku walo ilana jana asokinzi koroani saka. Mine nde miki kasama tu Maro Kindeni ne zo jana ikai maro panzi tamâta kâ nde imâ ipâŋga pami marumbu lâ!

<sup>29</sup> Tamâta tonje ikura tu iyoka kaa nâ ilâ tamâta kaika tonje ne luma ilo ku ipanawe i ne kelekele, ande tia. I ma ipa tamâta njinde kaika muŋga lâ ŋga. Iveta mine, njineŋga ikura tu ikai ne kelekele rârâni keno i ne luma ilo njinde marumbu lâ.

<sup>30</sup> Tamâta ea ipono muli pa naŋa tia, ande i ikai kazâŋa pa naŋa. Anŋa tamâta ea tini pwâka tu isarawanzi tamâta tu simâ pa naŋa, ande i iveta wurâta jana iŋaranzi tamâta sikâwa pwapwataki silâ.

<sup>31</sup> Mine kala naŋa aporo mao nâ pami; Maro Kindeni ikura tu izavaru kiesaka rârâni tava njgua pavaligiŋa rârâni kinzi tamâta siporo papa i njinde piti lâ tininzi. Taitu kaloŋo ŋga; ambo tamâta tonje iporo njgua

pavaligiņa pa Maro Kindeni ne Koroani Sapâņa, itogo kala ñine miki kaporo mine, ande Maro Kindeni ma izavaru tamâta ñinde ne kiesaka ñinde piti tia. <sup>32</sup>Mao nâ, tamâta ea iporo ñgua potomule pa Tamâta Natu, ande Maro Kindeni ikura tu izavaru kiesaka ñinde piti. Aņa tamâta ea iporo ñgua potomule pa Koroani Sapâņa, ande lâ zo ñine wa zo muli wa, Maro Kindeni ma izavaru tamâta ñinde ne kiesaka ñinde piti, ande ma tia.”

### **Kâi sakamao uru ipula kanaņo sakamao nâ**

<sup>33</sup>Yesu iporo ñgua ñine panzi Parisai tamâta lâ, ñineņa ipainzi tu, “Kâi ara ne kanaņo nde ara, aņa kâi sakamao ne kanaņo nde sakamao. Ambo kinzi tamâta ma simora kâi kanaņo, ande ma sisama tu kâi ñinde nde ara, tiya?, sakamao. <sup>34</sup>Miki nde sakamao tamwatami, katogonzi mwâta saka mine! Miki kakura tu kaporo ñgua ara tonje tia ndo! Tamâta kawa ñgua nde itula ilo-kalo ndia ipipi lâ keno i ilo. <sup>35</sup>Mao nâ, tamâta ara ne ilo-kalo ara rârâ nde ipipi lâ keno i ilo, kala i uru iveta vetâņa arara. Aņa tamâta sakamao ne ilo-kalo sakamao rârâ nde ipipi lâ keno i ilo, kala i uru iveta vetâņa sakamao.

<sup>36</sup>Kinzi tamâta rârâni zo pinde siporo ñgua kapa-kapa pinde. Kala ñine apaimi tu lâ zo muli Maro Kindeni ma ionzi tamâta rârâni simandi i ne ñgua nia, aku lâ zo ñinde i ma italeanzi ñana nenzi ñgua ñinde ndoni. <sup>37</sup>Lâ zo ñinde, Maro Kindeni ma iporo panzi tamâta pinde mine tu, ‘Noko tamwata kawa ñgua itula pwataki pa naņa tu noko ne soki tonje keno tia.’ Aņa ma iporo ñgua panzi tamâta pinde mine tu, ‘Noko tamwata kawa ñgua itula pwataki pa naņa tu noko ne soki keno.’”

### **Tamâta pinde sino Yesu tu ma iveta mâsi kaika tonje simora**

*Luka 11:29-32*

<sup>38</sup>Yesu iporo ñgua ñine lâ, ñineņa kinzi pananâņa tamâta ñana ñgua tukuņa kâ pinde, sitavanzi tamâta pinde lâ kinzi Parisai ñgu, ande simâ pa Yesu. Aku sipai tu, “Pananâņa, maka iloma tu noko ma kuveta mâsi kaika tonje lâ naoma, ñana ma kamora ku kasama tu Maro Kindeni ne walo ikeno pano.”

<sup>39</sup>Andeta Yesu itu lâ kawanzi ku ipainzi tu, “Opopo, kinzi kiesaka tamwatanzi ñandai sio ilonzi kalonzi ilâ mao papa Maro Kindeni ñga. Miki kakasoņa naņa ñana kamora Maro Kindeni ne mâsi kaika tonje, a? Naņa ma atula mâsi kaika tonje pa miki tia ndo. Maro Kindeni ma itula mâsi kaika taitu nâ pami, itogo muņa itula pa ñgua-tulâņa tamâta Yona mine. <sup>40</sup>Muņa, Yona imo iņa ñalae tonje kapwa ilo ikura kari ñato lâ; aku naņa Tamâta Natu kala ma amo mateņa ne kuru ilo ikura kari ñato mine nâ. <sup>41</sup>Lâ zo ñana Maro Kindeni ma ionzi tamâta rârâni lâ i ne ñgua nia, ande kinzi tamâta muņa simo Ninive lawea ñinde ma

simandi ngua nia ku ma situla miki nemi vetâña soki pwataki, ñana tu kinzi Ninive tamâta muñga siloño Yona itula ngua panzi, ñineñga sipalele ilonzi kalonzi ndoni ilâ pa Maro Kindeni nâ. Andeta tamâta tonje imo ñai, aku i nde ipole ngua-tulâña tamâta Yona. <sup>42</sup>Aku mine nâ, lâ zo ñana Maro Kindeni ma ionzi tamâta rârâni lâ i ne ngua nia, ande koipu taine ñalae kala nanayoni ikai poe panzi lâ Siba tâno ñinde, ande ma imandi lâ ngua nia ku ma itula nemi vetâña soki pwataki, ñana tu koipu taine ñinde muñga iyoka pa nia malawae imâ tu iloño timbunda Koipu Ñalae Solomon itula i ne ilo-kalo ara papa. Andeta tamâta tonje imo ñai, aku i ne ilo-kalo nde ipole Solomon ne ilo-kalo.”

**Kinda warakânda nâ takura tu tapu mulinda pa kiesaka, ande tia**

*Luka 11:24-26*

<sup>43</sup>Ñineñga Yesu itambira ngua mine tu, “Ambo koroani saka tonje ipile tamâta tonje ilâ, ande i ma ilâ wa imâ wa lâ nia bilimu, iroroto nia tonje ñana ipwarea kâ. Ambo isânda nia ara tonje tia, <sup>44</sup>and e i ma ilo pate a mine tu, ‘Ayo, naña ma ataulo alâ kilo pa luma siñga ñinde muñga naña amo’. I ma iyoka ilâ, ñineñga ma isânda lumani ndaina, kinzi sitaka wa sisangarana lâ, aku ikeno ilo kaa nâ. <sup>45</sup>Ñineñga koroani saka ñinde ma ilâ ikainzi nuwala koroani lima kanañonzi rua simâ kuku i. Kinzi ñinde uru siveta mâsi sakamao ndo, sipole i ne mâsi sakamao ñinde. Aku kinzi rârâni ma silâ luma ñinde ilo. Muñga tamâta ñinde imo ara koña tia, andeta zo ñinde i ma imo sakamao ndo ikura zo zo. Aku mâsi kie taituni ma ipâñga panzi tamâta sakamao kala simo lâ zo ñine.”

**Ea kinzi nde Yesu tina wa tai wa**

*Malaka 3:31-35; Luka 8:19-21*

<sup>46</sup>Yesu iporo ngua ñine panzi tamâta marumbu tia yo, ñineñga i tina wa tai nde simâ sipâñga simandi nia yo. Kinzi simâ tu ma siporo ngua pa Yesu. <sup>47</sup>Mine kala tamâta tonje imâ ipai Yesu tu, “Kuloño, noko tina wa tai nde simâ sipâñga lâ, kala simandi nia yo. Kinzi ilonzi ngua tu siporo pano.” <sup>48</sup>Andeta Yesu itu lâ tamâta ñinde kawa, ku iporo tu, “Naña nana mao nde ea. Añga naña taiñgu mao nde ea kinzi.” <sup>49</sup>Ñineñga Yesu mbau sili isowe iyokenzi ne pâri-tamâta, aku iporo tu, “Naña nana wa taiñgu mao kala simo ñai. <sup>50</sup>Tamâta ea kinzi uru siveta ikura naña Mama Maro Kindeni imo samba ilo ñinde ne pateâña, aku soka i muli, kinzi ñinde nde sitogo naña nana wa mwanenggu wa taiñgu wa.”

**Ñgua tambirâña ñana tamâta iliñi kaniña vâsa lâ tâno ilo**

*Malaka 4:1-20; Luka 8:4-15*

**13** <sup>1</sup>Yesu iporo ngua ñine marumbu lâ, ñineñga ipile luma ñinde ku iyoka ilâ isañona Galilaya Lââ bwalika pwali, ñana ma ipanananzi

tamâta. <sup>2</sup> Andeta tamâta ŋgu ŋalae tina nde simâ sipasau pasâe ndo lâ i tini. Mine kala Yesu ikâki wâŋga tonje kulu isarjona. Aŋga kinzi tamâta ŋgu ŋalae nde simandi sâwa. <sup>3</sup> Ijineŋga Yesu isia ŋgua tambirâŋa rârâ panzi ŋana Maro Kindeni ne mâsi ŋana ikai maro panzi tamâta kâ. Ipainzi tu, “Miki kaloŋo ŋga; tamâta tonje iyoka ilâ iliŋi kaniŋa vâsa lâ tâno ilo.

<sup>4</sup> Iliŋi ilâ, ande kaniŋa vâsa pinde nde imbe indue nzâla-kawa, aku sii simâ sika marumbu lâ. <sup>5</sup> Aŋga kaniŋa vâsa pinde nde imbe indue tâno mira-mira. Tâno ŋinde nde matatola koŋa tia, kala mata ipâŋga walele. <sup>6</sup> Andeta kari ikâki imâ ikana. Aku kâpwa ŋinde ne mburu-mburu kaika tia, kala ngâla-ŋgâla ndo lâ, kala imâte. <sup>7</sup> Aŋga kaniŋa vâsa pinde nde imbe indue wâlo mata-mata ŋgininzi. Aku wâlo mata-mata ŋinde ipâŋga ŋalae ku ilita, kala kanoŋo ipâŋga tia. <sup>8</sup> Aŋga kaniŋa vâsa pinde nde imbe indue tâno ara kulu, aku ipâŋga ŋalae ku ipula kanoŋo. Pinde ipula kanoŋo tamâta ŋalae taitu (100), aŋga pinde nde ipula kanoŋo tamâta ŋato (60), aŋga pinde nde ipula kanoŋo tamâta taitu kanoŋo saŋao (30). <sup>9</sup> Ambo miki taŋami keno, ande kaloŋo ŋgua ŋine sondo.”

#### **Yesu ne mâsi ŋana iporo ŋgua tambirâŋa nâ, ne duvi**

<sup>10</sup> Yesu iporo ŋgua ŋine marumbu lâ, ŋineŋga ne pâri-tamâta simâ papa ku sikasoŋa tu, “Mana mana ŋga noko uru kuporo ŋgua tambirâŋa nâ panzi tamâta.” <sup>11</sup> Yesu nde iporo taulo tu, “Maro Kindeni itula ŋgua paveâŋa ne duvi pwataki pa miki ŋana i ne mâsi ŋana ikai maro panzi tamâta kâ. Andeta iveta mine panzi tamâta pinde, nde tia. <sup>12</sup> Tamâta ea ikai ne ilo-kalo ŋana Maro Kindeni ne vetâŋa paveâŋa, ande Maro Kindeni ma ilo-kalo ŋalae ilua i, ma ipipi lâ i ilo. Aŋga tamâta ea tini pwâka tu ikai ilo-kalo ŋinde, ande Maro Kindeni ma ikai tamâta ŋinde ne ilo-kalo tini mwata ŋinde saŋe i. <sup>13</sup> Naŋa uru aporo ŋgua tambirâŋa nâ panzi, ŋana tu kinzi matanzi silea, andeta sikura tu simora kelekele tonje tia. Kinzi sitambira taŋanzi, andeta siloŋo ŋgua ku sisama ne duvi, nde tia. <sup>14</sup> Iŋgua-tulâŋa tamâta Aisaia muŋga ikai Maro Kindeni kawa ku iŋgere ŋgua lâ pepa tini ŋana kinzi tamâtani ŋaina nenzi mâsi ŋana siloŋo nanenŋu ŋgua kâ. Iŋgere ŋgua mine tu,

“Tamâta ŋgu ŋine ma sitambira taŋanzi, andeta ma sisama ŋgua duvi kilala tia. Aku kinzi ma matanzi pareŋge, andeta ma simora kelekele tonje tia, <sup>15</sup> ŋana tu tamâta ŋgu ŋine ilonzi nde pasâe lâ, aku taŋanzi ikai pwapwaka nâ ŋana siloŋo ŋgua kâ, aku sipono matanzi marumbu lâ. Ambo siveta mine tia, ande ma matanzi simora kelekele, aku taŋanzi ma siloŋo ŋgua, aku ilonzi ma sisama ŋgua duvi, ku ma sipalele ilonzi kalonzi simâ pa naŋa, aku naŋa ma aveta tininzi ara kilo.”

<sup>16</sup> Yesu iporo ŋgua ŋine lâ, ŋineŋga ipainzi ne pâri-tamâta tu, “Aŋga miki nde ma kandeka nâ, ŋana tu Maro Kindeni iveta miki matami ikura

tu kamora kelekele, aku iveta taŋami ikura tu kaloŋo ŋgua. <sup>17</sup>Naŋa aporo mao nâ pami; lâ zo muŋgâŋa, kinzi ŋgua-tulâŋa tamâta rârâ sitavanzi kinzi tamâta rârâ uru soka Maro Kindeni ne ŋgua muli, kinzi ŋinde ilonzi ndo tu simora vetâŋa kala zo ŋine miki kamora ŋine, andeta simora tia. Aku ilonzi ndo tu siloŋo ŋgua kala ŋine miki kaloŋo ŋine, andeta siloŋo tia.”

### **Ŋgua tambirâŋa ŋana vâsa liŋiŋa kâ, ne duvi**

<sup>18</sup>Ŋineŋga Yesu ipainzi ne pâri-tamâta tu, “Kala ŋine miki kaloŋo, ma natula ŋgua tambirâŋa ŋana tamâta iliŋi kaniŋa vâsa lâ tâno ilo ŋinde ne duvi pwataki pami. <sup>19</sup>Tamâta ea iloŋo ŋgua ŋana Maro Kindeni ne mâsi ŋana ikai maro panzi tamâta kâ, andeta izizâla ŋana ŋgua ŋinde ne duvi kilala, ande tamâta ŋinde itogo kaniŋa vâsa ŋinde imbe indue nzâla-kawa. Sadana imâ walele nâ ku ikawea ŋgua ŋinde Maro Kindeni muŋga ipau lâ tamâta ŋinde ilo, aku ikai ikâwa ilâ. <sup>20</sup>Aŋga tamâta ea iloŋo nanenŋu ŋgua ŋine aku ikai walele nâ ku indeka, ande tamâta ŋinde itogo kaniŋa vâsa ŋinde imbe indue tâno mira-mira. <sup>21</sup>Tamâta ŋinde ikai ŋgua ŋinde kaika tia. Mine kala i imo tini nâ, aŋga muli ŋga tamâta pinde simâ, situ malia silua wa siveta kenzi sakamao papa ŋana i ne kalo-tawana kâ. Mine kala tamâta ŋinde ne kalo-tawana nde imbe walele nâ. <sup>22</sup>Aŋga tamâta ea iloŋo nanenŋu ŋgua ŋine, andeta ilo ŋgalae ŋana tâno ne kelekele, ande tamâta ŋinde itogo kaniŋa vâsa ŋinde imbe indue wâlo mata-mata ŋgininzi. I ne ilo-kalo ŋinde iveta kalo-lokoni papa i ŋana igona ne mbaliŋa rârâ, kala i uru iveta vetâŋa ara pinde, ande tia. <sup>23</sup>Aŋga tamâta ea iloŋo Maro Kindeni ne ŋgua ku isama ŋgua ŋine ne duvi kilala sonde, ande tamâta ŋinde itogo kaniŋa vâsa ŋinde imbe indue tâno ara kulu. Kinzi tamâta ŋinde uru siveta vetâŋa ara rârâ, itogo kanaŋonzi mine. Pinde siveta vetâŋa tamâta ŋgalae taitu (100), aŋga pinde siveta vetâŋa tamâta ŋato (60), aŋga pinde siveta vetâŋa tamâta taitu kanaŋo saŋao (30).”

### **Ŋgua tambirâŋa ŋana unza sakamao ipâŋga tâno ilo**

<sup>24</sup>Yesu itambira ŋgua tonŋe kilo panzi tamâta mine tu, “Maro Kindeni ne mâsi ŋana ikai maro panzi tamâta kâ, ande itogo tamâta tonŋe iliŋi kaniŋa vâsa ara lâ ne tâno ilo. <sup>25</sup>Iliŋi lâ, ŋineŋga mbo tonŋe, kinzi tamâta sikeno utu lâ, andeta tâno warika ŋinde ne kazâŋa tamâta nde imâ, aku iliŋi unza sakamao vâsa ilâ kaniŋa ŋgininzi. Iliŋi lee marumbu lâ, ŋineŋga ikâwa ilâ. <sup>26</sup>Aku muli, ŋineŋga kaniŋa ŋinde ipâŋga kundu ramu aku kanaŋo, andeta kinzi wurâta tamâta matanzi ilâ simora unza sakamao ipagema kuku. <sup>27</sup>Aku kinzi wurâta tamâta silâ papa tâno warika ku sipai tu, ‘Ayo, tamâta ŋgalae, maka iloma patewa tu noko muŋga kuliŋi kaniŋa vâsa ara tâ ilâ noko ne tâno ilo. Andeta mana mana ŋga unza sakamao ŋinde ipâŋga ipagema kuku.’

<sup>28</sup>Aku tâno warika ipainzi tu, ‘Nanenġu kazâŋa tamâta tonġe iveta ġinde’. Ġineġa i ne wurâta tamâta sikasoŋa tu, ‘Ayo, noko ilo tu maka ma kalâ kamburu unza sakamao ġinde piti ku kasau ilâ taitu, tiya?’  
<sup>29</sup>Andeta tâno warika ileleanzi ku ipainzi tu, ‘Kaveta mine ndimo. Ambo miki ma kakai wurâta ŋana kamburu unza sakamao, ande ma kamburu kâpwa ara tona. <sup>30</sup>Mine nde miki ma kapile ruani sipânġa simandi taitu lee, mambo zo ŋana kâpwa gonâŋa kâ. Ġineġa lâ zo ġinde, ande naŋa ma apainzi nanenġu wurâta tamâta ŋana kâpwa gonâŋa kâ tu, “Miki kalâ kasau unza sakamao ndoni ilâ taitu muŋga lâ ŋga, ġineġa walele nâ kapa wâra-wâra ku karumbia kana lâ. Kaveta mine lâ, ġineġa kagona kâpwa kanaŋo ilâ taitu, ku kao ilâ nanenġu luma ŋana kâpwa kâ ilo.”’”

### **Ġgua tambirâŋa ŋana kaniġa “mastet” vâsa kâ**

*Malaka 4:30-32*

<sup>31</sup>Yesu iporo ġgua tambirâŋa tonġe kilo panzi tamâta mine tu, “Maro Kindeni ne mâsi ŋana ikai maro panzi tamâta kâ nde itogo kaniġa vâsa tonġe, i ŋa tu ‘mastet’. Tamâta tonġe ikai mastet vâsa tonġe, aku ilâ ipau lâ ne tâno ilo. <sup>32</sup>Mastet vâsa ŋandai irerege kuku kâi pinde nenzi kapula ŋga; ġinde nde mota mwata. Andeta muli, ġineġa kâi ġinde ipânġa ŋalae, aku i ne luandongo nde ipolenzi kaniġa kie-kie ndoni uru sipau lâ tâno ilo. Ipânġa kâi, kala kinzi sii kie-kie uru sipagona simâ sisaŋona ne laka kulu.”

### **Ġgua tambirâŋa ŋana “yisi” kâ**

*Luka 13:20-21*

<sup>33</sup>Yesu iporo ġgua tambirâŋa tonġe kilo panzi tamâta mine tu, “Maro Kindeni ne mâsi ŋana ikai maro panzi tamâta kâ ande itogo ‘yisi’. Taine tonġe ikai yisi ġinde ku igema tona puroŋa kulo ŋalae tonġe. Igema lee, ġineġa puroŋa ġinde ndoni ipondi kâki.”

### **Yesu iporo ġgua tambirâŋa nâ panzi tamâta ŋgu ŋgu**

<sup>34</sup>Yesu iporo ġgua ġinde ndoni panzi tamâta lâ ġgua tambirâŋa nâ. Itula ġgua tonġe duvi pwataki panzi, ande tia; iporo ġgua tambirâŋa nâ. <sup>35</sup>Aku Yesu ne vetâŋa ġinde nde iyoke ġgua tonġe muŋga ġgua-tulâŋa tamâta tonġe itula. Ġgua-tulâŋa tamâta ġinde ikai Maro Kindeni kawa ġgua ku iporo mine tu, ‘Naŋa ma aporo ġgua tambirâŋa nâ pami. Mao nâ, naŋa ma atula ġgua pinde duvi pwataki, ġgua ġinde ikeno paveâŋa lâ zo ġinde naŋa apulia samba wa tâno wa, aku ikeno paveâŋa mine lee ikura lâ zo ġine.’

### **Ġgua tambirâŋa ŋana unza sakamao kâ, ne duvi**

<sup>36</sup>Ġineġa Yesu ipilenzi tamâta ŋgu ġinde, aku ilâ luma ilo. Ġineġa i ne pâri-tamâta simâ papa ku sipai tu, “Kupanana maka ŋana ġgua tambirâŋa ŋana unza sakamao ipânġa tâno ilo kâ ġinde ne duvi.”

<sup>37</sup>Yesu nde itu lâ kawanzi tu, “Tamâta ñinde ilinji kaniña vâsa ara, ande itogo Tamâta Natu. <sup>38</sup>Añga i ne tâno ñinde nde itogo tâno ndoni. Añga kaniña vâsa ara nde itogonzi tamâta ñinde Maro Kindeni uru ikai maro panzi. Añga unza sakamao nde itogonzi tamâta ñinde Sadana uru ikai maro panzi. <sup>39</sup>Kazâña tamâta ñinde kala ilinji unza vâsa sakamao, ande itogo Sadana tamwata. Añga zo ñana sigona kâpwa kâ nde itogo tâno ñine ne zo marumbu. Añga kinzi wurâta tamâta ñana sigona kâpwa kâ nde sitogonzi Maro Kindeni ne aņelo. <sup>40</sup>Kinzi wurâta tamâta nde sigona unza sakamao sirumbia lâ; aku lâ zo muli ñana tâno ne zo marumbu kâ, ande kinzi aņelo kala ma siveta mine nâ. <sup>41</sup>Lâ zo ñinde, naña Tamâta Natu ma aonzi nanenġu aņelo silâ, aku ma sigonanzi kinzi tamâta rârâni uru siveta kiesaka, sitavanzi tamâta rârâni uru siveta tamâta pinde simbe ñana kiesaka kâ. <sup>42</sup>Ñineñga kinzi aņelo ma sikainzi kiesaka tamwatanzi ñinde rârâni, ku ma sitambiranzi silâ pa yâa ñalae ne mbââ ilo. Lâ nia ñinde, kinzi tamâta ñinde ma sita pâta kanaņo, aku ma niņonzi giri-giri ñana sikai nâna kâ. <sup>43</sup>Añga kinzi tamâta uru soka Maro Kindeni ne ñgua muli ñinde, ande kinzi ma tininzi sinala nia itogo kari mine, lâ tâno wasaseki tamanzi Maro Kindeni ma muli ipulia ñinde. Ambo miki taņami keno, ande kaloņo ñgua ñine sondo.”

**Yesu itambira ñgua rua, ne duvi mine: ambo Maro Kindeni ikai maro pa kinda, ande ñinde nde ara ndo**

<sup>44</sup>Yesu itambira ñgua mine tu, “Maro Kindeni ne mâsi ñana ikai maro panzi tamâta kâ, nde itogo ñine: zo toņge, tamâta pinde sikai mbumbu rârâ ku sikea lâ tâno toņge ilo. Mbumbu ñinde ikeno lee, ñineñga zo toņge, tamâta toņge isânda kulu lâ. Aku walele nâ tamâta ñinde ilâ ku ivea kilo lâ tânoni ndaina ilo. I nde indeka pâta lâ, aku ilâ imbalaja ne kelekele rârâni ku ikai mbumbu ñana. Ñineñga ilâ ku iko tâno ñinde.” <sup>45</sup>Aku Yesu itambira ñgua kilo mine tu, “Aku Maro Kindeni ne mâsi ñana ikai maro panzi tamâta kâ, nde itogo mine: tamâta toņge uru iroto ñana mbote-mbote ara pâta tu iko kâ. <sup>46</sup>Imo lee, ku zo toņge, i mata imora mbote-mbote toņge ara matea nâ. Aku ilâ imbalaja ne kelekele ndoni ku ikai mbumbu ñana. Ñineñga ilâ ku iko mbote-mbote ara ñinde.”

**Ñgua tambirâña ñana viâña kâ**

<sup>47</sup>Yesu itambira ñgua mine tu, “Aku Maro Kindeni ne mâsi ñana ikai maro panzi tamâta kâ, nde itogo viâña toņge kinzi tamâta pinde sitambira ndue lââ bwalika ilo ku inġenzi iña kie-kie. <sup>48</sup>Viâña pipi lâ, ñineñga sitapa imâ itoa sâwaneka. Ñineñga lambunzi ndue sisaņona ku sipateanzi iña ara sigona lâ kondo toņge ilo. Añga iña sakamao nde sikai siliņi lâ. <sup>49</sup>Aku lâ zo muli ñana tâno ne zo marumbu kâ, ande ma vetâña mine nâ ipâña. Maro Kindeni ne aņelo ma silâ sipateanzi kinzi kiesaka

tamwatanzi ñinde muŋga simo tamâta ara ñgininzi, ku ma sikainzi piti, <sup>50</sup> ñineŋga ma sitambiranzî silâ pa yââ ñalae ne mbââ ilo. Lâ nia ñinde kinzi tamâta ma sita pâta kanaŋo, aku ma niŋonzi giri-giri ñana sikai nâna kâ.”

<sup>51</sup> Ñineŋga Yesu ikasoŋanzi ne pâri-tamâta tu, “Miki kasama ñgua rârâni ñine ne duvi, tiya?” Ande kinzi sisâu papa tu, “Maka kasama lâ.” <sup>52</sup> Aku Yesu isia ñgua panzi mine tu, “Mine kala kinzi pananâŋa tamâta ñana ñgua tukuŋa kâ ñinde ilonzi tu Maro Kindeni ma ikai maro panzi, ande kinzi rârâni sitogo luma toŋge warika. I uru ilâ ne luma ilo ku ikai kelekele wasaseki tava kelekele siŋga yâti ipâŋga nia yo.”

### Kinzi tamâta lâ Nasarete lawea sipu mulinzi pa Yesu

*Malaka 6:1-6; Luka 4:16-32*

<sup>53</sup> Yesu iporo ñgua tambirâŋa ñinde lâ, ñineŋga ipile lawea ñinde, <sup>54</sup> aku itaulo ilâ pa i tamwata ne lawea tina Nasarete kilo. Ipâŋga Nasarete lâ, ñineŋga iveta wurâta ñana ipanananzi tamâta lâ nenzi luma ñana pasauŋa kâ ilo. Kinzi nde siloŋo Yesu iporo ñgua panzi, aku wisinzi motutu lâ. Kinzi siveta “a” papa ku siporo warakanzi nenzi mine tu, “Opopo! Ilo-kalo wa mâsi kaika ndoni ñinde, ande tamâta ñine ikai lâ nia ndia, a? <sup>55</sup> Tiambo tamâta ñine tama nde nawalânda tamâta ñinde uru ipa luma, tiya? Tiambo Maria nde i tina, tiya? Tiambo Yamesi, aŋga Yosepe, aŋga Saimon, aŋga Judas nde i tai kinzi, tiya? <sup>56</sup> Tiambo i mwane rârâni nde simo ñai kuku kindi, tiya? Mine nde ikai ilo-kalo wa kaika ñinde lâ nia ndia, a?” <sup>57</sup> Kinzi siporo ñgua mine rârâ, aku sipu mulinzi pa Yesu. Aŋga Yesu nde ipainzi tu, “Kinzi tamâta simo lawea ndoni nde ilonzi ara pa ñgua-tulâŋa tamâta; taitu kinzi tamâta lâ i tamwata ne lawea tina wa i see wukale wa, kinzi ñinde ilonzi ara papa i, ande tia.” <sup>58</sup> Kinzi tamâta lâ Nasarete lawea sio nenzi kalo-tawana ilâ pa Yesu, ande tia. Mine kala iveta mâsi kaika rârâ pinde lâ lawea ñinde, ande tia.

### Yoane Lââ-Liliŋa Tamwata imâte lâ

*Malaka 6:14-29; Luka 9:7-9*

**14** <sup>1</sup> Pa zo ñinde, Koipu ñalae Herot ikai koipu panzi tamâta simo tâno ñinde. Aku Herot iloŋo Yesu parina. <sup>2</sup> Mine kala ipainzi ne wurâta tamâta tu, “Opopo, Yoane Lââ-Liliŋa Tamwata imandî sânda lâ mateŋa nianzi imo via kilo tâ, kala ikai walo ikura ñana iveta mâsi kaika ñinde.”

<sup>3-4</sup> Herot ne ñgua ñine nde duvi mine: muŋga, i tai Pilip ikai taine toŋge, i ña tu Herodias, andeta muli ñga Herot ikai taine ñinde saŋe Pilip, aku rua sipakâe. Mine kala Yoane Lââ-Liliŋa Tamwata uru ilelea Herot mine tu, “Ñana sâ kâ ñga noko pwai taine ñinde, a? Mâsi mine nde ara tia ndo!” Herot wisi nâna ñana Yoane ne ñgua ñine, kala isupwanzi

ne zugu tamâta sikai Yoane kaika ku sipa lâ wâlo kaika sio lâ luma sakamao ilo. <sup>5</sup>Herot nde ilo tu ma ipu Yoane pâta imâte, andeta iruru ñananzi Juda tamâta, ñana tu kinzi kalonzi tawana tu Yoane nde ñgua-tulâña tamâta.

<sup>6</sup>Simo lee ku zo tonje, ñineña tamâta pinde silâ kuku Herot ñana sindeka ku sika kâña-nuña ñalae ñana i ne zo muña tina ipagugua i kâ. Aku lâ zo ñinde, i kaiwa Herodias natu taine ikina kiniña panzi tamâta ñinde. Aku Herot ilo yosi pa taine taipa ñinde. <sup>7</sup>Mine kala Herot iveta ne ñgua pâña kaika papa taine ñinde mine tu, “Naña aporo mao pa âta, sâ kelekele tonje noko ilo papa ku kuno naña, ande ma alano.” <sup>8</sup>Andeta taine taipa ñinde tina io ñgua pinde lâ natu kawa, kala taine taipa ipai Herot tu, “Noko ma kuo Yoane Lââ-Liliña Tamwata kulu kâmba lâ kondo tonje ilo, aku ñine nâ kutula pa naña.”

<sup>9</sup>Taine iporo ñgua ñine lâ, aku Herot ilo malia ndo. Andeta i ilo ñana ne ñgua pâña muña iveta lâ tamâta sisañona sika kâpwa kuku i ñinde naonzi. Mine kala isupwanzi ne sambara tu siveta ikura taine ne ñgua ñinde. <sup>10</sup>Kinzi sambara ñinde silâ luma sakamao ilo, aku sitoto Yoane ñandola utu lâ. <sup>11</sup>Ñineña sikai Yoane kulu kâmba sio lâ kondo tonje ilo, aku sikai silâ situla pa taine taipa ñinde. Ñineña taine ikai ilâ itula pa tina. <sup>12</sup>Yoane ne pâri-tamâta siloño ñgua tu Yoane ñga imâte lâ, ñineña simâ sikai i karae silâ sikea. Sikea lâ, ñineña sikai pâri silâ siporo pa Yesu.

### Yesu kâpwa ilanzi tamâne 5,000

*Malaka 6:30-44; Luka 9:10-17; Yoane 6:1-14*

<sup>13</sup>Yesu iloño ñgua tu Yoane Lââ-Liliña Tamwata nde imâte lâ, ñineña ikainzi ne pâri-tamâta ku sipile lawea ñinde. Aku soka paveâña nâ sikai wâña silâ ku sitoa lâ nia bilimu tonje. Andeta kinzi tamâta ñgu ñalae siloño pâri tu Yesu ikai wâña ilâ pa nia ñinde. Tia ku sipile nenzi lawea lawea ku soka nzâla silâ pa nia kala Yesu ilâ papa ñinde. <sup>14</sup>Aña Yesu ilâ lee itoa tina tini lâ, ñineña mata ilâ imoranzi tamâta ñgu ñalae simuña simâ kala simo ñinde. Aku i kalo sukâña ñalae ñananzi, kala ivetanzi nenzi pukonja tamâta tininzi ara kilo.

<sup>15</sup>Simo lee, ku kari indue lala lâ, ñineña Yesu ne pâri-tamâta simâ kuku ku sipai tu, “Wa, kari ñga indue lala lâ, aku nia ñganje ñine tamâta simo tia. Mine nde kuonzi tamâta silâ, aku ma siroto ñana nia wa lawea ñana sipako kapwanzi sika.” <sup>16</sup>Andeta Yesu itu lâ kawanzi aku ipainzi tu, “Kinzi ma simo ñaina nâ; miki warakami nâ kasuanzi.” <sup>17</sup>Ande kinzi siporo taulo tu, “Opopo, maka kapwama puroña lima ñga ñga rua nâ kala keno pama!” <sup>18</sup>Andeta Yesu ipainzi tu, “Kakai kâpwa ñinde kamâ ñai kalana.”

<sup>19</sup>Sikai simâ silua Yesu, ñineña Yesu ipainzi tamâta tu lambunzi ndue sisañona unza kulu. Sisañona lâ, ñineña Yesu ikai puroña lima tava ñga

rua ŋinde kâki. Aku Yesu mata kâki pa samba ku kawa ndaŋge pa Maro Kindeni, ŋineŋga ipwataki puroŋa ilanzi ne pâri-tamâta, aku siwae panzi tamâta. Aku iŋa rua kala siwae panzi tona. <sup>20</sup>Aku kinzi tamâta rârâni sika lee kapwanzi pupuro lâ. Ŋineŋga kinzi pâri-tamâta sigona kâpwa pinde keno mo ŋai yo, kinzi tamâta kapwanzi pupuro kala sika tia, aku ikura ŋgâmo sanjao kanaŋo rua ilonzi pipi lâ. <sup>21</sup>Kinzi tamâne kala sika kâpwa ŋinde kambwanŋenzi nde ikura 5,000 mine. Aku nenzi taine wa lâlu nde sika kunzi tona.

**Yesu iyoka lââ bwalika kulu**  
*Malaka 6:45-52; Yoane 6:15-21*

<sup>22</sup>Sika marumbu lâ, ŋineŋga walele nâ Yesu ipainzi ne pâri-tamâta tu ma sikâki wâŋga kulu ku simuŋga simbwaliu silâ papa lââ bwalika tini pinde. Aŋga i tamwata nde itu ionzi tamâta mbo silâ ŋga. <sup>23</sup>Yesu ionzi tamâta rârâni silâ lâ, ŋineŋga i simbo nâ ikâki tuu tonŋe kulu ŋana ikai noŋa kâ. Lala pararai lâ, aku Yesu simbo nâ imo tuu kulu. <sup>24</sup>Aŋga wâŋga nde ilâ lee ipâŋga lââ bwalika ŋgini, ŋineŋga lawea ŋalae imandi aku kâla itiŋgi wâŋga kaika. Mine kala kinzi pâri-tamâta simakâsa ŋalae ŋana sipoe sikundua lawea kâ. <sup>25</sup>Simakâsa sipoe lee, ku mbwale-mbwale kâ, ŋineŋga Yesu iyoka lââ bwalika kulu ilâ panzi. <sup>26</sup>Kinzi matanzi ilâ simora Yesu iyoka lââ bwalika kulu imâ panzi, kala tininzi ruru. Siruru pâta ku siporo tu, “Ŋine nde barâwe ma!”, aku sitara pâta kanaŋo. <sup>27</sup>Andeta walele nâ Yesu ipainzi tu, “Wa, miki tinimi kaika, karuru ndimo! Ŋine nde naŋani warakâŋgu!”

<sup>28</sup>Ande Petero itu lâ kawa ku ipai tu, “Maro Ŋalae, ambo ŋine nde nokoni, ande kupai naŋa tu ayoka lââ kulu amâ pano.” <sup>29</sup>Aku Yesu ipai tu, “Kumâ!” Ŋineŋga Petero ipile wâŋga ku iyoka lââ bwalika kulu imâ pa Yesu. <sup>30</sup>Petero imâ lee, ŋineŋga mata indue imora kâla kâki ŋalae, aku iruru. Ŋineŋga imbwatuke tini mwata lâ lââ ilo. Iruru pâta kala isuŋa kawa ino Yesu tu, “Maro Ŋalae, kuvilana!”

<sup>31</sup>Aku walele nâ Yesu io mbau ilâ isaŋa Petero, aku ipai tu, “Opopo, noko ne kalo-tawana nde mota mwata. Mana mana ŋga noko ilo rua-rua, a?” <sup>32</sup>Kinzi rua sisouŋga sikâki wâŋga kulu, aku ndainani nâ lawea kautu lâ. <sup>33</sup>Kinzi pâri-tamâta simo wâŋga kulu ŋinde nde matanzi simora mâsi ŋalae ŋinde, aku sipanea Yesu sipai tu, “Mao nâ, Maro Kindeni Natu kala nokoni!”

**Yesu ivetanzi pukoŋa tamâta tininzi ara lâ Genesaret lawea**  
*Malaka 6:53-56*

<sup>34</sup>Ŋineŋga Yesu tavanzi ne pâri-tamâta simbwaliu silâ sitoa Genesaret lawea. <sup>35</sup>Kinzi tamâta papa nia ŋinde sisama Yesu kilala lâ. Mine kala sipasupwa ilâ panzi lawea rârâni ikeno laiti, aku kinzi tamâta lâ lawea

ɲinde sikainzi nenzi pukoŋa tamâta rârâni simâ pa Yesu. <sup>36</sup>Kinzi sino Yesu tu, “Noko ma kusâu panzi pukoŋa tamâta ɲine tu sio mbaunzi nâ ilâ sitaŋo noko ne pasawaŋa ɲgaŋe.” Isâu lâ, aku kinzi pukoŋa tamâta ea sitaŋo Yesu ne pasawaŋa ɲgaŋe ɲinde, ande kinzi ɲinde rârâni tininzi ara kilo.

**Maro Kindeni ne ɲgua tukuŋa ipole timbunda nenzi vetâŋa siŋga**

*Malaka 7:1-13*

**15** <sup>1</sup>Lâ zo ɲinde, kinzi tamâta pinde lâ Parisai ɲgu wa kinzi pananâŋa tamâta ɲana ɲgua tukuŋa kâ pinde sipile Jerusalem, aku sindue simâ pa Yesu. Sisânda Yesu kulu lâ, ɲineŋga sikasoŋa tu, <sup>2</sup>“Mana mana ɲga noko ne pâri-tamâta silaŋa sipole timbunda nenzi vetâŋa muŋgâŋa, a? Lâ zo ɲana sika kâpwa, ande noko ne pâri-tamâta ɲandai sipua mbalaunzi lâ ɲga sika.”

<sup>3</sup>Andeta Yesu itu lâ kawanzi ku ipainzi tu, “Mana mana ɲga miki uru koka timbumi nenzi vetâŋa nâ muli, aku kalaŋa kapole Maro Kindeni ne ɲgua tukuŋa, a?” <sup>4</sup>Yesu iporo ɲgua ɲine lâ, ɲineŋga itula nenzi vetâŋa soki toŋge pwataki mine tu, “Maro Kindeni muŋga iporo tu, ‘Noko ma kupaloŋo pa tina-tama kawanzi ɲgua. Ambo tamâta toŋge iporo soki panzi tina-tama, ande kinzi katonâŋa ma sipu i pâta imâte.’ <sup>5</sup>Aŋga miki uru kapanananzi tamâta ɲgua kie toŋge. Miki uru kaporo tu, ‘Ambo tamâta toŋge ne mbaliŋa keno ɲana isukanzi tina-tama, andeta tamâta ɲinde ilo patea tu mbaliŋa ɲinde ma io ilâ pa Maro Kindeni, <sup>6</sup>andea ara ɲana ipu muli panzi tina-tama’. Opopo, miki uru kasâu ɲana mâsi soki ɲinde, ande kala miki katoto Maro Kindeni ne ɲgua tukuŋa utu, aku kasuka warakami nemi vetâŋa kâki. <sup>7</sup>Miki kawami kaporo ɲgua kie toŋge, aŋga ilomi nde keno piti! ɲgua-tulâŋa tamâta Aisaia muŋga ikai Maro Kindeni kawa ku itula miki kilalami pwataki sondo mine tu,

<sup>8</sup>‘Kinzi ɲgu ɲine uru sipanea naŋa koa tia nâ lâ kawanzi, aŋga ilonzi nde keno pa naŋa tia ndo.

<sup>9</sup>Kinzi uru situla tamâta nâ nenzi ɲgua tukuŋa, aku siporo tu, “Maro Kindeni kawa ɲgua kala ɲine”. Mine kala sipanea naŋa koa tia nâ.’”

**Kelekele ndia iveta tamâta ilo muso**

*Malaka 7:14-23*

<sup>10</sup>ɲineŋga Yesu isarâwa panzi tamâta tu simâ kuku, aku ipainzi tu, “Miki kaloŋo nanenŋu ɲgua, aku kalomi ɲgere sondo ɲga. <sup>11</sup>Kelekele ndia iyoka tamâta kawa indue pa kapwa ilo, ande ɲinde ikura tu iveta muso papa i lâ Maro Kindeni nao, ande tia. Aŋga ilo-kalo wa ɲgua ndia ikeno tamâta ilo ɲga iyâti pa nia yo, ande ɲinde nâ ikura tu iveta muso papa i lâ Maro Kindeni nao.”

<sup>12</sup> Yesu iporo ngua njine lâ, njineŋga i ne pâri-tamâta simâ papa ku sipai tu, “Wa, kinzi Parisai tamâta siloŋo noko ne ngua njinde, aku ilonzi makisa ŋana. Tiambo noko kusama njine tia, a?”

<sup>13</sup> Andeta Yesu itu lâ kawanzi ku isia ngua ŋananzi Parisai tamâta mine tu, “Naŋa mama imo samba ilo, aku i ne tâno kala njine. Mine nde kelekele ndia kinzi tamâta sipau lâ i ne tâno njine, ande muli i tamwata ma imburu njinde ndoni. <sup>14</sup> Mine nde miki kapilenzi Parisai tamâta njinde simo. Kinzi matanzi leva-leva, andeta situ situla nzâla panzi tamâta pinde matanzi leva-leva mine nâ. Ambo tamâta leva-leva tonje itogo tu itula nzâla papa tamâta leva-leva tonje, ande kinzi ruani ma patanzi sindue mbââ ilo.”

<sup>15</sup> Njineŋga Petero ipai Yesu tu, “Njua tambirâŋa kala noko kutula panzi Parisai njinde, ande kutula njinde ne duvi pwataki pa maka kaloŋo.” <sup>16</sup> Andeta Yesu ipai tu, “Opopo, miki warakami kala ilomi kalomi ipâŋga tia yo, a? <sup>17</sup> Tiambo miki kasama njine tia tâ; kelekele rârâni tamâta sika lâ kawanzi, ande njinde indue pa kapwanzi ilo, ku mbusalinzi simbariŋa lâ. <sup>18</sup> Aŋga ilo-kalo wa ngua ndia kinzi tamâta siporo lâ kawanzi, ande njinde iyoka tamâta ilonzi ŋga iyâti pa nia yo. Kelekele njinde nâ ikura tu iveta muso papa tamâta lâ Maro Kindeni nao. <sup>19</sup> Mao nâ, kinzi tamâta nenzi ilo-kalo sakamao uru igagatinzi ŋana sipunzi tamâta pâta simâte wa, sipanawe tamâta kaiwanzi wa, sipalulua tininzi potomule wa, sipanawe wa, siporo ngua laŋeŋa wa, situ tamâta lagananzi wa. <sup>20</sup> Vetâŋa sakamao kie-kie njinde rârâni nde iveta muso papa tamâta lâ Maro Kindeni nao. Taitu miki kaloŋo ŋga; ambo tamâta ipua mbalua tia njineŋga ika, ande njine iveta muso papa i lâ Maro Kindeni nao, ande tia.”

**Tinikoa ŋgu taine tonje kalo tawana Yesu (Kinzi Juda uru siporo tu  
ŋgu njinde nde sitogonzi mbwâmbwa)**

*Malaka 7:24-30*

<sup>21</sup> Yesu ipile Genesaret lawea, njineŋga iyoka ilâ pa tâno njinde Tair lawea ŋga Saidon lawea keno njinde. <sup>22</sup> Ipâŋga nia njinde lâ, njineŋga Kenan ŋgu taine tonje, i uru imo nia njinde, ande imâ pa Yesu ku isarâwa tu, “Tamâta Ŋalae, noko Daviti ne vâsa, kalo sukâŋa ŋanana! Koroani saka tonje ipagagara naŋa natunju taine lâ, kala iveta malia wa nâna ŋalae tina papa.” <sup>23</sup> Andeta Yesu iporo ngua tonje lâ taine njinde kawa, ande tia. Mine kala Yesu ne pâri-tamâta simâ papa ku sipai tu, “Wa, taine njine imo isasarâwa nâ itawa kinda imâ. Kuŋara ilâ tâ!”

<sup>24</sup> Ande Yesu iporo mine tu, “Maro Kindeni isupwa naŋa amâ ŋananzi Isrel ŋgu simbonzi nâ. Kinzi njinde sitogonzi ‘lama’ sisapiri kala soka potomule siroroto ŋana nzâla kâ.” <sup>25</sup> Njineŋga taine njinde imâ Yesu tini laiti aku ipare tuku papa, aku ino papa kilo tu, “Tamâta Ŋalae, kuvilana!” <sup>26</sup> Njineŋga Yesu isia ngua papa tu, “Ambo sikai lâlu kapwanzi ku siliŋi

ilâ panzi mbwâmbwa, ande ñine nde ara tia.” <sup>27</sup>Andeta taine ipai Yesu tu, “Tamâta Ñjalae, noko kuporo mao nâ; ambo taitu kinzi mbwâmbwa uru sika kâpwa punu-punu ñinde lâlu sika ambo iyauru indue tamanzi nenzi peke kalo.” <sup>28</sup>Ñineŋga Yesu ipai taine ñinde tu, “Taine, noko ne kalo-tawana nde ñjalae ñinde! Vetâña ñine noko ilo tu aveta pano, ande ma aveta.” Aku lâ zoni ndaina, koroani saka ipile taine ñinde natu taine ikâwa ilâ, aku natu tini ara kilo.

**Yesu ivetanzi pukoña tamâta rârâ tininzi ara kilo**

*Malaka 7:31-37*

<sup>29</sup>Yesu ipile lawea ñinde ku iyoka ilâ pa Galilaya Lââ bwalika pwali. Ñineŋga iyoka ilâ ikâki tuu tonje kulu isaŋona. <sup>30</sup>Aku kinzi tamâta ñgu ñjalae simâ papa, aku sikai nenzi pukoña tamâta tava simâ kunzi. Sikainzi tamâta pinde kenzi sakamao, aŋga tamâta pinde matanzi leva-leva, aŋga tamâta pinde kenzi tuka simwangi, aŋga tamâta pinde kawanzi siporo ñgua tia, aŋga tamâta pinde nenzi pukoña kie-kie rârâ tona; sikainzi tamâta rârâni ñinde simâ sionzi ndue simo Yesu tini laiti. Aku Yesu ivetanzi tamâta ñinde rârâni tininzi ara kilo. <sup>31</sup>Kinzi tamâta ñgu ñjalae simora Yesu ne mâsi ñinde. Simora tu ivetanzi tamâta ñinde kawanzi muŋga siporo ñgua tia, ande siporo ñgua kilo; aŋga ivetanzi tamâta ñinde tukanzi muŋga simwangi, ande tukanzi sondo kilo; aŋga ivetanzi tamâta ñinde kenzi muŋga sakamao, ande soka kilo; aŋga ivetanzi tamâta ñinde matanzi muŋga leva-leva, ande simora nia kilo. Mine kala kinzi ñgu ñjalae wisinzi motutu, aku sipanea Isrel nenzi Maro Kindeni.

**Yesu kâpwa ilanzi tamâne 4,000**

*Malaka 8:1-10*

<sup>32</sup>Ñineŋga Yesu isarâwa panzi ne pâri-tamâta tu simâ kuku, aku ipainzi tu, “Naña kalonju sukâña ñananzi tamâta ñgu ñjalae ñine, ñana tu kinzi simo kuku naña ikura kari ñato lâ, aku kapwanzi ñana sika kâ ande sika marumbu lâ. Naña tiningu pwâka tu aonzi soka sitaulo silâ pa nenzi lawea lawea. Tia ma putole ipunzi pâta, aku ma patanzi lâ nzâla.” <sup>33</sup>Andeta i ne pâri-tamâta siporo taulo tu, “Opopo, nia ñai nde nia bilimu ma! Mine kala ma takai kâpwa lâ ndia ñga ikura tasuanzi tamâta ñgu ñjalae ñine, a?” <sup>34</sup>Ande Yesu ikasoŋanzi, “Aŋga miki nde puroña ñapia keno pami.” Kinzi siporo taulo tu, “Puroña lima kanojo rua tava iña kiri-kiri pinde nâ kala keno pama.”

<sup>35</sup>Ñineŋga Yesu ipainzi tamâta tu lambunzi ndue isaŋona tâno kulu. <sup>36</sup>Ñineŋga ikai puroña ñga iña ñinde kâki, kawa ndaŋge papa Maro Kindeni, ku ipwataki lâ, ñineŋga ilanzi ne pâri-tamâta tu siwae panzi ñgu. Aku sikai siwae panzi. <sup>37</sup>Kinzi tamâta ñgu ñinde nde sika kuranzi lâ, ñineŋga Yesu ne pâri-tamâta sigona puroña wa iña katiŋe keno ñinde

lâ ngâmo ñalae lima kanaño rua ilonzi pipi lâ. <sup>38</sup>Kinzi tamâne kala sika kâpwa ñinde kambwanenji ikura 4,000. Aku nenzi taine wa lâlu sika kunzi tona. <sup>39</sup>Ñinenğa Yesu ionzi ngu ñinde silâ. Silâ lâ, ñinenğa ikâki wânğa kulu ilâ papa Magadan lawea kâ.

**Kinzi Juda tamâta sino Yesu tu ma iveta mâsi kaika tonđe panzi simora**  
*Malaka 8:11-13*

**16** <sup>1</sup>Aku muli, zo tonđe, ñinenğa kinzi Juda tamâta pinde lâ Parisai ngu wa Sadyusi ngu nde simâ pa Yesu tu sikai samâña papa. Kinzi sino tu ma ikai Maro Kindeni ne walo ñalae ku iveta mâsi kaika tonđe panzi simora. <sup>2</sup>Andeta Yesu itu lâ kawanzi mine tu, “Ikura lala lala, ambo miki kamora samba tini kilala tu puro-puro, ande miki uru kaporo tu, ‘Wurita ma karâzi tia’. <sup>3</sup>Anga ikura mboyo mboyo, ambo miki kamora samba tini kilala tu puro-puro aku take-take mâmânğa keno samba tini tava, ande miki uru kaporo tu, ‘Lâ kari ñine ma karâzi imbe’. Mao nâ, miki uru kamora nia maa ikeno âta ñinde kilala mine, aku kapatea sondo. Andeta kala ñine miki kamora vetâña rârà pinde, aku vetâña ñinde itula vetâña ñana ipânğa muli ñinde kilala pwataki; andeta miki kazizâla ñana. <sup>4</sup>Opopo, kinzi kiesaka tamwatanzi ñandai sio ilonzi kalonzi ilâ mao papa Maro Kindeni ñga! Miki kano naña tu kamora Maro Kindeni ne mâsi kaika tonđe, a? Naña ma atula mâsi kaika tonđe pami, ande tia ndo. Andeta Maro Kindeni ma itula mâsi kaika taitu nâ pami, itogo muñga itula pa ñgua-tulânğa tamâta Yona mine.” Yesu iporo ñgua ñine lâ, ñinenğa ipilenzi ilâ.

**Ñgua tambirânğa ñana kinzi Parisai wa Sadyusi nenzi ñgua soki-soki**  
*Malaka 8:14-21*

<sup>5</sup>Yesu ne pâri-tamâta nde silâ sipânğa lââ bwalika tini pinde. Andeta kinzi kalonzi kapa ñana sikai kanzi puroña ñana sika kâ. <sup>6</sup>Ande Yesu ipainzi tu, “Miki kapakatona sondo ñga. Kapakatona warakami ñana kinzi Parisai wa Sadyusi tamâta nenzi ‘yisi’.” <sup>7</sup>Ñinenğa kinzi pâri-tamâta warakanzi siporo imâ naonzi nâ mine tu, “O, kinda ñandai takai puroña pinde tamâ ñga, kala Yesu iporo ñgua mine.” <sup>8</sup>Andeta Yesu isama lâ ñana nenzi ilo-kalo soki-soki ñinde. Mine kala ipainzi tu, “Opopo, miki nemi kalo-tawana nde mota mwata nâ! Ñana sâ kâ ñga miki warakami kaporo mine tu, ‘Kinda takai puroña tia’, a? <sup>9</sup>Tiambo miki ilomi kalomi tia tâ! Tiambo miki ñandai kalomi ñgere ñana puroña lima ñinde naña muñga alanzi tamâne 5,000 sika, a? Lâ zo ñinde, ande miki kazeze ñgâmo ñapia ilonzi ipipi lâ, a? <sup>10</sup>Aku tiambo miki kala ñandai kalomi ñgere ñana puroña lima kanaño rua ñinde naña muñga alanzi tamâne 4,000 sika, a? Lâ zo ñinde, miki kazeze ñgâmo ñapia ilonzi ipipi lâ, a? <sup>11</sup>Naña muñga nâ apaimi tu kapakatona sondo ñana kinzi Parisai wa Sadyusi nenzi ‘yisi’.

Andeta naŋa ŋandai aporo ŋgua pami ŋana puronja ŋga. Mana mana ŋga miki kasama ŋgua ŋine ne duvi sondo tia yo, a?”

<sup>12</sup>Kinzi silonjo Yesu ne ŋgua ŋine lâ, ŋineŋga kulunzi kâmba ipwa ku sisama tu Yesu ŋandai ipainzi tu ma sipakatona ŋana puronja ne “yisi” ŋga. Ipainzi tu ma sipakatona ŋana kinzi Parisai wa Sadyusi tamâta nenzi ŋgua soki-soki uru sipanananzi tamâta ŋinde.

**Petero itula Yesu kilala pwataki tu i nde Maro Kindeni Natu**

*Malaka 8:27-30; Luka 9:18-21*

<sup>13</sup>Yesu iyoka ilâ pa nia pinde ikeno Sisaria Pilipai lawea tini laiti. Ipâŋga nia ŋinde lâ, ŋineŋga ikasonjanzi ne pâri-tamâta mine tu, “Kinzi tamâta uru siporo situ naŋa Tamâta Natu nde ea.” <sup>14</sup>Ŋineŋga kinzi siporo taulo tu, “Kinzi tamâta pinde situ noko nde Yoane Lââ-Liliŋa Tamwata; aŋga pinde nde situ noko nde ŋgua-tulâŋa tamâta Iliã; aŋga pinde nde situ noko nde ŋgua-tulâŋa tamâta Jeremaia tâku ŋgua-tulâŋa tamâta muŋgâŋa tonje.” <sup>15</sup>Ŋineŋga Yesu ikasonjanzi kilo tu, “Aŋga miki warakami nde katu naŋa nde ea.”

<sup>16</sup>Saimon Petero itu lâ i kawa mine tu, “Noko nde Kirisi. Maro Kindeni Via Tamwata Natu kala noko.”

<sup>17</sup>Ŋineŋga Yesu ipai Petero tu, “Saimon, Yoane natu, Maro Kindeni ne nzâmbe ikeno pano. Ŋana tu tamâta tonje muŋga itula ŋgua ŋine pa noko, ande tia. Naŋa Mama imo samba ilo, ande i simbo nâ itula ŋine pano. <sup>18</sup>Mine kala naŋa apaino tu, ‘Petero, noko ne kalo-tawana ipâŋga itogo mira mwasina, aku naŋa ma agonanzi nanenju ŋgu aonzi simandi mira ŋinde kulu. Aŋga mateŋa ne kaika ma ikura tu izavaru ŋgu ŋinde, ande ma tia. <sup>19</sup>Noko ma pwai poe panzi tamâta ŋinde Maro Kindeni uru ikai maro panzi. Aku vetâŋa ndia rârâni noko kundi ŋana lâ tâno ŋine kulu, ande Maro Kindeni ma indi ŋana mine nâ lâ samba ilo. Aŋga vetâŋa ndia rârâni noko kusâu ŋana lâ tâno ŋine kulu, ande Maro Kindeni ma isâu ŋana mine nâ lâ samba ilo.’ ” <sup>20</sup>Yesu iporo ŋgua ŋine lâ, ŋineŋga indi kaika panzi pâri-tamâta tu ma sitapâri pa tamâta tonje tu i nde Kirisi, mine ndimo.

**Yesu itula ŋgua ŋana ne mateŋa wa ne mandija wa**

*Malaka 8:31-33; Luka 9:22*

<sup>21</sup>Lâ zoni ndaina, Yesu itula ŋgua pwataki panzi ne pâri-tamâta mine tu, “Maro Kindeni ne pateâŋa ikeno tu naŋa ma alâ Jerusalem. Ŋineŋga kinzi katonâŋa wa patarawâŋa tamâta ŋalaŋala wa kinzi pananâŋa tamâta ŋana ŋgua tukuŋa kâ wa, kinzi ŋinde ma siveta kenzi sakamao ndo pa naŋa. Aku i ne pateâŋa ikeno tu kinzi ma sipu naŋa pâta amâte. Andeta kari ŋato lâ, ŋineŋga i ma ipaŋo naŋa amandi amo viãŋgu kilo.” Aku muli, Yesu iporo ŋguani ndaina panzi kilo mbwani pinde.

<sup>22</sup>Petero nde ilonjo ngua njine, njineŋga ikai Yesu siyâti silâ pa nia ngaje, aku ilelea Yesu pâta njana i ne ngua njinde kâ. Ipai Yesu tu, “Maro Ŋalae, mine tia ndo! Maro Kindeni njandai ilo tu vetâja mine ma ipâŋga pano nja!” <sup>23</sup>Andeta Yesu ipupulia lâ aku imbita Petero, ipai tu, “Sadana, noko pwâwa kulâ malawae! Noko kutu kupono naŋa nzalâŋgu. Noko pwoka tamâta nâ nenzi ilo-kalo muli, kala noko njandai kuporo ngua ikura Maro Kindeni ne ilo-kalo nja.”

### Kinda ma tapatawa tininda ku toka Yesu muli

*Malaka 8:34–9:1; Luka 9:23-27*

<sup>24</sup>Ŋineŋga Yesu ipainzi ne pâri-tamâta mine tu, “Ambo tamâta tonje ilo tu ipono muli pa naŋa, ande i ma ipatawa tamwata tini ku ikale ne kâi popole iyoka naŋa mulingu. <sup>25</sup>Ŋana tu tamâta ea ilo njalae njana tamwata ne via, ande i ma ikai via mao, nde tia. Aŋga tamâta ea kalo tawana naŋa kala imora tamwata ne via tu kelekele kaa nâ, ande tamâta njinde ma imo via ku imo nâ. <sup>26</sup>Miki kalomi ngere sonde nja; ambo tamâta tonje igona tâno ne kelekele rârâni njineŋga imâte, ande i ne via mao ikeno ndia, a? Aku i ma ikura tu iko tamwata ne via kilo lâ mbumbu njapia, a? Tia ndo! <sup>27</sup>Miki kalonjo nja; zo mbwana-mbwana nâ, njineŋga naŋa Tamâta Natu ma akai Mama ne walo njalae, aku ma ayoka pa samba amâ kunzi Mama ne aŋelo. Aku lâ zoni ndaina naŋa ma apare nia panzi tamâta rârâni, ipakura kuku vetâja ndia muŋga siveta njinde. <sup>28</sup>Naŋa aporo mao nâ pami; miki pinde kala kamo nja ma kamâte tia yo yo, njineŋga miki ma kamora naŋa Tamâta Natu apatua lâ nia yo ku akai maro panzi tamâta lâ tâno kulu.”

### Yesu tini pasinala ipâŋga kie tonje

**17** <sup>1</sup>Kari lima kanaŋo taitu ilâ lâ, njineŋga Yesu ikainzi Petero, aŋga Yamesi kuku tai Yoane rua, aku sikâki silâ tuu njalae tonje kulu. Aku kinzi njapa simbonzi nâ simo ndaina. <sup>2</sup>Ŋineŋga kinzi pâri-tamâta njato njinde nde simora Yesu tini pasinala, aku ipâŋga kie tonje. I nao nde isinala nia itogo kari mine, aŋga ne pasawaŋa nde ipâŋga togo sinâla mwasina, ku pâne ndo. <sup>3</sup>Ŋineŋga Mose ku Ilia rua simâ sipâŋga, aku kinzi pâri-tamâta matanzi ilâ simoranzi ngua-tulâŋa tamâta muŋgâŋa rua njinde simandi siporo kuku Yesu. <sup>4</sup>Petero imora mâsi njinde ku ipai Yesu tu, “Maro Ŋalae, kinda tamo njaina, aku njine nde ara ndo. Ambo noko ilo mine, ande naŋa ma apa pâla njato: noko ne tonje, aŋga Mose ne tonje, aŋga Ilia ne tonje.”

<sup>5</sup>Petero iporo ngua njine marumbu tia yo, njineŋga take-take pâne tonje ipâŋga ku itura kinzi rârâni lâ. Aku kawa tonje ne sarawâŋa iyoka pa take-take ilo imâ mine tu, “Naŋa natuŋgu ara kala njine. Naŋa tiniŋgu mwasa papa wa ilonjo ndeka papa wa. Miki ma katambira taŋami pa i kawa ngua!”

<sup>6</sup>Kinzi pâri-tamâta siloŋo ŋgua ŋine lâ, ŋineŋga sipare tukunzi naonzi tundu pa tâno, aku siruru pâta kanaŋo. <sup>7</sup>Ŋineŋga Yesu imâ tininzi laiti aku mbau ilâ itaŋonzi, ku ipainzi tu, “Kamandi sânda ŋga. Miki karuru ndimo.” <sup>8</sup>Ŋineŋga naonzi kâki matanzi simora, andeta simora Yesu simbo mai nâ; take-take nde ilâ lâ, aku tamâta toŋge imo kuku Yesu, ande tia.

<sup>9</sup>Kinzi sipile tuu ŋinde, aku soka sindue yo, ŋineŋga Yesu indi kaika panzi tu, “Miki ma katapâri pa tamâta toŋge ŋana mâsi miki kamora ŋinde ndimo. Andeta muli ŋga, lâ zo ŋinde Maro Kindeni ma ipaŋo naŋa Tamâta Natu amandi lâ mateŋa nianzi amo viâŋgu kilo, ŋineŋga katapâri panzi tamâta ŋana mâsi ŋinde kâ.”

<sup>10</sup>Ŋineŋga kinzi pâri-tamâta sikasoŋa Yesu tu, “Kinzi pananâŋa tamâta ŋana ŋgua tukuŋa kâ uru siporo ŋgua ŋana Ilia mine tu i ma imâ muŋga lâ ŋga, ŋineŋga Kirisi ma imâ. Ŋinde nde duvi mana.”

<sup>11</sup>Ande Yesu itu lâ kawanzi tu, “Ŋgua ŋinde nde mao nâ. Ilia imâ muŋga ŋana iveta kelekele rârâni sondo. <sup>12</sup>Taitu kala ŋine naŋa apaimi tu Ilia nde imâ lâ, andeta kinzi Juda tamâta sisama i kilala sondo, nde tia. Aku mâsi sakamao rârâni kinzi situ ma siveta papa, ande siveta lâ. Aku kinzi ma siveta mâsi sakamao kie taituni pa Tamâta Natu.” <sup>13</sup>Yesu iporo ŋgua ŋine lâ, ŋineŋga kinzi pâri-tamâta sisama tu Yesu isia ŋgua ŋana Yoane Lââ-Liliŋa Tamwata kâ lâ Ilia tini.

### Yesu isoki koroani saka piti lâ tamâta limoa toŋge ilo

*Malaka 9:14-29; Luka 9:37-43*

<sup>14</sup>Yesu tavanzi ne pâri-tamâta ŋato ŋinde sindue silâ lee sipâŋga kunzi tamâta ŋgu ŋalae. Sipâŋga lâ, ŋineŋga tamâta toŋge imâ pa Yesu aku ipare tuku papa. <sup>15</sup>Aku ipai Yesu tu, “Tamâta Ŋalae, naŋa ano pano tu kalo sukâŋa ŋana natuŋgu tamâne. Zo pinde ipâŋga kapa lâ, aku imo sakamao ndo, ŋana tu i uru pata ndue yââ kulu wa lââ ilo wa. <sup>16</sup>Naŋa muŋga akai i amâ panzi noko ne pâri-tamâta, andeta kinzi sikura tu siveta ipâŋga ara kilo, ande tia.”

<sup>17</sup>Ŋineŋga Yesu iporo taulo tu, “Opopo, miki tamâta ŋandai kalomi tawana Maro Kindeni ŋga. Miki ilomi kalomi wa nemi mâsi nde soki ndo! Ayo, naŋa ma amo kuku miki ikura zo ŋapia kilo, a? Anŋa nemi ilo-kalo soki-soki ma iveta naŋa iloŋgu malia ikura zo ŋapia kilo, a? Kakai lâlu ŋinde kamâ pa naŋa!” <sup>18</sup>Sikai lâlu simâ lâ, ŋineŋga Yesu iporo kaika imbita koroani saka imo lâlu ilo ŋinde, aku koroani saka ipile lâlu ku ikâwa ilâ. Aku ndainani nâ, lâlu ŋinde ne pukoŋa marumbu lâ.

<sup>19</sup>Aku muli, ŋineŋga Yesu ne pâri-tamâta simbonzi nâ simâ pa Yesu ku sikasoŋa tu, “Muŋga maka katogo tu kasoki koroani saka ŋinde, andeta kakura tia. Ŋinde nde duvi mana.”

<sup>20</sup>Aku Yesu ipainzi tu, “Miki nemi kalo-tawana nde mota mwata nâ, kala miki kakura tia. Naŋa aporo mao nâ pami; ambo miki nemi kalo-

tawana ma itumbu tini mwata, itogo ‘mastet’ vâsa mine, ande miki ma kakura tu kasupwa tuu ndai mine tu, ‘Noko kumandi ku kulâ pa nia pinde!’, aku tuu ma iyoka ilâ. Ambo miki kalomi tawana Maro Kindeni, ande miki ma kakura tu kaveta vetâña kie-kie rârâni. [21 Ambo miki ma katu kaika ñana kâpwa kâ ku kakai noña kaika nâ, ande ma kakura tu kasokinzi koroani saka sitogo koroani saka ñinde. Nzâla tonje keno, ande tia.”]b

**Yesu iporo kilo ñana ne mateña wa ne mandija wa**  
*Malaka 9:30-32; Luka 9:43-45*

22 Zo pinde ilâ lâ, ñineña Yesu ikainzi ne pâri-tamâta rârâni simâ taitu lâ Galilaya tâno. Ñineña ipainzi tu, “Kinzi ma sio naña Tamâta Natu lâ tamâta pinde mbaunzi ilo, 23 aku ma sipu naña pâta amâte. Andeta kari ñato lâ, ñineña Maro Kindeni ma ipaño naña amandi amo viângu kilo.” Kinzi pâri-tamâta siloño Yesu ne ñgua ñine, kala ilonzi putuka ndo.

**Yesu iporo ñgua ñana luma sapâña ne mbumbu kaiña kâ**

24 Zo pinde ilâ lâ, ñineña Yesu ikainzi ne pâri-tamâta ku soka silâ sipânja Kaperneam lawea. Ñineña tamâta pinde, kinzi ñinde uru siveta wurâta ñana sikai mbumbu ñana Maro Kindeni ne luma sapâña kâ, ande simâ pa Petero. Aku sikasoña tu, “Wa, noko ne pananâña uru io mbumbu ñana luma sapâña kâ, tiya?” 25 Aku Petero isâu panzi tu, “Mao nâ, i uru iveta mine.”

Ñineña Petero iyoka ilâ luma Yesu imo ñinde ilo. Petero iporo ñgua tonje tia yo, andeta Yesu ikasoña mine tu, “Saimon, noko ilo mana. Ea kinzi uru sio mbumbu ilâ panzi koipu ñalañala lâ tâno kulu. Tiambo kinzi koipu warakanzi seenzi wa natunzi wa uru sio mbumbu ilâ panzi, tiya?, kinzi tamâta pinde uru siveta mine.” 26 Petero iporo taulo tu, “Kinzi tamâta pinde uru sio mbumbu ilâ panzi.” Ñineña Yesu ipai tu, “Mine nde koipu see kinzi ma mbumbu silua tia. 27 Taitu kuloño ñga; ambo kinda ma tao luma sapâña ne mbumbu ilâ panzi wurâta tamâta ñinde tia, ande ma wisinzi nâna pa kinda. Mine nde kulâ kuo gigi lâ lââ bwalika ilo. Kuveta mine lee, ku gigi ma ikai ña tonje. Kutapa ña ñinde kâki ku kunzaña i kawa, aku ma kusânda mbumbu tonje ikeno ña kawa ilo. Pwai mbumbu ñinde kulâ, aku kulanzi kinzi tamâta ñana luma sapâña mbumbu kaiña kâ. Ñinde ma ikai nenzi mbuku piti lâ kinda rua tininda.”

---

b 17:21 Nia ndoyo, ñgua ñine kala ikeno ñgumbi ilo [], ande ikeno lâ pepa tini tia. Mine kala kinzi ilo-kalo tamâta situ tamâta tonje ipânja lâ muli nde isenje ñgua ñine ilâ kuku ñgua ikeno muña.

**Ea imo mbâna-mbâna**  
*Malaka 9:33-42; Luka 9:46-50*

**18** <sup>1</sup>Lâ zo ñinde kinzi pâri-tamâta simâ pa Yesu, aku sikasoŋa tu, “Ea imo mbâna-mbâna panzi tamâta ñinde Maro Kindeni ikai maro panzi.”

<sup>2</sup>Ñineŋga Yesu isarâwa pa lâlu kiri-mwata toŋge tu imâ, aku iŋgunu imandi pâri-tamâta naonzi. <sup>3</sup>Ñineŋga Yesu ipainzi tu, “Naŋa aporo mao nâ pami; Maro Kindeni ikai maro panzi tamâta ea sitogonzi lâlu kiri-kiri mine. Mine nde miki kaloŋo ŋga; ambo miki ma kapalele ilomi kalomi tia, ande miki ma kakura tu kamo Maro Kindeni ne ŋgumbi ilo, ande tia. <sup>4</sup>Ambo tamâta toŋge ipatawa tamwata tini, itogo lâlu kiri-mwata ñine uru iveta mine, ande tamâta ñinde ma imo mbâna-mbâna panzi tamâta Maro Kindeni ikai maro panzi ñinde.

<sup>5</sup>Ambo tamâta toŋge kalo tawana naŋa kala iveta kie ara pa lâlu mota toŋge itogo lâlu ñai, ande i iveta kie ara pa naŋa tona.”

**Kinda ma tayaula tininda pinde nenzi kalo-tawana ndimo**

<sup>6</sup>Ñineŋga Yesu iporo tu, “Ambo tamâta toŋge ma iyaula i tini pinde ne kalo-tawana, kala ipu muli pa naŋa, ande ñinde nde mâsi sakamao ndo. Ara ŋana kinzi nia ndoyo ma sipa mira ŋalae toŋge lâ tamâta ñinde ñandola tâ ku sitambira indue tâi geza-geza ilo mbo inu tâi mbo imâte tâ. Ñana tu ambo kinzi muŋga siveta mine papa, ande i ma ikura tu iyaula tini pinde ñinde ne kalo-tawana, ande ma tia.

<sup>7</sup>Vetâŋa sakamao ma ipâŋga panzi tamâta ñinde uru siveta tamâta pinde sipile nenzi kalo-tawana. Mao nâ, vetâŋa pinde ma ipâŋga panzi tamâta ku isowe ilonzi kalonzi ŋana siveta kiesaka kâ. Andeta vetâŋa sakamao ndo ma ipâŋga pa tamâta ea iveta vetâŋa ñinde ipâŋga. <sup>8</sup>Ambo noko mbalau tâku kie ilaŋeno kala kuveta kiesaka, ande ara ŋana noko ma kutoto ñinde piti ku kutambira ilâ. Ambo noko mbalau taitu nâ, tâku kie taitu nâ, ande ñinde nde ara koŋa tia; andeta muli ŋga, noko ma kumo via ku kumo nâ. Taitu kuloŋo ŋga; ambo noko kie-mbalau rua, andeta muli Maro Kindeni ma itambirano kulâ yââ ŋalae ne mbââ ilo, ande ñinde nde ara tia ndo kanaŋo. <sup>9</sup>Aku mine nâ, ambo noko mata toŋge ilaŋeno kala kuveta kiesaka, ande ara ŋana kupasiki mata ñinde piti ku kutambira ilâ. Ambo noko mata taitu nâ, ande ñinde nde ara koŋa tia; andeta muli, noko ma kumo via ku kumo nâ. Taitu kuloŋo ŋga; ambo noko mata rua, andeta muli Maro Kindeni ma itambirano kulâ yââ ŋalae ne mbââ ilo, ande ñinde nde ara tia ndo kanaŋo.

<sup>10</sup>Miki kapakatona sondo ŋga! Tia ma miki kamoranzi tamâta pinde, nenzi kalo-tawana itogo lâlu nenzi kalo-tawana mine, aku ma ilomi tu, ‘Kinzi nde tamâta kaa nâ’. Naŋa apaimi tu lâ samba ilo, kinzi kalo-tawana

tamâta njinde nenzi aŋelo nde uru simandi naŋa Mama nao ikura zo zo.” [11 “Naŋa Tamâta Natu amâ ŋana akainzi tamâta muŋga sisapiri kala soka potomule njinde piti lâ kondoma ilo.”]<sup>c</sup>

### **Ŋgua tambirâŋa ŋana “lama” isapiri**

*Malaka 9:43-50; Luka 15:3-7*

12 Ŋjineŋga Yesu itambira ŋgua panzi ne pâri-tamâta mine tu, “Miki ilomi mana. Ambo tamâta tonŋe ne ‘lama’ kambwawenzi tamâta ŋalae taitu (100) simo, andeta lama tonŋe isapiri ku nao tia lâ, ande i ma iveta mana. Naŋa apaimi tu i ma ipilenzi lama ŋgu ŋalae simo tuu kulu, aku ma ilâ mbo iroroto ŋana lama taitu njinde ŋga. 13 Naŋa aporo mao nâ pami, ambo iroto ŋana lee isânda kulu lâ, ande i ma indeka pâta ku wisi puu ndue. I ma indeka ŋalae koŋa tia ŋananzi lama 99 njinde ŋandai sisapiri ŋga; ambo taitu i ma indeka ŋalae tina ŋana lama njinde muŋga isapiri njineŋga isânda kulu lâ. 14 Aku mine nâ, miki Tamami imo samba ilo njinde nde tini pwâka tu kalo-tawana tamâta tonŋe ma ipile ne kalo-tawana ku imo niaka.”

### **Vetâŋa ara ŋana tatu ninda-nambwe sono ŋana muŋga iveta soki**

*Luka 17:3-4*

15 Ŋjineŋga Yesu ipainzi ne pâri-tamâta tu, “Ambo kalo-tawana tamâta tonŋe iveta soki pano, ande kulâ papa aku simbomi rua nâ kaporo ŋgua ŋana kaveta njinde sono kê. Ambo i kalo sukâŋa ku iporo tu, ‘Mao nâ, aveta soki pano’, ande ara, miki rua ma kamo nambwe-nambwe kilo. 16 Taitu kaloŋo ŋga; ambo iporo tu, ‘Naŋa ŋandai aveta soki tonŋe ŋga’, ande ara, noko ma pwainzi kalo-tawana tamâta taitu tâku rua, ikura Mose ne ŋgua tukuŋa mine, aku kalâ kaporo pa tamâta njinde kilo. Ŋana tu Mose ne ŋgua tukuŋa ikeno mine tu, ‘Ara ŋana kinzi tamâta rua tâku nato ma sisuka ŋgua noko kusowe lâ tamâta tonŋe tini’. 17 Ambo noko ma kuveta mine, andeta tamâta njinde ipatiâmo ku iporo kilo tu, ‘Naŋa ŋandai aveta soki tonŋe ŋga’, ande ara, kulâ kumandi ŋgu naonzi ku kuporo ŋgua njine pwataki panzi siloŋo. Ambo i tini pwâka tu iloŋo ŋgu nenzi ŋgua, ande noko ma tini piti ndo ŋana i kê, itogo uru tini piti ŋananzi tinikoa wa kinzi tamâta sakamao ŋana mbumbu kaiŋa kê.

18 Naŋa aporo mao nâ pami; vetâŋa ndia rârâni miki kandi ŋana lâ tâno kulu, ande Maro Kindeni ma indi ŋana mine nâ lâ samba ilo. Aŋga vetâŋa ndia rârâni miki kasâu ŋana lâ tâno kulu, njinde Maro Kindeni ma isâu ŋana mine nâ lâ samba ilo.

---

<sup>c</sup> 18:11 Nia ndoyo, ŋgua njine kala ikeno ŋgumbi ilo [], ande ikeno lâ pepa tini tia. Mine kala kinzi ilo-kalo tamâta situ tamâta tonŋe ipânga lâ muli nde iseŋge ŋgua njine ilâ kuku ŋgua ikeno muŋga.

<sup>19</sup>Naŋa apaimi kilo tu ambo kinzi kalo-tawana tamâta rua nâ ilonzi taitu ku sikai noŋa pa naŋa Mama imo samba ilo ŋinde tu ma iveta vetâŋa tonje panzi, ande i ma iveta ikura kinzi rua nenzi noŋa mine. <sup>20</sup>Ŋana tu lâ zo ndia kinzi kalo-tawana tamâta ŋato tâku rua simâ taitu sipasau ŋana siwâŋgi pa naŋa, ande naŋa warakâŋgu ma amâ amo kunzi.”

**Ŋgua tambirâŋa ŋana wurâta tamâta tonje  
i kalo sukâŋa ŋana nuwala tia**

<sup>21</sup>Lâ zo ŋinde, Petero imâ pa Yesu ku ikasoŋa tu, “Maro Ŋjalae, ambo kalo-tawana tamâta tonje uru iveta soki pa naŋa, ande naŋa ma apile i ne vetâŋa soki ŋinde mbwaniŋgu ŋapia. Ambo naŋa ma aveta mine mbwaniŋgu lima kanaŋo rua, ande ŋinde ma ikura, tiya?”

<sup>22</sup>Andeta Yesu itu lâ Petero kawa tu, “Naŋa apaino tu noko ma kuveta mine mbwani lima kanaŋo rua nâ nde tia; noko ma kuveta mine ikura mbwani tamâta ŋjalae lima (500).

<sup>23</sup>Noko kuloŋo ŋga; Maro Kindeni ne mâsi ŋana ikai maro panzi tamâta kê, ande itogo koipu ŋjalae tonje. Koipu ŋinde ilo tu i ne wurâta tamâta rârâni ma sikatu mbuku papa i taulo imâ. <sup>24</sup>Kinzi simâ ŋana sikatu mbuku kê, ŋinenŋa sikai tamâta tonje simâ, i muŋga ikai mbumbu 10,000 saŋe koipu ŋinde. <sup>25</sup>Tamâta ŋinde ikura tu ikatu mbuku ŋinde tia ndo. Mine kala koipu ŋjalae ipainzi ne tamâta pinde tu sikai wurâta tamâta ŋinde tavanzi kaiwa-natu, aku sionzi silâ pa tamâta ŋjalae tonje tu ma ikainzi ŋana siveta wurâta koa tia nâ papa. Aku ipainzi tu ma sio tamâta ŋinde ne luma tava ne kelekele ndoni ilâ panzi tamâta tu siko tona, ŋana ma sikai mbaliŋa ŋana sikatu mbuku kê. <sup>26</sup>Andeta wurâta tamâta ŋinde iloŋo ŋgua ŋinde, aku ipare tuku lâ koipu ŋjalae kie tini laiti, aku ino mine tu, ‘Kalo sukâŋa ŋanana, aku kundamwana ŋga. Muli ŋga naŋa ma atu ŋana mbumbu ndoni muŋga akai saŋeno ŋinde.’ <sup>27</sup>Ŋinenŋa koipu ŋjalae kalo sukâŋa ŋana ku ipai tu, ‘Akai nanenŋu mbuku piti lâ noko tini; kuyâti kulâ.’

<sup>28</sup>Ayo, ŋinenŋa wurâta tamâta ndainani nâ iyâti ilâ pa nia yo, andeta isânda nuwala tonje kulu, i ne mbuku peko mwata nâ ikeno papa. Aku mbau ilâ ikai nuwala ŋandola kaika, ku ipai tu, ‘Noko ma kutu ŋana mbumbu rârâni ŋinde muŋga mbo noko pwai saŋe naŋa!’

<sup>29</sup>I nuwala ŋinde nde iloŋo ŋgua ŋinde, ku ipare tuku ipai wurâta tamâta ŋinde mine tu, ‘Kalo sukâŋa ŋanana, aku kundamwana ŋga. Muli ŋga naŋa ma atu ŋana mbumbu ndoni muŋga akai saŋeno ŋinde.’ <sup>30</sup>Andeta wurâta tamâta ŋinde wisi nâna ku io nuwala ilâ luma sakamao ilo lee, mambo ikatu mbuku ikura lâ.

<sup>31</sup>Kinzi rua nawalanzi pinde simora tamâta ŋinde iveta mâsi mine, aku ilonzi kura tia. Mine nde silâ siporo ŋgua ŋinde rârâni papa nenzi

koipu ŋalae. <sup>32</sup>Aku marumbu; koipu ŋinde isarâwa pa wurâta tamâta ŋinde imâ, aku ipai tu, ‘Noko wurâta tamâta sakamao! Noko muŋga kuno naŋa, aku akai nenŋu mbuku rârâni piti lâ noko tini. <sup>33</sup>Mao nâ, naŋa muŋga kalonŋu sukâŋa ŋalae tina ŋanano. Mine nde ŋana sâ kâ ŋga noko ŋandai kalo sukâŋa ŋana noko nuwala kâ, a?’ <sup>34</sup>Ŋineŋga koipu ŋalae wisi nâna, aku io wurâta tamâta ŋinde ilâ luma sakamao ilo. Aku ipainzi luma ŋinde ne wurâta tamâta tu ma nâna silua lee, ikura lâ zo ndia ikatu mbuku rârâni.”

<sup>35</sup>Yesu iporo ŋgua ŋine lâ, ŋineŋga ipainzi ne pâri-tamâta mine tu, “Aku mine nâ, ambo kalo-tawana tamâta tonge iveta soki pano, aku noko tini mwasa papa tia kala kupile i ne vetâŋa soki ŋinde tia, ande Maro Kindeni ma iveta mâsi kie taituni pano, ikura koipu ŋalae ŋinde iveta papa ne wurâta tamâta mine.”

### Yesu iporo ŋgua ŋana pakâeŋa totoŋa kâ

*Matai 5:31-32; Malaka 10:1-12; Luka 16:18; Rom 7:1-3; 1 Korin 7:10-16*

**19** <sup>1</sup>Yesu iporo ŋgua ŋine lâ, ŋineŋga ipile Galilaya tâno ku iyoka ilâ pa Judia tâno ikeno pa Jodan Lââ tini pinde. <sup>2</sup>Aŋga kinzi tamâta ŋgu ŋalae nde soka i muli silâ. Aku lâ nia ŋinde Yesu ivetanzi pukoŋa tamâta tininzi ara kilo.

<sup>3</sup>Aŋga tamâta pinde lâ Parisai ŋgu nde simâ pa Yesu tu sikai samâŋa papa. Sipai mine tu, “Kinda nenda ŋgua tukuŋa keno ŋana tamâne tu ambo i tini pwâka ŋana kaiwa taine kala itu isoki ŋana duvi ndia, ande ikura. Ayo, ŋgua tukuŋa ŋine nde ara, tiya?”

<sup>4</sup>Yesu nde iporo taulo tu, “Opopo, tiambo miki ŋandai kapono Maro Kindeni ne ŋgua ŋinde ikeno lâ pepa tini, tiya? Ŋgua ŋinde nde mine, ‘Nia ndoyo, Maro Kindeni Puliâŋa Tamwata nde ipulianzi tamâta, ku ionzi taine wa tamâne wa.’ <sup>5</sup>Aku Maro Kindeni iporo tu, ‘Mine kala tamâne ma ipilenzi tina-tama ku ma ipasipa kuku kaiwa taine nâ, aku kinzi rua ma simo tininzi lâ taitu.’ <sup>6</sup>Mine nde kinzi ŋandai simo piti piti ŋga; kinzi rua ma simo togo ilonzi wa karaenzi taitu nâ. Mao nâ, Maro Kindeni ipanzi rua lâ taitu lâ; mine nde tamâta tonge ma itikianzi piti ndimo.”

<sup>7</sup>Ŋineŋga kinzi Parisai tamâta nde sipai Yesu mine tu, “Ayo, mine nde ŋana sâ kâ ŋga Mose ne tukuŋa isâu pa tamâne tu ambo iŋgere ŋgua lâ pepa tini ŋana itoto pakâeŋa kâ, ku pepa ilua kaiwa taine, ande nenzi pakâeŋa nde totoŋa lâ, a?” <sup>8</sup>Ande Yesu iporo taulo tu, “Miki nde taŋa-kaika tamwatami. Mine kala Mose isâu pami tu kasokinzi kaiwami taine. Ambo taitu muŋgani, lâ nia ndoyo, ande mâsi mine ikeno tia ndo. <sup>9</sup>Naŋa apaimi tu, ambo tamâne tonge isoki kaiwa taine, andeta taine ŋinde ŋandai iveta sakamao kuku tamâta tonge ŋga, ambo tamâne ŋinde ikai taine wasaseki, ande iveta sakamao kuku taine wasaseki ŋinde, kala ilaŋa ipole ŋgua tukuŋa.”

<sup>10</sup>Kinzi pâri-tamâta siloŋo Yesu ne ŋgua kaika ŋinde, ŋineŋga sipai tu, “Ambo tamâne ŋga taine nenzi pakâeŋa ikeno mine, ande ara ŋana tamâne ma imo simbo mai nâ, ikai taine toŋge tia.”

<sup>11</sup>Andeta Yesu ipainzi tu, “Kinzi tamâta pinde nâ sikura tu sipaveta kuku ŋgua ŋine. Mao nâ, Maro Kindeni muŋga kaika ilanzi tamâta pinde nâ ŋana sipaveta kuku ŋgua ŋine. <sup>12</sup>Kinzi tamâta pinde sikâe tia. Kinzi pinde nde tininzi sakamao lâ zo ŋinde tinanzi sipaguguanzi, kala sikura tu sipulianzi natunzi tia. Aŋga pinde nde muŋga tamâta pinde sitoto tininzi piti, kala sikura tu sipulianzi natunzi tia. Aŋga pinde nde ilonzi ndo ŋana siveta wurâta pa Maro Kindeni, kala situ kaika pa warakanzi tu ma sikâe tia. Miki tamâta ea kakura tu kapaveta kuku ŋgua ŋine, ande kapaveta kuku.”

**Yesu itu nzâmbe panzi lâlu kiri-kiri**

*Malaka 10:13-16; Luka 18:15-17*

<sup>13</sup>Lâ zo ŋinde kinzi tamâta pinde sikainzi lâlu kiri-kiri simâ pa Yesu. Kinzi ilonzi tu i ma io mbau kâki kulunzi ku ino pa Maro Kindeni ŋananzi tâ. Andeta kinzi pâri-tamâta nde sileleanzi tamâta ŋinde. <sup>14</sup>Aŋga Yesu nde ipainzi pâri-tamâta tu, “Miki ma kasâu panzi lâlu kiri-kiri tu simâ pa naŋa; kaponon nzâla ŋananzi ndimo. Ŋana tu Maro Kindeni uru ikai maro panzi tamâta ea nenzi kalo-tawana iregege kuku lâlu kiri-kiri ŋine nenzi kalo-tawana.” <sup>15</sup>Ŋineŋga Yesu io mbau kâki kinzi lâlu kiri-kiri taitu-taitu kulunzi, ku itu nzâmbe panzi. Iveta mine lâ, ŋineŋga ipile nia ŋinde ku ilâ.

**Tamâta toŋge ne mbaliŋa rârà**

*Malaka 10:17-27; Luka 18:18-27*

<sup>16</sup>Zo toŋge, tamâta toŋge imâ pa Yesu ku ikasoŋa tu, “Pananâŋa, naŋa ma aveta vetâŋa ara ndia ŋga ikura tu amo viâŋgu ku amo nâ.”

<sup>17</sup>Yesu nde itu lâ kawa mine tu, “Ŋana sâ kâ ŋga noko pwasoŋa naŋa ŋana vetâŋa ara kâ, a? Maro Kindeni simbo nâ nde Ara Tamwata. Ambo noko ilo tu kumo via ku kumo nâ, ande noko ma kupaveta kuku Maro Kindeni ne ŋgua tukuŋa.”

<sup>18</sup>Ŋineŋga tamâta ŋinde ikasoŋa Yesu kilo tu, “Noko kuporo ŋana tukuŋa ndia.” Ande Yesu ipai tu, “Naŋa aporo ŋana tukuŋa ŋine: ‘Noko ma kupu tamâta pâta ndimo; noko ma kuveta sakamao kuku tamâta toŋge kaiwa ndimo; noko ma kupanâwe ndimo; noko ma kusowe ŋgua laŋeŋa lâ tamâta toŋge tini lâ ŋgua nia ndimo; <sup>19</sup>noko ma kumege ŋananzi tina-tama ku taŋa mwasa nâ panzi; aku noko ma tini mwasa panzi tini pinde itogo noko tini mwasa pa tamwata mine.’ ”

<sup>20</sup>Aku tamâta ŋinde nde ipai Yesu tu, “Naŋa uru apaveta kuku ŋgua tukuŋa ŋinde râràni. Aŋga vetâŋa ndia nde naŋa aveta tia yo, a?”

<sup>21</sup>Aku Yesu ipai tu, “Ambo noko ilo tu kumo tamâta sondo ndo lâ Maro Kindeni nao, ande kulâ kuo ne kelekele rârâni ilâ panzi tamâta tu siko kâ. Ñineŋga mbumbu ñinde ndoni kulanzi sugorai tamwatanzi. Ambo noko ma kuveta mine, ande noko ma kumo ara ndo lâ samba lawea. Aku kumâ, kupono muli pa naŋa.” <sup>22</sup>Tamâta ñinde ilonjo Yesu ne ŋgua ñinde, aku ilo malia ndo, ŋana tu i nde mbaliŋa warika. Tia ku ipile Yesu ku ilâ.

<sup>23</sup>Ilâ lâ, ñineŋga Yesu ipainzi ne pâri-tamâta tu, “Naŋa aporo mao nâ pami; kinzi mbaliŋa warakanzi ande wurâta ŋalae panzi ŋana simo Maro Kindeni ne ŋgumbi ilo. <sup>24</sup>Naŋa aporo kilo pami tu, ambo ŋgoa ŋalae ‘kamel’ itu itambwa ilâ mbiri kiri-mwata ne maa ilo, ande i ma ikura tu iveta mine tia ndo. Aku mine nâ, ambo mbaliŋa warika itu imo Maro Kindeni ne ŋgumbi ilo, ande ñinde nde wurâta ŋalae tina!” <sup>25</sup>Kinzi pâri-tamâta nde silonjo ŋgua ñinde, ku wisinzi motutu kala sikasona tu, “Ayo, ambo mine, ande ea ikura tu ikai via mao ŋana imo mine ku imo nâ.”

<sup>26</sup>Aku Yesu mata ilea ilâ panzi ku ipainzi tu, “Kinzi tamâta warakanzi nâ ma sikura tia; aŋga Maro Kindeni tamwata nde ikura tu iveta vetâŋa rârâni.”

<sup>27</sup>Yesu iporo ŋgua ñine lâ, ñineŋga Petero itu lâ kawa mine tu, “Opopo! Maka muŋga kapile kelekele ndoni ŋana kapono muli pa noko! Mine nde maka ma kakai kulu ndia.”

<sup>28</sup>Aku Yesu ipainzi tu, “Naŋa aporo mao nâ pami; muli, lâ zo ñinde Maro Kindeni ma ipulia samba wa tâno ipâŋga wasaseki ndo, ande naŋa Tamâta Natu ma amo Koipu Ñalae tava nanenŋu walo wa sinâla ŋalae. Aku lâ zo ñinde miki pâri-tamâta saŋao kanaŋomi rua nde ma kakai poe panzi Isrel ŋgu kambwanenzi saŋao kanaŋonzi rua, aku ma kamo katonâŋa panzi. <sup>29</sup>Aku tamâta ea kalo tawana naŋa kala ipile ne luma wa tai-tua wa mwane wa tina-tama wa natu wa ne tâno wa; ande Maro Kindeni ma itu pa kinzi ñinde rârâni ŋana ñinde kâ mbwani tamâta ŋalae taitu (100). Aku muli, i ma via mao ilanzi, ma simo vianzi mine ku simo nâ. <sup>30</sup>Andeta kinzi tamâta rârâ muŋga simo tamâta ŋalaŋala lâ tâno kulu, ande kinzi ñinde ma muli simo tamâta kaa nâ. Aŋga kinzi tamâta rârâ muŋga simo tamâta kaa nâ lâ tâno kulu, ande kinzi ñinde ma muli simo tamâta ŋalaŋala.”

### Ñgua tambirâŋa ŋananzi tamâta pinde siveta wurâta pa tamâta ŋalae tonje

**20** <sup>1</sup>Yesu iporo ŋgua ñine lâ, ñineŋga itambira ŋgua mine tu, “Maro Kindeni ne mâsi ŋana ikai maro panzi tamâta kâ nde itogo tâno tonje warika. Zo tonje, mbwale pwataki lâ, ñineŋga tâno warika ñinde ilâ lawea ilo iroto ŋananzi wurâta tamâta pinde tu ma sikai wurâta lâ i ne tâno waini ilo. <sup>2</sup>Isânda wurâta tamâta pinde kulunzi lâ, aku ipa ŋgua kunzi ŋana sikai mbumbu saŋao saŋao ŋana nenzi wurâta lâ kari ñinde. Sisâu lâ, ñineŋga tamâta

ɲalae ɲinde ionzi silâ siveta wurâta lâ ne tâno waini ilo. <sup>3</sup>Ayo, kari tai ɲato ilâ lâ, ɲineŋga tamâta ɲalae ɲinde ilâ ku mata imoranzi tamâta pinde simandi nenzi lâ ao ɲgini, nenzi wurâta tonje tia. <sup>4</sup>Aku ipainzi tu, “Wa! Miki kalâ kaveta wurâta lâ nanenngu tâno waini ilo, aku ma kulu alami ikura nanenngu pateâŋa mine.” <sup>5</sup>Aku silâ. Simo lee, ku kari imâ ɲgini, ɲineŋga tamâta ɲalae ilâ lawea ilo kilo ku iveta mâsi ndaina nâ kilo. Lee, ku kari tai ɲato kilo ilâ lâ, ɲineŋga iveta mâsini ndaina kilo.

<sup>6</sup>Lee ku lala, kari indue lâ, ɲineŋga tamâta ɲinde ilâ ku mata imoranzi tamâta pinde simandi nenzi nâ simo lawea ilo. Aku ikasonjanzi tu, “Wa, mana mana ɲga miki kamandi nemi koa tia nâ lee, kari ɲga indue lâ, a?” <sup>7</sup>Kinzi nde siporo taulo tu, “Ŋandai tamâta tonje wurâta ilua maka ɲga.” ɲineŋga tamâta ɲalae ipainzi tu, “Ara, miki kalâ kaveta wurâta lâ nanenngu tâno waini ilo.” Aku silâ.

<sup>8</sup>Aku lala pararai lâ, ɲineŋga tâno warika iporo pa wurâta tamâta nenzi katonâŋa tu, “Kusarâwa panzi wurâta tamâta tu simâ ɲana sikai nenzi kulu kâ. Kuwae mbumbu muŋga panzi wurâta tamâta ɲinde sipâŋga muli ndo. Kuveta mine nâ kuwae panzi kulâ lee ku marumbu lâ wurâta tamâta sipâŋga muŋgâŋa ɲinde.” <sup>9</sup>ɲineŋga kinzi tamâta kala siveta wurâta ikura kari tai taitu nâ ɲinde nde simuŋga simâ, aku sikai mbumbu saŋao saŋao. <sup>10</sup>Mine kala kinzi tamâta ɲinde siveta wurâta ikura mboyo wa lala wa ande ilonzi tu ma sikai mbumbu ɲalae. Andeta tia; kinzi kala sikai mbumbu saŋao saŋao mine nâ. <sup>11</sup>Kinzi simora nenzi mbumbu ɲinde, aku wisinzi nâna papa tâno warika. <sup>12</sup>Aku sipai tâno warika tu, “Wa! Kinzi tamâta ɲinde sipâŋga muli ndo! Kinzi siveta wurâta ikura kari tai taitu mai nâ! Aŋga maka nde kaveta wurâta ɲalae lâ mboyo lee imâ ipâŋga lâ ɲine, aku kari kanama pâta lâ! Andeta kinzi ɲinde nenzi mbumbu nde rege-rege kuku maka nema mbumbu ma!”

<sup>13</sup>Tâno warika nde ilonjo nenzi ɲgua ɲinde, ɲineŋga iporo pa nenzi tamâta tonje mine tu, “Niŋgu-nambwe, naŋa ɲandai aveta soki tonje pa noko ɲga, ɲana tu muŋga mboyo noko tamwata kupa ɲgua tu ma pwai mbumbu saŋao ɲana noko ne wurâta. <sup>14</sup>Ara, pwai ne mbumbu, aku kulâ. Naŋa ilonju tu mbumbu saŋao alua tamâta kala imâ muli ndo ɲinde tona. <sup>15</sup>ɲine nde keno pa naŋa simbonju nâ. Naŋa akura tu awae nanenngu mbaliŋa ikura naŋa warakâŋgu nâ nenngu pateâŋa mine. Kala ɲine naŋa atu aveta keŋgu ara panzi tamâta ɲinde; mine nde ɲana sâ kâ ɲga noko kupadâda, a?”

<sup>16</sup>Yesu iporo ɲgua tambirâŋa ɲine marumbu lâ, ɲineŋga iporo tu, “Aku mine nâ, kinzi tamâta muŋga simo tamâta kaa nâ lâ tâno kulu, ande muli ma simo tamâta ɲalaŋala. Aŋga kinzi tamâta muŋga simo tamâta ɲalaŋala lâ tâno kulu, ande muli ma simo tamâta kaa nâ.”

**Yesu iporo kilo ɲana ne mateŋa wa ne mandija wa**  
*Malaka 10:32-34; Luka 18:31-34*

<sup>17</sup>Yesu nde ikainzi ne pâri-tamâta saŋao kanaŋonzi rua, aku sikâki silâ pa Jerusalem lawea kâ. Soka nzâla yo, ɲineŋga Yesu iporo ɲgua ilâ pa

kinzi nâ mine tu, <sup>18</sup>“Ayo, ñine kinda takâki talâ pa Jerusalem. Ma tapânja lâ, ñineŋga tamâta tonje ma io naŋa Tamâta Natu lâ kinzi patarawâŋa tamâta ñalaŋala wa pananâŋa tamâta ñana ñgua tukuŋa kâ mbaunzi ilo. Kinzi ma sio naŋa lâ ñgua nia, aku ma sipa ñgua tu sipu naŋa pâta amâte. <sup>19</sup>Ñineŋga kinzi kala ma sio naŋa alâ tinikoa mbaunzi ilo, aku kinzi ñinde ma siporo ñgua pavaligiŋa pa naŋa wa sipalili naŋa wa. Marumbu, ñineŋga ma sipu naŋa lâ kâi popole tini amâte. Andeta kari ñato lâ, ñineŋga Maro Kindeni ma ipaŋo naŋa amandi amo viânju kilo.”

**Yesu ne pâri-tamâta rua situ sipânja tamâta ñalaŋala**

*Malaka 10:35-45*

<sup>20</sup>Yesu iporo mine lâ, ñineŋga Sebedi kaiwa taine ikainzi natunzi rua simâ pa Yesu. Taine ñinde nde ipare tuku pa Yesu ku ino Yesu tu ma iveta vetâŋa tonje. <sup>21</sup>Aku Yesu ikasoŋa tu, “Noko ilo tu naŋa ma aveta mana.” Aku taine ñinde nde ipai Yesu tu, “Naŋa ilonju mine: lâ zo ñana noko ma pwai Koipu ñalae, ande noko ma kupatea natunju tonje ñana isaŋona noko tini laiti pa wia kâ, aŋga tonje ñana isaŋona noko tini laiti pa ñâsi kâ.”

<sup>22</sup>Ñineŋga Yesu isia ñgua panzi pâri-tamâta rua ñinde mine tu, “Miki rua kazizâla ñana vetâŋa ñine kala kakasoŋa naŋa ñana. Naŋa ma muli anu lââ makisa ikeno kâmba tonje ilo. Tiambo miki rua kala kakura tu kanu lââ ñinde, tiya?” Aku kinzi rua sipai tu, “Maka rua kurama.” <sup>23</sup>Ñineŋga Yesu ipainzi tu, “Mao nâ, miki rua ma kanu lââ makisa kala naŋa ma anu ñinde. Ambo taitu pateâŋa ñana tamâta ea ma isaŋona tiningu laiti pa wia kâ ñga pa ñâsi kâ, ande ñinde ikeno pa naŋa tia. Naŋa mama i simbo nâ ma iwae saŋonâŋa nia panzi tamâta ea muŋga ipateanzi ñinde.”

<sup>24</sup>Kinzi nawalanzi pâri-tamâta saŋao nde siloŋo kinzi tai-tua rua parinanzi mine, aku wisinzi nâna panzi. <sup>25</sup>Andeta Yesu isarawanzi tu simâ kuku, aku ipainzi tu, “Miki kasama tu kinzi tamâta pinde uru sikai koipu panzi tinikoa ñgu, aku kinzi tamâta ñalaŋala ñinde uru siveta malia kie-kie panzi ñgu ñinde. <sup>26</sup>Andeta mâsi mine ma ikeno miki ñginimi ndimo. Ambo tamâta itu imo tamâta ñalae lâ ñginimi, ande nzâla keno mine: i ma imo nemi kuleŋa tamâta. <sup>27</sup>Aku tamâta ea itu imo mbâna-mbâna pami, ande nzâla keno mine: i ma imo nemi wurâta tamâta kaa nâ. <sup>28</sup>Ñana tu naŋa Tamâta Natu ñandai amâ ñana kinzi tamâta ma sikai kuleŋa pa naŋa ñga. Naŋa amâ ñana akai kuleŋa panzi tamâta, aku ma amâte ñana akainzi tamâta rârâ piti lâ kondoma ilo.”

**Yesu ivetanzi tamâta rua muŋga matanzi leva-leva simora kilo**

*Malaka 10:46-52; Luka 18:35-43*

<sup>29</sup>Yesu ikainzi ne pâri-tamâta ku soka ñana sipile Jeriko lawea silâ kâ, ande tamâta ñgu ñalae nde soka mulinzi silâ. <sup>30</sup>Aŋga tamâta rua

nde sisaŋona nzâla ŋgaŋe, kinzi rua matanzi leva-leva lâ. Kinzi rua siloŋo ŋgua tu Yesu ŋga iyoka imâ, ŋineŋga sisarâwa kaika tu, “Maro Ŋjalae, Daviti ne vâsani noko, kalo sukâŋa ŋanama!” <sup>31</sup> Kinzi tamâta nde siloŋonzi rua sisarâwa mine ku simbitanzi tu kawanzi buu nâ. Andeta kinzi rua sisarâwa kawanzi kâki ŋjalae mine tu, “Maro Ŋjalae, Daviti ne vâsani noko, kalo sukâŋa ŋanama!”

<sup>32</sup> Ŋineŋga Yesu imandi ku ikasoŋanzi tu, “Aŋga miki rua katu naŋa ma aveta mana pami.” <sup>33</sup> Ande kinzi rua situ lâ kawa mine tu, “Maro Ŋjalae, maka iloma tu ma matama kamora nia.” <sup>34</sup> Aku Yesu kalo sukâŋa ŋananzi, kala io mbau lâ kinzi rua matanzi. Aku walele nâ kinzi rua matanzi ara, aku simora nia. Ŋineŋga simandi ku soka Yesu muli silâ.

**Yesu ilâ Jerusalem lawea itogo koipu ŋjalae**  
*Malaka 11:1-10; Luka 19:29-38; Yoane 12:12-19*

**21** <sup>1</sup> Yesu ikainzi ne pâri-tamâta ku soka lee sipâŋga Jerusalem lawea tini laiti, aku sipâŋga lawea toŋge ikeno Oliv Tuu waŋgira, i ŋa mine Betfasi lawea. Ande Yesu isupwanzi ne pâri-tamâta rua, <sup>2</sup> aku ipainzi tu, “Miki rua kalâ pa lawea ndai, ikeno naomi ŋinde. Kalâ lawea ŋinde ilo, aku walele nâ ma kamora ‘donki’ malakupi toŋge kinzi sisine lâ imandi tava natu. Kayaute wâlo piti aku kakainzi rua kamâ pa naŋa. <sup>3</sup> Ambo tamâta toŋge ikasoŋami tu, ‘Ŋana sâ kâ ŋga miki rua kaveta mine’, ande miki rua ma kapai tu, ‘Maro Ŋjalae ne wurâta ikeno panzi rua. Aku mwaŋga ma ionzi rua sitaulo simâ kilo walele nâ.’ ”

<sup>4</sup> Vetâŋa ŋinde iveta ŋgua toŋge Maro Kindeni muŋga io lâ ŋgua-tulâŋa tamâta toŋge kawa tu ipâŋga kanaŋo. Ŋgua ŋinde nde mine,

<sup>5</sup> “Kupainzi tamâta simo Saion tuu kulu tu, ‘Kamora ŋga! Miki nemi koipu ŋjalae kala imâ pami. Ipatawa tamwata tini ku isaŋona donki toŋge kumbu. Mao nâ, isaŋona donki natu toŋge kumbu kala imâ.’ ”

<sup>6</sup> Ŋineŋga pâri-tamâta rua ŋinde silâ lawea ŋinde ilo, aku siveta ikura Yesu muŋga iporo panzi mine. <sup>7</sup> Kinzi rua sikai donki tina ŋga natu tona simâ, ŋineŋga siliŋi nenzi pasawaŋa luandondo kâki donki rua kumbunzi. Aku Yesu ikâki isaŋona. <sup>8</sup> Ŋineŋga tamâta ŋgu ŋjalae sisawa nenzi pasawaŋa luandondo piti, ku silalaga lâ nzâla ŋana Yesu ma iyoka kulu kâ. Aŋga pinde nde sitoto tumba lau ku sikai simâ silalaga lâ nzâla tava. <sup>9</sup> Kinzi tamâta pinde soka simuŋga pa Yesu, aŋga pinde nde soka muli, aku rârâni sindeka ku sisuŋa kawanzi mine tu, “Paneŋa ilâ pa Daviti ne vâsa! Maro Kindeni itu nzâmbe pa koipu ŋjalae ŋine ikai i ndamwa kala imâ. Tapanea Maro Kindeni pa âta!”

<sup>10</sup> Yesu iyoka mine lee ilâ Jerusalem lawea ilo, ande tamâta rârâni simo lawea ŋjalae ŋinde nde sipakasoŋa warakanzi mine tu, “Tamâta ŋine nde ea.” <sup>11</sup> Aku kinzi tamâta soka simâ kuku Yesu ŋinde nde sipainzi tu, “Ŋine

nde Yesu, ina ngua-tulâna tamâta ñinde kinzi muŋga siporo tu ma iyoka pa Nasarete lawea lâ Galilaya tâno imâ.”

**Yesu ijaranzi mbaliña warakanzi lâ Maro Kindeni ne luma sapâña**  
*Malaka 11:15-18; Luka 19:45-47*

<sup>12</sup> Ñineŋga Yesu ilâ Maro Kindeni ne luma sapâña ne ngumbi ilo, aku ijaranzi mbaliña warakanzi simo sipako kelekele lâ nia ñinde. Itili peke lâ kinzi tamâta ñana sipalulua mbumbu kê, aku itili paŋgi lâ kinzi tamâta siveta wurâta ñana sipako sii ñana patarawâña kê tava. <sup>13</sup> Aku ipainzi tu, “Maro Kindeni kawa ngua ikeno mine tu, ‘Nanengu luma nde ma kinzi sipatu ña tu “Luma ñana noña kê” ’; aŋga miki nde kaveta ñine ipânga itogo kinzi nzanzare tamâta nenzi munâña nia mine!”

<sup>14</sup> Yesu imo niani ndaina, ñineŋga kinzi tamâta matanzi leva-leva wa kenzi pââsââ nde simâ papa, aku ivetanzi tininzi ara. <sup>15</sup> Andeta kinzi patarawâña tamâta ñalaŋala wa kinzi pananâña tamâta ñana ngua tukuña kê nde simora mâsi ñalaŋala pinde Yesu iveta ñinde. Aku siloŋonzi lâlu kiri-kiri sisarâwa lâ luma sapâña ne ngumbi ilo mine tu, “Paneâña ilâ pa Daviti ne vâsa!” Mine nde kinzi tamâta ñalaŋala ñinde wisinzi nâna pa Yesu, <sup>16</sup> kala sikasoña i mine tu, “Wa, noko kuloŋo ngua ñine kinzi lâlu siporo, tiya?” Aku Yesu itu lâ kawanzi mine tu, “Naña aloŋo lâ. Andeta mana mana ñga miki ñandai kapono ngua-tulâna tamâta ñinde ne ngua ikeno lâ pepa tini, a? Ñgua ikeno mine tu,

‘Aku kinzi lâlu kiri-kiri kala uru sipanea noko ña mine nâ.’”

<sup>17</sup> Yesu iporo ngua ñine lâ, ñineŋga ipilenzi simo, aku iyâti ilâ pa nia yo. Ñineŋga ilâ imo Betani lawea lâ mbo ñinde.

**Yesu iporo itu kaika pa kâi tonje, kala ngâla-ngâla lâ**  
*Malaka 11:12-14,20-26*

<sup>18</sup> Aku mbwale kilo, mboyo nâ, ñineŋga Yesu iyoka itaulo ilâ pa Jerusalem lawea kilo, andeta putole ipu. <sup>19</sup> Yesu mata ilâ imora kâi “fik” tonje imandi nzâla ñgaŋe, aku iyoka ilâ laiti. Andeta imora tu kanaŋo tonje keno nde tia; lau nâ keno. Aku Yesu iporo papa kâi ñinde mine tu, “Noko ma kupula kanaŋo kilo tia ndo!” Aku ndainani nâ, kâi ñinde ngâla-ngâla lâ.

<sup>20</sup> Kinzi pâri-tamâta simora ñinde, aku wisinzi motutu lâ. Aku siporo tu, “Mana mana ñga kâi ñine ngâla-ngâla walele nâ.”

<sup>21</sup> Andeta Yesu ipainzi tu, “Naña aporo mao nâ pami; ambo miki ma kao nemi kalo-tawana ilâ mao pa Maro Kindeni, aku ilomi rua-rua tia, ande miki ma kakura tu kaveta mâsi mineni, itogo kala ñine aveta pa kâi ‘fik’ mine. Andeta ñinde nâ tia; ambo miki ma kaporo pa tuu ñai mine tu, ‘Noko kumandi kupatiki kundue tâi ilo’, ande Maro Kindeni ma iveta vetâña ñinde ipânga, itogo miki kaporo mine. <sup>22</sup> Ambo miki kalomi

tawana Maro Kindeni kala kakai noŋa papa, ande i ma iveta ikura nemi noŋa mine.”

**Kinzi sikasoŋa Yesu tu ikai ea ndamwa**

*Malaka 11:27-33; Luka 20:1-8*

<sup>23</sup>Ŋine ilâ lâ, ŋineŋga Yesu ilâ Maro Kindeni ne luma sapâŋa ne ŋgumbi ilo, aku ipanananzi tamâta simo ŋinde. Andeta kinzi patarawâŋa tamâta ŋalaŋala sitavanzi Isrel ŋgu nenzi katonâŋa nde simâ papa, aku sikasoŋa tu, “Wa, noko pwai ea ndamwa kumâ kala kuveta mâsi kie-kie ŋine, a? Anŋa ea wurâta ŋine ilano, a?” <sup>24</sup>Ande Yesu itu lâ kawanzi ku iporo tu, “Ara, naŋa kala atu akasoŋami kasoŋâŋa tonŋe. Ambo miki ma kaporo ŋgua sondo itaulo imâ pa naŋa, ande naŋa kala ma aporo ŋgua pwataki pami ŋana akai ea ndamwa ŋga aveta vetâŋa ŋine. <sup>25</sup>Nanenŋgu kasoŋâŋa nde mine; muŋga, lâ zo ŋinde Yoane Lââ-Liliŋa Tamwata iveta wurâta ŋana ililinsi tamâta, ande ea wurâta ŋinde ilua i. Miki ilomi tu Maro Kindeni wurâta ŋinde ilua, tiya?, i tamwata nâ ilo patea tu iveta.”

Ŋineŋga kinzi warakanzi siporo lâ ŋgininzi mine tu, “Ambo kindi ma taporo taulo tu, ‘Maro Kindeni isupwa Yoane tu iveta wurâta ŋinde’, ande i ma iporo pa kindi mine tu, ‘Mine kala ŋana sâ kâ ŋga miki ŋandai kalomi tawana Yoane ne ŋgua, a?’ <sup>26</sup>Ambo kindi ma taporo taulo mine tu, ‘Yoane tamwata nâ ilo patea tu iveta wurâta ŋinde’, ande kinzi tamâta ma wisinzi nâna ŋalae tina pa kindi. Kindi taruru ŋananzi, ŋana tu kinzi rârâni kalonzi tawana tu Yoane nde Maro Kindeni ne ŋgua-tulâŋa tamâta tonŋe.” <sup>27</sup>Tia ku kinzi siporo ŋgua taulo pa Yesu mine tu, “Maka kasama tia.” Ŋineŋga Yesu ipainzi tu, “Ara, naŋa kala ma aporo ŋgua tonŋe pami tia ŋana akai ea ndamwa amâ kala aveta vetâŋa ŋine.”

**Ŋgua tambirâŋa ŋana tamâta tonŋe natu tamâne rua**

<sup>28</sup>Ŋineŋga Yesu itambira ŋgua panzi tamâta ŋalaŋala mine tu, “Ayo, miki ilomi mana. Tamâta tonŋe imo kunzi natu tamâne rua. Tamâta ŋinde ilâ pa natu nzâla-kulu kâ, aku ipai tu, ‘Natunŋu, ma ŋine noko kulâ kuveta wurâta pa naŋa lâ tâno waini ilo.’ <sup>29</sup>Aku natu ipai tu, ‘Naŋa tiniŋgu pwâka, ma alâ aveta wurâta pa noko nde tia.’ Andeta mwanŋa, natu ŋinde ipalele ilo, aku ilâ iveta wurâta. <sup>30</sup>Ŋineŋga tamanzi kala ilâ pa natu tonŋe, aku iporo ŋgua mineni papa. Aku natu ŋinde iporo tu, ‘Ara, mama; naŋa ma alâ aveta wurâta pano.’ Andeta i ŋandai ilâ iveta ne wurâta ŋga. <sup>31</sup>Mine nde ea lâ tamâta rua ŋinde ande iveta ikura tamanzi ne pateâŋa.” Aku kinzi tamâta ŋalaŋala sipai Yesu tu, “Natu nzâla-kulu iveta ikura tama ne pateâŋa mine”.

Ŋineŋga Yesu ipainzi tu, “Naŋa aporo mao nâ pami; kinzi tamâta sakamao ŋana sikai mbumbu pa Rom kâ wa kinzi nzâla taine wa, ande kinzi ŋinde simunŋa pami ŋana sikai Maro Kindeni ne nzâmbe ara.

<sup>32</sup>Ŋana tu Yoane Lââ-Liliŋa Tamwata muŋga imâ pa miki Isrel ŋgu ŋana itula mâsi sondo Maro Kindeni ilo tu miki ma kaveta ŋinde, andeta miki ŋandai kalomi tawana Yoane ne ŋgua ŋga. Aŋga kinzi tamâta sakamao ŋana sikai mbumbu pa Rom kê wa kinzi nzâla taine wa, ande kinzi ŋinde siloŋo Yoane ne ŋgua, aku sio nenzi kalo-tawana ilâ pa Maro Kindeni, kala sipile nenzi vetâŋa sakamao. Aŋga miki kamora kinzi kiesaka tamwatanzi ŋinde nenzi kalo-tawana ŋinde, andeta miki kapalele ilomi kalomi ku kalomi tawana Yoane ne ŋgua, ande tia.”

**Ŋgua tambirâŋa ŋana kinzi tamâta sakamao sikatona tâno waini**

*Malaka 12:1-12; Luka 20:9-19*

<sup>33</sup>Ŋineŋga Yesu ipainzi tamâta ŋalaŋala mine tu, “Miki kaloŋo ŋgua tambirâŋa toŋge. Tamâta toŋge ipâu tâno waini toŋge aku ipa ŋgumbi ŋana. Aku iveta wewe lâ tâno ilo, itogo kondo ŋana sipale waini kapula tu punu-punu kê, aku ipa pâla ŋana tamâta ma simo ilo sio ŋana tâno kê. Ŋineŋga io tâno ŋinde lâ tamâta pinde mbaunzi ilo ŋana sikatona ku sikai wurâta ŋana mbumbu lâ tini. Ŋineŋga tâno warika iyoka ilâ pa nia malawae toŋge. <sup>34</sup>Imo lee, aku zo laiti ŋana kêi waini ma ipula kanaŋo kê. Ŋineŋga tâno warika isupwanzi wurâta tamâta pinde silâ pa tâno waini ŋinde ŋana sikai waini kanaŋo pinde, ikura muŋga sipa ŋgua tu ma silua i. <sup>35</sup>Andeta kinzi tamâta uru sikai wurâta lâ tâno ŋinde nde sikainzi tâno warika ne wurâta tamâta kaika, aku sipu toŋge. Aŋga toŋge nde sipu pâta imâte, aŋga mira nâ sisia toŋge. <sup>36</sup>Ŋine ilâ lâ, ŋineŋga tâno warika isupwanzi wurâta tamâta pinde kilo silâ panzi. Kinzi kambwaŋenzi nde ipole tamâta muŋga isupwanzi ŋinde kambwaŋenzi. Andeta kinzi tamâta uru sikai wurâta lâ tâno ŋinde nde siveta mâsi mine nâ panzi wurâta tamâta ŋinde.

<sup>37</sup>Simo lee ku muli, ŋineŋga tâno warika isupwa i tamwata natu tamâne ilâ panzi. I itu mine, ‘Kinzi ma simege ŋana natuŋgu’. <sup>38</sup>Andeta kinzi tamâta uru sikai wurâta lâ tâno ŋinde nde simora tâno warika natu imâ panzi, aku siporo lâ warakanzi ŋgininzi mine tu, ‘Wa, tamâta ndai ma muli ikai tama ne mbaliŋa ndoni. Ayo, ŋine ma tapu pâta imâte, aku ma warakânda takai i ne tâno ŋine.’ <sup>39</sup>Siporo ŋgua ŋine lâ, aku marumbu; mbaunzi ilâ sikai tâno warika natu kaika ku siŋara lâ tâno ilo iyâti ilâ pa nia yo, ŋineŋga sipu pâta imâte lâ.” <sup>40</sup>Yesu itambira ŋgua ŋine panzi lâ, ŋineŋga ikasoŋanzi tu, “Ayo, mwaŋga tâno waini warika ma imâ, ŋineŋga ma iveta kie mana panzi tamâta ŋinde muŋga sikai wurâta lâ tâno ŋinde.”

<sup>41</sup>Aku kinzi tamâta ŋalaŋala siporo taulo tu, “I ma iyaulanzi tamâta sakamao ŋinde, ku ma izavarunzi sakamao ndo. Aŋga ne tâno waini ŋinde ma ilanzi tamâta pinde ŋana sikatona kê. Aku lâ zo ŋana sikai kanaŋo kê, ande ma sigona kanaŋo pinde silua i.”

<sup>42</sup>Ŋineŋga Yesu ipainzi tu, “Tiambo miki ŋandai kapono Maro Kindeni ne ŋgua ikeno lâ pepa tini mine tu,

‘Mira ŋine kinzi tamâta ŋana sipa luma kâ situ nde sakamao kala sitambira lâ, ande mirani ndaina ipâŋga mira ara ŋana isuka luma ŋgaŋe kaika kâ. Maro Kindeni tamwata iveta vetâŋa ŋinde ipâŋga lâ, kala kinda tamora ŋinde tu ara pâta kanaŋo.’

<sup>43</sup>Mine kala naŋa apaimi tu Maro Kindeni ma ipono nzâla ŋana miki Isrel tamâta ŋana kamo i ne ŋgumbi ilo, aku ma ikai maro pa tamâta ŋgu pinde, kinzi ŋinde uru siveta mâsi ara ikura Maro Kindeni ne pateâŋa mine. [<sup>44</sup>Ambo tamâta tonŋe pata ndue ku mira ŋine ipu, ande mira ŋine ma ipu tamâta ŋinde karae pwapwataki. Ambo mira ŋine imbe ndue ipu tamâta tonŋe kulu, ande mira ŋine ma izavaru i ndo lâ imâte.]”<sup>d</sup>

<sup>45</sup>Kinzi patarawâŋa tamâta ŋalaŋala aŋga kinzi tamâta lâ Parisai ŋgu nde siloŋo Yesu itambira ŋgua mine panzi, aku ilonzi pateo tu ŋgua ŋine nde iyoke kinzi warakanzi. <sup>46</sup>Mine kala ilonzi tu ma sikale Yesu kaika sio lâ luma sakamao ilo. Andeta siruru ŋananzi ŋgu, ŋana tu kinzi tamâta ilonzi tu Yesu nde Maro Kindeni ne ŋgua-tulâŋa tamâta tonŋe.

### Ŋgua tambirâŋa ŋana waiŋa pakâeŋa kâ

*Luka 14:16-24*

**22** <sup>1</sup>Ŋineŋga Yesu iporo ŋgua tambirâŋa kilo ilâ panzi Isrel nenzi tamâta ŋalaŋala mine tu, <sup>2</sup>“Maro Kindeni ne mâsi ŋana ikai maro panzi tamâta kâ, nde itogo koipu ŋalae tonŋe iveta waiŋa ŋalae papa natu tamâne ŋana ne pakâeŋa kâ. <sup>3</sup>Koipu ŋinde isupwanzi ne wurâta tamâta silâ panzi tamâta pinde i ilo tu ma simâ sika kâpwa lâ waiŋa pakâeŋa ŋinde. Silâ panzi, ku siveta ŋana sigonanzi tamâta ŋinde simâ. Andeta tininzi pwâka tu simâ. <sup>4</sup>Ŋineŋga isupwanzi ne wurâta tamâta pinde kilo, aku ipainzi tu, ‘Miki kalâ panzi tamâta ŋinde naŋa muŋga asarâwa panzi, aku kapainzi tu, “Kaloŋo ŋga! Koipu ŋalae iveta ne kâŋa-nuŋa marumbu lâ. I ne bulmakao tamâne pinde aŋga simbi pinde arara situmbu kambwaŋenzi ŋalaŋala, ande maka ŋga kapunzi lâ. Aku kekelele râŋani vetâŋa lâ kala ikeno. Mine nde miki kamâ kaka kâpwa lâ waiŋa ŋana pakâeŋa kâ.’”

<sup>5</sup>Kinzi wurâta tamâta nde silâ siporo ŋgua mine panzi tamâta ŋinde, andeta kinzi taŋanzi kaika ku sikâwa pwapwataki silâ. Tonŋe nde ilâ ne tâno ilo, aŋga tonŋe nde ilâ iveta ne wurâta ŋana mbaliŋa kâ. <sup>6</sup>Aŋga kinzi pinde nde sikalenzi wurâta tamâta ŋinde kaika ku sikai kazâŋa panzi sipunzi pâta simâte lâ. <sup>7</sup>Siveta mine lâ, ande kala koipu ŋalae nde

<sup>d</sup> **21:44** Nia ndoyo, ŋgua ŋine kala ikeno ŋgumbi ilo [], ande ikeno lâ pepa tini tia. Mine kala kinzi ilo-kalo tamâta situ tamâta tonŋe ipâŋga lâ muli nde iseŋge ŋgua ŋine ilâ kuku ŋgua ikeno muŋga.

wisi nâna ndo. Aku ionzi ne zugu tamâta silâ sizavarunzi tamâta ñinde muŋga sipunzi ne wurâta tamâta pâta simâte. Aku sirumbia nenzi lawea kana lâ.

<sup>8</sup> Ñineŋga koipu ñalae isarawanzi ne wurâta tamâta simâ papa, aku ipainzi tu, ‘Waiŋa pakâeŋa ne kâŋa-nuŋa nde vetâŋa lâ kala keno, andeta kinzi tamâta ñinde naŋa muŋga asarawanzi tu simâ, ande kinzi ñinde nde tamâta ara ikura ñana simâ kâ, ande tia. <sup>9</sup> Mine nde miki kalâ kakura nzâla nzâla, aku kanonzi tamâta rârâni simo ñinde tu ma simâ ñana waiŋa pakâeŋa ne kâŋa-nuŋa kâ.’ <sup>10</sup> Iporo mine lâ, ñineŋga kinzi wurâta tamâta nde silâ sikura nzâla nzâla sigonanzi tamâta rârâni simo ñinde, kinzi tamâta saka wa ara wa. Aku kinzi ñinde rârâni simâ luma ilo pipi lâ ñana sika kâŋa-nuŋa kâ.

<sup>11</sup> Kinzi tamâta simâ sisaŋona lâ, ñineŋga koipu ñalae nde imâ luma ilo tu imoranzi. Andeta mata ilâ imora tamâta tonje ñandai ipasawa pasawaŋa ara ñana waiŋa pakâeŋa ŋga. <sup>12</sup> Tia ku koipu nde ilâ papa ku ikasoŋa tu, ‘Niŋgu-nambwe, ñana sâ kâ ŋga noko kumâ nanenŋu luma ilo, andeta noko ñandai kupasawa pasawaŋa ara ñana waiŋa pakâeŋa kâ, a?’ Andeta tamâta ñinde nde kawa buu nâ, iporo ŋgua tonje tia. <sup>13</sup> Ñineŋga koipu ipainzi ne wurâta tamâta mine tu, ‘Kakai wâlo ku kapa tamâta ñine kie-mbalau kaika lâ, ñineŋga katambira yâti lâ nia ŋgaŋe, ñana imo kondoma ilo.’ ”

Yesu iporo ŋgua tambirâŋa ñine lâ, ñineŋga ipainzi Juda tamâta ñalaŋala tu, “Lâ nia kondoma ñinde kinzi ma sita ñalae wa niŋonzi giri-giri ñana sikai nâna kâ. <sup>14</sup> Miki kalogo ŋga; Maro Kindeni ne sarawâŋa ilâ panzi tamâta rârâ, andeta ipateanzi kinzi pinde nâ, kinzi ñinde kalonzi tawana i mao.”

**Kinzi sikasoŋa Yesu ñana mbumbu uru silua koipu ñalae Kaisara**  
*Malaka 12:13-17; Luka 20:20-26*

<sup>15</sup> Ñine ilâ lâ, ñineŋga tamâta pinde lâ Parisai ŋgu nde sipasau ku sipa ŋgua ñana ma sikai samâŋa pa Yesu kâ. Kinzi ilonzi pateo tu ambo Yesu ma iporo ŋgua pinde ŋgâsi tâ, ande ma sio ilâ pa ŋgua nia. <sup>16</sup> Kinzi Parisai tamâta ñinde nde sionzi nenzi pâri-tamâta pinde sitavanzi Herot ne tamâta pinde, aku simâ kuku Yesu. Simâ kuku, ñineŋga siporo ŋgua mâru-mâru papa mine tu, “Pananâŋa, maka kasama tu noko nde tamâta ñana kuporo ŋgua mao kâ. Noko ŋgua mao nâ uru kupanananzi tamâta ñana Maro Kindeni ne vetâŋa kâ. Noko uru kuporo ŋgua kaŋa taituni nâ panzi tamâta ñalaŋala wa kinzi sugorai tamwatanzi wa. <sup>17</sup> Mine nde maka iloma tu noko ma kuporo ŋgua taulo pama. Noko ilo mana; nenda koipu ñalae Kaisara uru iporo kaika tu kinda ma mbumbu talua. Anŋa Mose ne ŋgua tukuŋa isâu tu kinda ma mbumbu ñinde talua Kaisara, tiya?”

<sup>18</sup>Andeta Yesu isama kinzi ilonzi kalonzi pwataki tu sakamao ndo. Mine kala ipainzi tu, “Miki kawami kaporo ngua kie tonje, anga ilomi nde keno piti. Ŋana sâ kâ nga miki kakai samâŋa pa naŋa, a? <sup>19</sup>Kakai mbumbu tonje uru kao ilâ pa koipu, aku kamâ katula pa naŋa.” Kinzi nde sikai mbumbu tonje simâ pa Yesu, <sup>20</sup>ŋineŋga ikasonjanzi tu, “Tai wa ŋoa ŋine kala ikeno mbumbu tini, ande ea ne.” <sup>21</sup>Ande siporo taulo tu, “Kaisara ne.” Ŋineŋga Yesu ipainzi tu, “Mine kala Kaisara ne kelekele, ande miki kalua Kaisara; anga Maro Kindeni ne kelekele, ande kalua Maro Kindeni.”

<sup>22</sup>Kinzi siloŋo Yesu ne ngua ŋine, aku wisinzi motutu. Mine kala sipile Yesu ku silâ.

**Kinzi sikasonja Yesu ŋananzi tamâta simâte lâ ŋineŋga simandi  
simo vianzi kilo**

*Malaka 12:18-27; Luka 20:27-40*

<sup>23</sup>Lâ zo ndainani nâ kinzi tamâta pinde lâ Sadyusi ngu nde simâ pa Yesu. Kinzi ngu ŋinde uru kalonzi tawana tu kinzi mateŋa tamâta ma muli simandi simo vianzi kilo tia. Kinzi sipai tu, <sup>24</sup>“Pananâŋa, Mose muŋga iŋgere ngua tukuŋa tonje imâ pa kinda mine tu, ‘Ambo tamâta tonje i natu tia ku imâte, ambo i kaiwa taine imo ŋai yo, ande tamâta ŋinde tai ma ikai tua kaiwa, aku kinzi rua ma sipulia lâlu itogo tua kilala mine.’” <sup>25</sup>Siporo ngua ŋine lâ, ŋineŋga sisia ngua pa Yesu tu, “Ayo, tamâne nzâla-kulu tonje i tai lima kanaŋo taitu simo. Nzâla-kulu ŋinde ikai kaiwa taine tonje, andeta mwanŋa tamâne imâte lâ, aku i natu tia. Mine kala i tai iyoka tua muli ku ikai taine ŋinde itogo i kaiwa mine. <sup>26</sup>Andeta i kala natu tia aku imâte lâ. Ŋineŋga kinzi rua tainzi kala iveta mine nâ, ikai taine ŋinde ŋineŋga imâte, aku natu tia. Siveta mine lee, aku kinzi tai rârâni sikai taine taituni ŋinde, aku kinzi kala natunzi tia, ku simâte lâ. <sup>27</sup>Kinzi rârâni simâte marumbu lâ, aku muli nga taine kala imâte. <sup>28</sup>Ayo, lâ zo muli, ambo kinzi mateŋa tamâta ma simandi simo vianzi kilo, ande taine ŋinde ma imo itogo ea kaiwa lâ kinzi tai-tua lima kanaŋonzi rua ŋinde. Noko kusama tu kinzi rârâni muŋga sikai kaiwanzi taine taitu ŋinde.”

<sup>29</sup>Andeta Yesu itu lâ kawanzi tu, “Opopo, miki kasama Maro Kindeni ne ngua ikeno lâ pepa tini, ande tia. Aku miki kazizâla ŋana i ne walo kaika mine nâ. Mine kala miki kaveta ngua palaŋeŋa rârâ. <sup>30</sup>Lâ zo ŋana kinzi mateŋa tamâta ma simandi simo vianzi kilo, ande kinzi tamâta ma simo sitogonzi aŋelo lâ samba ilo mine, kala ma sipakâe tia.

<sup>31</sup>Andeta naŋa atu aporo ngua tonje pami ŋana kinzi mateŋa tamâta nenzi mandija kâ. Tiambo miki ŋandai kaponu ngua ŋinde Maro Kindeni muŋga itula pami ikeno lâ pepa tini, a? Iporo ngua ŋananzi timbumi, kinzi ŋinde simâte muŋgani lâ, aku iporo tu, <sup>32</sup>‘Naŋa Maro Kindeni nde

Abraham nga Isaka anga Yakopu nenzi Maro Ijalae.’ Ayo, miki kalonjo nga; Maro Kindeni i nandai kinzi mateja tamata nenzi Maro Ijalae nga. I nde tamata simo vianzi njinde na nenzi Maro Ijalae.” <sup>33</sup> Kinzi tamata silonjo Yesu ne ngua njine, aku wisinzi motu njana i ne masi njana ipanananzi ka.

**Maro Kindeni ne ngua tukuja ndia ipolenzi tukuja rarani**

*Malaka 12:28-34*

<sup>34</sup> La zo njinde kinzi tamata pinde la Parisai ngu silonjo pari tu Yesu iporo ngua kanojo na, aku isae ngua ne nzala njanani Sadyusi ngu. Mine kala sila taitu, ku sima pa Yesu. <sup>35</sup> Aku nenzi tamata tonje nde ima kunzi tona, i munga ikai ilo-kalo jalae njana ngua tukuja ka. I ilo tu ikai samanja pa Yesu ka, kala ikasonja tu, <sup>36</sup> “Panana, ngua tukuja ndia nde ipolenzi ngua tukuja rarani Mose munga itula pa kindi.”

<sup>37</sup> Yesu nde iporo taulo tu, “Noko ma tini mwasa ndo papa noko ne Maro Ijalae Kindeni, aku kuo noko ilo ndoni wa koroani ndoni wa ilo-kalo ndoni ila pa i simbo na.” <sup>38</sup> Ngua tukuja njine imunga ku ipolenzi ngua tukuja rarani. <sup>39</sup> Anja ngua tukuja iyoka njinde muli nde kana taituni na; ‘Noko ma tini mwasa panzi tini pinde, itogo noko tini mwasa pa tamwata mine.’ <sup>40</sup> Tukuja rua njine nde sitogo ngunu-ngunu tina pa Mose ne tukuja rarani wa kinzi ngua-tulana tamata nenzi tukuja rarani wa.”

**Yesu ikasonjani Parisai tamata njana Kirisi ka**

*Malaka 12:35-37; Luka 20:41-44*

<sup>41</sup> Kinzi Parisai tamata nde sipasau simo kuku Yesu yo, aku Yesu ikasonjani tu, <sup>42</sup> “Ayo, miki ilomi mana; tamata njine Maro Kindeni ipatea tu ivilanzi ne ngu, sipatu i na tu Kirisi, ande i nde ea ne vasa.” Kinzi nde siporo taulo mine tu, “Kirisi nde timbunda Daviti ne vasa.”

<sup>43</sup> Aku Yesu itu la kawanzi tu, “Ara mbo, mine nde mana mana nga Koroani Sapana itula ilo-kalo pa Daviti kala Daviti ipatu Kirisi na tu, ‘Maro Ijalae’, a? Nana tu Daviti ne ngua ikeno la pepa tini mine tu,

<sup>44</sup> ‘Maro Ijalae Kindeni itu ngua pa nanengu Maro Ijalae mine tu, “Noko kusajona nai pa mbaungu wia ka lee, ikura la zo njinde nana ma aonzi noko ne kazana tamata simo noko kalo.’”

<sup>45</sup> Miki kamora nga. Daviti tamwata nde ipatu Kirisi na tu ‘Maro Ijalae’. Mine nde mana mana nga Kirisi nde Daviti ne vasa na, a?”

<sup>46</sup> Tamata tonje la ngu njinde ikura njana iporo ngua tonje taulo pa Yesu ka, ande tia. Aku la zoni ndaina, kinzi tamata rarani ilonzi patea tu ma sikai samanja mine papa Yesu kilo, ande tia.

**Kinzi Parisai tamâta wa ngua tukuŋa tamâta nenzi vetâŋa potomule**  
*Malaka 12:38-40; Luka 20:45-47*

**23** <sup>1</sup>Aku muli, ñineŋga Yesu itula ngua panzi tamâta sitavanzi ne pâri-tamâta. <sup>2</sup>Ipanzi mine tu, “Kinzi pananâŋa tamâta ñana ngua tukuŋa kâ sitavanzi tamâta lâ Parisai ngu, kinzi ñinde simbonzi nâ uru situla ngua tukuŋa ne duvi pwataki, itogo Mose muŋga iveta mine. <sup>3</sup>Mine nde ngua rârâni situla wa sipananami ñinde, ande miki ma kaloŋo ku kapaveta kuku. Ambo taitu mâsi wa vetâŋa ndia kinzi uru siveta, ande ñinde miki ma kapaveta kuku ndimo. Ñana tu kinzi uru siporo ngua rârâ ñinde, andeta kinzi warakanzi ñandai sipaveta kuku ngua ñinde nga. <sup>4</sup>Ñinde itogo kinzi sinzuku bwali malia ndo, ku sio lâ tamâta kalanzi, kala kinzi tamâta simakâsa ñalae tina ñana sikale kâ. Aŋga kinzi warakanzi ñandai sio mbalaunzi ilâ ñana sivilanzi tamâta tu sikale malia ñinde nga. <sup>5</sup>Vetâŋa rârâni kinzi uru siveta, ande siveta ñana ma tamâta simoranzi kâ. Kinzi uru sipa kariga ñalaŋala ñana noŋa kâ lâ tininzi, ku sipa wareŋa luandondo lâ nenzi pasawaŋa ñalaŋala ñgaŋe tona, ñana sipasuka warakanzi tininzi kâ. Ñana nenzi mâsi ñinde kâ, ande kinzi silâŋe tu ilonzi keno pa Maro Kindeni. <sup>6</sup>Kinzi ilonzi tu ma sikai saŋonâŋa nia arara lâ tamâta naonzi lâ kâŋa-nuŋa ñalaŋala nia, aku ilonzi tu sisajona mine nâ lâ luma ñana pasauŋa kâ ilo. <sup>7</sup>Kinzi ilonzi ñalae tina tu tamâta ma simege ñananzi ku siporo ‘Kari ara’ panzi lâ ao ñgini, aku ilonzi tu tamâta ma sisarawanzi tu, ‘O, Pananâŋa’.

<sup>8</sup>Andeta miki kaloŋo ñga; ambo kinzi tamâta sipatu noko ña tu ‘Pananâŋa’, ande ñinde nde ara tia ndo, ñana tu tamâta taitu nâ nde miki nemi Pananâŋa, aku miki rârâni nde kamo togo nambwe-nambwe. <sup>9</sup>Mine nde lâ tâno ñine kulu, miki ma kaporo pa tamâta toŋge tu, ‘Noko nde tamâta ñalae kutogo tamama mine’, mine ndimo. Ñana tu miki Tamami taitu nâ imo, ande kala imo samba ilo. <sup>10</sup>Aku mine nâ, ambo kinzi ma sipatu noko ña tu ‘koipu’, ande ñinde nde ara tia ndo, ñana tu miki nemi koipu taitu nâ imo, aku i nde Maro Kindeni ne Pateâŋa Tamâta Kiriŋi. <sup>11</sup>Tamâta ea imo mbâna-mbâna pami, ande ara ñana i ma imo itogo nemi kuleŋa tamâta mine. <sup>12</sup>Ñana tu tamâta ea uru ipasuka tamwata ña kâki, ande Maro Kindeni ma itawa tamâta ñinde ña indue lâ. Aŋga tamâta ea uru ipatawa tamwata ña, ande Maro Kindeni ma isuka tamâta ñinde ña ipâŋga ñalae.”

**Yesu itu ngua kaika panzi tamâta uru sikai poe panzi ngu**  
*Malaka 12:38-40; Luka 20:47*

<sup>13-14</sup>Yesu nde iporo kilo mine, “Oyae, mâsi sakamao ndo ma ipâŋga pa miki pananâŋa tamâta ñana ngua tukuŋa kâ wa miki Parisai tamâta wa. Miki kawami kaporo ngua kie toŋge, aŋga ilomi nde keno piti! Mine

nde miki uru kaponu nzâla ñananzi tamâta situ simo Maro Kindeni ne ñgumbi ilo. Miki kaponu warakami nemi nzâla ñana Maro Kindeni ma ikai maro pami, aku kaponu nzâla ñananzi tamâta ñinde tona.

<sup>15</sup>Oyae, mâsi sakamao ndo ma ipânga pa miki pananânga tamâta ñana ñgua tukuña kâ wa miki Parisai tamâta wa. Miki kawami kaporo ñgua kie tonje, aña ilomi nde keno piti! Miki uru kalâ kakura nia nia lâ tâi kulu wa tâno tâno wa, ñana kasowe tamâta taitu nâ ilo-kalo ñana kalo tawana nemi ñgua. Aña lâ zo ñana tamâta tonje kalo tawanami, ande miki kaveta i ipânga tamâta ñana ilâ pa yââ ñalae ne mbââ ilo, itogo miki warakami mine. Miki kaveta tamâta ñinde ipole miki ndo ñana iveta kiesaka kâ.

<sup>16</sup>Oyae, mâsi sakamao ndo ma ipânga pami. Miki matami leva-leva, andeta katogo tu katula nzâla panzi tamâta. Miki uru kapanananzi tamâta mine: ‘Ambo tamâta itu iveta ñgua pânga tonje, aku isarâwa pa Maro Kindeni ne luma sapânga ñana isuka ne ñgua pânga ñinde kâ, ande ñgua pânga ñinde nde mao tia. Mine kala ambo muli i ma imbware ñgua pânga ñinde, ande i ne soki tia. Taitu mambo isarâwa pa mira “gol” uru ikeno Maro Kindeni ne luma sapânga ilo, ande ñgua pânga ñine nde mao, kala i ma imbware ndimo.’ <sup>17</sup>Opopo, miki nde kapa ndo, aku matami leva-leva nâ! Kelekele ndia ipânga ñalae tina lâ Maro Kindeni nao, a? Maro Kindeni ne luma sapânga nde kelekele ara ndo, ipole mira “gol” uru ikeno ilo ñinde, ñana tu luma sapânga iveta “gol” ipânga sapânga. Tiambo miki kazizâla ñana ñine kâ, a? <sup>18</sup>Aku mine nâ, miki uru kapanananzi tamâta tu, ‘Ambo tamâta tonje iveta ñgua pânga tonje, aku isarâwa pa patarawânga nia ñana isuka ne ñgua pânga ñinde kâ, ande i ne ñgua pânga ñinde nde mao tia. Mine kala ambo muli i ma imbware ñgua pânga ñinde, ande i ne soki tia. Taitu mambo isarâwa pa kelekele ikeno patarawânga nia kulu ñinde, ande ñgua pânga ñinde nde mao, kala i ma imbware ndimo.’ <sup>19</sup>Opopo, miki matami leva-leva ndo! Kelekele ndia ipânga ñalae tina lâ Maro Kindeni nao, a? Patarawânga nia nde kelekele ara ndo, ipole kelekele uru ikeno kulu ñinde, ñana tu patarawânga nia iveta kelekele ñinde ipânga sapânga. Tiambo miki kazizâla ñana ñine kâ, a? <sup>20</sup>Mine kala tamâta ea isarâwa pa patarawânga nia tu isuka ne ñgua pânga kâ, ande isarâwa pa patarawânga nia tava kelekele ndia ikeno kulu tona. <sup>21</sup>Aña tamâta ea isarâwa pa Maro Kindeni ne luma sapânga tu isuka ne ñgua pânga kâ, ande isarâwa pa luma sapânga tava Maro Kindeni tona, ina uru imo luma sapânga ñinde ilo. <sup>22</sup>Aña tamâta ea isarâwa pa samba tu isuka ne ñgua pânga kâ, ande isarâwa pa Maro Kindeni ne sañonânga nia wa Maro Kindeni tona, ñana tu ina uru isañona nia ñinde.”

<sup>23</sup>Yesu iporo ñgua ñine lâ, ñineña iporo kilo tu, “Oyae, mâsi sakamao ndo ma ipânga pa miki pananânga tamâta ñana ñgua tukuña kâ wa miki Parisai tamâta wa! Miki kawami kaporo ñgua kie tonje, aña ilomi nde

keno piti! Miki uru kagona kâi lau kie-kie ŋana iveta kâpwa mona-mona kâ, ku kao lâ wâra saŋao-saŋao, ŋinenŋa wâra taitu-taitu uru kalua Maro Kindeni itogo patarawâŋa mine, aku ŋine nde ara. Ambo taitu miki kalaŋa kapole ŋgua tukuŋa ŋalae tina ŋana kaveta kemi ara nâ panzi tamâta wa tinimi mwasa panzi wa kamandi kaika ŋana nemi kalo-tawana wa. Ara ŋana miki ma koka ŋgua tukuŋa ŋalaŋala ŋinde muli, aku koka tukuŋa kiri-kiri muli tona. <sup>24</sup> Opopo, miki matami leva-leva, andeta katogo tu katula nzâla panzi tamâta! Miki kapono muli pa ŋgua tukuŋa kiri-kiri, aŋga kalomi kapa ŋana ŋgua tukuŋa ŋalaŋala. Mine kala miki katogo tamâta tonŋe isânda lâŋo mota mwata lâ kâ lâa ilo ku ikai piti itambira lâ. Andeta i ŋandai imora ŋgoa ŋalae “kamel” ikeno lâa ilo ŋga; mine nde inu ipaŋando ndoni indue lâ kapwa ilo.

<sup>25</sup> Oyae, mâsi sakamao ndo ma ipâŋga pa miki pananâŋa tamâta ŋana ŋgua tukuŋa kâ wa miki Parisai tamâta wa! Miki kawami kaporo ŋgua kie tonŋe, aŋga ilomi nde keno piti! Miki uru kaveta nemi kâmba wa kondo kumbu tu sipâŋga mbâra-mbâra ndo. Aŋga kâpwa wa lâa miki uru kao lâ ilo, ande ŋinde miki muŋga kakai lâ nemi vetâŋa potomule wa ilo-kalo sakamao wa. <sup>26</sup> Miki Parisai tamâta nde matami leva-leva ndo! Kaveta ilomi mbâra-mbâra muŋga lâ, ŋinenŋa kapua kondo kumbu tona, ŋana ruani ma ipâŋga mbâra-mbâra.

<sup>27</sup> Oyae, mâsi sakamao ndo ma ipâŋga pa miki pananâŋa tamâta ŋana ŋgua tukuŋa kâ wa miki Parisai tamâta wa! Miki kawami kaporo ŋgua kie tonŋe, aŋga ilomi nde keno piti! Miki katogo kuru tonŋe; kuru kulu pa nia yo kâ nde pâne ndo, aku ara pâta ŋana tamâta simora kâ. Andeta mateŋa tamâta tukanzi wa kelekele rârâni sâmbu ndo nde sipipi lâ ikeno kuru ilo. <sup>28</sup> Aku miki kala kamo mine nâ. Kinzi tamâta simora karaemi nâ, ku situ miki nde tamâta ŋana koka Maro Kindeni ne ŋgua muli kâ. Andeta mâsi laŋeŋa tava mâsi sakamao nde ipipi lâ ikeno ilomi kalomi.”

<sup>29</sup> Yesu iporo ŋgua ŋine lâ, ŋinenŋa iporo ŋgua pinde panzi kilo tu, “Oyae, mâsi sakamao ndo ma ipâŋga pa miki pananâŋa tamâta ŋana ŋgua tukuŋa kâ wa miki Parisai tamâta wa! Miki kawami kaporo ŋgua kie tonŋe, aŋga ilomi nde keno piti! Miki uru kaveta kuru nia ara ndo panzi ŋgua-tulâŋa tamâta muŋgâŋa, aku kaveta siŋgâra arara nâ kasiŋgara kinzi tamâta ara nenzi kuru tona, kinzi ŋinde muŋga sipono muli pa Maro Kindeni. <sup>30</sup> Aku miki uru kaporo tu, ‘Ambo tu maka kamo muŋgani, lâ timbuma nenzi zo, ande maka ma kasukanzi ŋana kakai kazâŋa panzi ŋgua-tulâŋa tamâta ku kapunzi pâta simâte, ande tia ndo!’ <sup>31</sup> Andeta miki nemi ŋgua ndainani itula warakami kilalami pwataki tu mikini nde kinzi tamâta ŋinde nenzi vâsa, kinzi ŋinde muŋga sipunzi ŋgua-tulâŋa tamâta pâta simâte. <sup>32</sup> Ara mbo, mine kala ŋine miki kalâ, aku vetâŋa potomule ndia muŋga timbumi siveta marumbu tia yo, ande ŋinde miki kalâ kaveta marumbu lâ. <sup>33</sup> Miki nde mwâta sakamao natunzi! Maro Kindeni ma iomi

kalâ pa ne ŋgua nia, ŋineŋga ma itambirami kalâ pa yâê ŋalae ne mbâê ilo. Miki kakura tu kaŋgeŋgeana ŋana i ne pareŋa-nia ŋinde kâ, ande tia ndo!

<sup>34</sup>Mine kala miki kaloŋo sondo ŋga. Naŋa ma asupwanzi kinzi ŋgua-tulâŋa tamâta wa ilo-kalo tamwatanzi wa pananâŋa simâ pami. Andeta miki ma kasonanzi pinde sitâra lâ kâi popole tini simâte. Aŋga pinde nde ma kapalilnzi lâ nemi luma ŋana pasauŋa kâ ilo, ŋineŋga ma kalinzi sikâwa pwapwataki silâ pa lawea pinde. <sup>35</sup>Mine kala Maro Kindeni ma ipare nia pa miki nâ ŋana kinzi tamâta rârâni simo muŋga-muŋga ŋinde nenzi kiesaka kâ, kinzi ŋinde muŋga sikainzi tamâta arara ku sipunzi pâta simâte. Maro Kindeni ma nâna ŋalae ilua mikini ŋana Adam natu Abel ne mateŋa lâ nia ndoyo, aku imâ lee ipâŋga lâ zo ŋinde miki Juda tamâta kapu Berekaia natu Sakaria imâte, lâ patarawâŋa nia ŋga Maro Kindeni ne luma sapâŋa ŋgininzi. <sup>36</sup>Naŋa aporo mao nâ pami; kulu sakamao ŋana vetâŋa potomule muŋgâŋa ŋinde rârâni nde ma imâ ipâŋga pa miki tamâta ŋgu ŋine kala kamo lâ zo ŋine.”

### Yesu kalo sukâŋa ŋananzi tamâta simo Jerusalem

*Luka 13:34-35*

<sup>37</sup>Yesu iporo ŋgua ŋine lâ, ŋineŋga iporo kilo mine tu, “O, Jerusalem, Jerusalem, miki uru kakai kazâŋa panzi ŋgua-tulâŋa tamâta kala kapunzi pâta simâte. Mao nâ, miki kakainzi tamâta ŋinde Maro Kindeni isupwanzi simâ pami, aku mira nâ kasianzi pâta ku kapunzi simâte. Ikura zo zo naŋa atu agogorami, itogo tatareko tina igogoranzi natu silâ taitu ku isupinanzi lâ mbani kalo mine. Andeta miki tinimi pwâka. <sup>38</sup>Mine kala kaloŋo ŋga; Maro Kindeni nde ipile nemi luma sapâŋa ku ilâ lâ, kala luma sapâŋa ikeno ilo kaa nâ. <sup>39</sup>Naŋa apaimi tu miki ma kamora naŋa kilo tia lee, ikura lâ zo muli ŋinde miki ma kaporo tu, ‘Maro Kindeni itu nzâambe pa koipu ŋalae ŋine ikai i ndamwa kala imâ.’”

### Yesu itula ŋgua tu Maro Kindeni ne luma sapâŋa ma

*zavaruŋa pwapwataki*

*Malaka 13:1-2; Luka 21:5-6*

**24** <sup>1</sup>Yesu ipile Maro Kindeni ne luma sapâŋa aku iyoka ilâ, ŋineŋga ne pâri-tamâta nde simâ kuku. Kinzi situ situla luma arara ikeno nia sapâŋa ŋinde papa. <sup>2</sup>Andeta Yesu ipainzi tu, “Miki kamora luma arara ŋine, a? Naŋa aporo mao nâ pami; kinzi ma sipile luma ŋine ne mira toŋge ikeno mira toŋge kulu tia ndo. Kinzi ma sisapira rârâni iyauru bururu ndue lâ.”

### Yesu iporo ŋana malia kie-kie ma muli ipâŋga

*Malaka 13:3-13; Luka 21:7-11*

<sup>3</sup>Yesu ikâki isaŋona Oliv Tuu kulu, ŋineŋga ne pâri-tamâta simbonzi nâ nde simâ papa ku sikasoŋa tu, “Maka katu kasama ŋine; mâsi ŋinde ma

ipânnga lâ zo ndia. Aku mâsi ndia ma ipânnga nana itula pwataki tu noko ne zo nana kutaulo kumâ kilo nde imâ laiti lâ, kala tâno nane ne zo nde laiti nana marumbu kâ.”

<sup>4</sup>Ande Yesu itula ngua pwataki panzi mine tu, “Miki kapakatona sonde nga. Tia ma tamâta tonje ilanemi. <sup>5</sup>Ngana tu kinzi tamâta rârâ ma simâ sipatu nana nânge ku ma siporo tu, ‘Nanani tamwatânge kala Kirisi’, ku ma sikai lanenana mine panzi tamâta rârâ. <sup>6</sup>Aku miki ma kalono parana nalanala ne ndunenani imâ laiti, aku ma kalono ngua nana parana nalanala pinde ipânnga nia malawae tona. Andeta miki ma tinimi ruru ndimo, nana tu ninde ma imâ ipânnga, nana zo nalanana nana tâno nane ne zo marumbu kâ nde ma ipânnga tia yo. <sup>7</sup>Kinzi tamâta lâ lawea pinde ma simandi sikai kazâna panzi tamâta lâ lawea pinde, nana ngu pinde ma simandi sikai kazâna panzi ngu pinde. Putole nalanana ma ipânnga lâ tâno pinde, aku ogigi ma iririno tâno pinde yâti taulo. <sup>8</sup>Mâsi nane rârâni ma ipânnga munnga, itogo nana uru ipânnga panzi taine kâpwa-kâpwa ku itula tu paguguna ne zoni nde imâ ipânnga laiti lâ.

<sup>9</sup>Lâ zo ninde kinzi ma sikai miki kaika ku siomi lâ ngua nia nana nana wa malia silami, aku ma sipumi pata kamate. Kinzi tamâta rârâni ma ilonzi sakamao ndo nanami, nana tu miki kalomi tawana nana. <sup>10</sup>Lâ zo ninde, kinzi kalo-tawana tamâta rârâ ma sipile neni kalo-tawana, aku ma simandi sikai kazâna wa wisi-nana nalanana tina pa nawalanzi, ku ma sionzi silâ kazâna tamâta mbaunzi ilo. <sup>11</sup>Aku ngua-tulanana tamâta lanenana rârâ ma simandi ku ma sikai lanenana panzi tamâta rârâ. <sup>12</sup>Vetâna potomule ma ipânnga more-more nalanana tina. Mine kala tamâta rârâ ma sipile mâsi nana tininzi mwasa panzi tininzi pinde kâ. <sup>13</sup>Nana tamâta ea ne kalo-tawana ikeno mao pa nana, kala ipile ne kalo-tawana tia, ande Maro Kindeni ma via mao ilua i, kala ma imo via mine ku imo nâ. <sup>14</sup>Aku kinzi tamâta pinde ma silâ situla pari ara nana Maro Kindeni ne mâsi nana ikai maro panzi tamâta kâ sikura tâno ndoni, kala tamâta rârâni ma silono lâ. Ninenga zo nalanana nana tâno nane ne zo marumbu kâ ma imâ ipânnga.”

### **Vetâna sakamao nalanana tina ma ipânnga**

*Malaka 13:14-23; Luka 21:20-24*

<sup>15</sup>Yesu iporo ngua nane lâ, ninenga ipainzi ne pari-tamâta kilo mine tu, “Miki ma kamora vetâna sakamao ndo ipânnga iveta muso nalanana lâ Maro Kindeni ne luma sapana ilo. Ngua-tulanana tamâta munngana Taneli itula ngua pwataki nana vetâna ninde.” (Noko tamâta ea kupono ngua nane, ande kalo ngere sonde nana kusama duvi.) <sup>16</sup>“Pa zo ninde, ara nana kinzi tamâta simo Judia tâno ma sikawa silâ pa nia tuu. <sup>17</sup>Ambo tonje imo ne luma mende kulu, ande ara nana i ma indue ku ikawa nâ ilâ; i ma ilâ luma ilo nana ikai ne kekelele tonje ndimo. <sup>18</sup>Ambo tonje imo ne

tâno ilo, ande i ma itaulo ilâ luma ilo ŋana ikai ne pasawaŋa luandondo ndimo. <sup>19</sup>Opopo, lâ zo ŋinde kalo-sukâŋa ŋalae ma ilâ panzi taine kâpwa-kâpwa wa kinzi taine ŋinde natunzi simo suu tini yo. <sup>20</sup>Ara ŋana miki ma kano kaika tu mâsi ŋinde ma ipâŋga lâ mâo ne zo tia. Aku mine nâ, ara ŋana miki ma kano tu mâsi ŋinde ma ipâŋga lâ pwareâŋa ne zo sapâŋa tia. <sup>21</sup>Ŋana tu lâ zo ŋinde, malia ŋalae tina ma ipâŋga. Nia ndoyo, lâ zo ŋinde Maro Kindeni ipulia samba wa tâno wa kelekele rârâni sipâŋga lâ, aku imâ lee ipâŋga lâ zo ŋine, ande malia kie-kie mine muŋga ipâŋga tia ndo. Aku muli kala malia kie-kie mine ma ipâŋga kilo, ande tia. <sup>22</sup>Ambo Maro Kindeni ma io zo luandondo ŋana malia kie-kie ŋine, ande kinzi tamâta rârâni ma sipamateteu marumbu lâ. Andeta Maro Kindeni ilo ndo keno panzi tamâta muŋga ipateanzi ŋinde, kala ma io zo ŋinde mbuku taitu nâ.

<sup>23</sup>Pa zo ŋinde, ambo tamâta tonje ipaimi tu, ‘Kamora ŋga, Kirisi imo ŋai!’, tâku ‘Imo ndai!’, ande miki ma kalomi tawana ŋgua ŋinde ndimo. <sup>24</sup>Ŋana tu lâ zo ŋinde, kinzi ‘Kirisi’ laŋeŋa rârâ aŋga ŋgua-tulâŋa tamâta laŋeŋa rârâ ma simâ sipâŋga, ku ma siveta mâsi kie-kie pinde sitogo tu silaŋenzi tamâta Maro Kindeni muŋga ipateanzi ŋinde. Andeta kinzi ma sikura tia.

<sup>25</sup>Miki kaloŋo ŋga! Naŋa aporo atula vetâŋa ŋine pwataki pami lâ, aku mao kanaŋo, vetâŋa ŋine ma muli ipâŋga. <sup>26</sup>Mine kala lâ zo ŋinde, ambo kinzi sipaimi tu, ‘Kamora ŋga, Kirisi imo nia bilimu ndai!’, ande miki ma kalâ pa nia ŋinde ndimo. Ambo siporo tu, ‘Kamora, Kirisi ipavea imo luma ŋinde ilo’, ande miki ma kalomi tawana nenzi ŋgua ndimo. <sup>27</sup>Ŋana tu miki kasama tu zo ŋana loloa salaga, ande sinâla ŋinde uru ipâŋga muŋga pa wâra kâ, ku ipane nia ilâ walele nâ pa mbwera kâ. Aku naŋa Tamâta Natu kala ma ayoka pa samba ilo andue amâ mine nâ. Mine nde kinzi tamâta rârâni ma simora ku sisama.

<sup>28</sup>Lâ nia ndia ŋgoa imâte ku karae sâmbu nâ ikeno, ande kinzi sii malabogi uru sipagona lâ niani ndaina.”

**Mâsi rârâni ŋinde ma marumbu lâ, ŋineŋga Yesu ma imâ ipâŋga**  
*Malaka 13:24-27; Luka 21:29-33*

<sup>29</sup>Yesu iporo ŋgua ŋine lâ, ŋineŋga iporo kilo tu, “Mâsi wa malia ŋalae tina ŋinde rârâni ma ipâŋga lâ ŋga, ŋineŋga walele nâ  
‘kari mata ma ipâŋga ŋaŋa, aŋga nzimona ma mata ipane nia kilo  
tia, aŋga pitu ma simbe piti lâ samba tini, aŋga samba ne siŋgâra  
kaika rârâni ma silâ wa simâ wa.’

<sup>30</sup>Aku lâ zo ŋinde, mâsi tonje ma ipâŋga lâ samba tini ŋana itula zo pwataki tu Tamâta Natu ŋga imâ. Aku kinzi tamâta rârâni lâ tâno kulu ma sipataiŋa nâ. Kinzi rârâni ma simora naŋa Tamâta Natu ayoka samba ne take-take kulu amâ apâŋga tava walo ŋalae. Kinzi ma simora nanenju

sinâla ŋalae, ande kala ma sisama naŋa kilalâŋgu pwataki tu naŋa nde Maro ŋalae. <sup>31</sup>Aku aŋelo tonje ma imbana tando ŋalae ilâ nduŋeŋa ŋalae tina, ŋineŋga naŋa ma aonzi nanenju aŋelo simâ sigonanzi nanenju tamâta rârâni muŋga apateanzi ŋinde. Mao nâ, kinzi aŋelo ma silâ sikura nia ndoni lâ tâno kulu ŋana sikainzi nanenju tamâta rârâni.

**Ŋgua tambirâŋa ŋana kâi pâla-pâla itula zo**

*Malaka 13:28-31; Luka 21:29-33*

<sup>32</sup>Miki kalomi ŋgere ŋana kâi pâla-pâla kâ, ŋana tu ŋinde ma isukami ŋana kasama nanenju ŋgua ŋine ne duvi. Lâ zo ŋana kâi pâla-pâla irumba ku lau wasaseki ipâŋga, ande ŋinde miki kasama tu kari ne zo ŋga imâ ipâŋga laiti lâ. <sup>33</sup>Aku mine nâ, ambo miki kamora mâsi ŋinde rârâni ipâŋga marumbu lâ, ŋineŋga miki ma kasama tu tâno ŋine ne zo ŋga laiti ŋana marumbu kâ. <sup>34</sup>Naŋa aporo mao nâ pami; kinzi tamâta lâ zo ŋine ma simâte tia yo, ŋineŋga mâsi rârâni ŋinde ma imâ ipâŋga. <sup>35</sup>Mao nâ, samba wa tâno wa ma marumbu lâ, aŋga naŋa kawâŋgu ŋgua nde ma marumbu tia ndo, ma ikeno mine ku imo nâ.”

**Maro Kindeni simbo nâ isama Yesu ne zo ŋalae ŋana itaulo imâ kilo**

*Malaka 13:32-37; Luka 21:34-36*

<sup>36</sup>Yesu iporo ŋgua ŋine lâ, ŋineŋga iporo kilo mine tu, “Tamâta tonje isama zo ndia wa kari tai ŋapia naŋa ma ataulo amâ kilo, ande tia. Kinzi aŋelo lâ samba ilo sisama ŋine tia, aku naŋa Maro Kindeni Natu tamwatâŋgu kala asama tia. Mama simbo nâ isama. <sup>37</sup>Nia ndoyo, lâ Noa ne zo, kinzi tamâta sizizâla ŋana pondi ŋalae laiti ŋana ipâŋga kâ, aku simo nenzi. Aku mine nâ, kinzi tamâta ma sizizâla ŋana nanenju zo ŋana ataulo amâ apâŋga kâ. <sup>38</sup>Mao nâ, lâ zo muŋgâŋa ŋinde, pondi ŋalae ipâŋga tia yo, ku kinzi tamâta nde simo nenzi, sika wa sinu wa sipakâe wa. Siveta mine ku simo lee, ŋineŋga Maro Kindeni ipai Noa tu ikâki ilâ wâŋga ŋalae muŋga isape ŋinde ilo. <sup>39</sup>Kinzi tamâta ŋinde nde sizizâla ŋana mâsi ma ipâŋga panzi ŋinde, ku simo mine lee, ŋineŋga pondi ŋalae ipâŋga ku izavarunzi tamâta rârâni marumbu lâ. Ande kala vetâŋa kie taituni nâ ma ipâŋga lâ naŋa Tamâta Natu nenju zo ŋana amâ apâŋga kâ. <sup>40</sup>Kinzi tamâta rua ma simo nenzi tâno ilo, aku Maro Kindeni ma ikai tonje imâ imo kuku, aŋga ma ipile tonje imo. <sup>41</sup>Kinzi taine rua ma simo simomo kanzi puroŋa, aku Maro Kindeni ma ikai tonje imâ imo kuku, aŋga ma ipile tonje imo. <sup>42</sup>Mine nde miki ma kaka mâsa ku kamo nâ, ŋana tu miki kazizâla ŋana zo ndia nemi Maro ŋalae ma imâ. <sup>43</sup>Miki kalomi ŋgere sondu ŋga. Ambo luma warika isama muŋga lâ ŋana kari tai ŋapia lâ mbo panawe tamâta ma imâ, ande i ma ika mâsa, kala panawe tamâta ma ikura tu imâ ipu luma pwataki ku imâ ilo, ande tia. <sup>44</sup>Mine nde miki kala kao tinimi ku kamo nâ, ŋana tu naŋa Tamâta Natu kala ma ataulo amâ lâ zo tonje miki ilomi pateata tu ma amâ tia.”

**Ŋgua tambirâŋa ŋananzi wurâta tamâta rua,  
tonge ara ŋga tonge sakamao**

<sup>45</sup>Ŋjineŋga Yesu itambira ŋgua panzi ne pâri-tamâta mine tu, “Ambo koipu tonge imora ne wurâta tamâta tonge tu i tamâta ara, ŋana tu i uru iveta ikura koipu iporo mine, aku ne ilo-kalo nde sondo; ande koipu ma ipatea tamâta ŋinde tu ipâŋga mbâna-mbâna ku ikatonanzi ne wurâta tamâta pinde wa kâpwa ilanzi wa. <sup>46</sup>Ambo koipu ŋinde ilâ pa nia malawae tonge, ŋineŋga itaulo imâ ku imora wurâta tamâta ŋinde iveta ne wurâta ara mine nâ, ande wurâta tamâta ŋinde ikura ŋana indeka kâ. <sup>47</sup>Naŋa aporo mao nâ pami; koipu ma ipatea wurâta tamâta ŋinde tu ikai poe pa i ne kelekele rârâni. <sup>48</sup>Taitu kaloŋo ŋga; ambo wurâta tamâta mbâna-mbâna ŋinde nde tamâta ara tia, ande i ma iporo lâ ilo tu, ‘Naneŋgu koipu ma imo soŋgo, ma itaulo imâ walele tia.’ <sup>49</sup>Ŋjineŋga i ma imandi ŋana ipunzi wurâta tamâta, aku ma ika wa inu kunzi tamâta pinde uru sinu rârâ ku sidauda ŋinde. <sup>50</sup>Ambo mine, ambo koipu itaulo imâ lâ zo tonge wurâta tamâta ŋinde ŋandai isama ku io tini ŋana ŋga, <sup>51</sup>ande koipu ma izavaru wurâta tamâta ŋinde ndo, ku ma io imo kunzi tamâta ŋinde uru kawanzi nâ sipanea Maro Kindeni, andeta ilonzi keno papa tia. Lâ nia ŋinde, kinzi ma sita pâta lâ ku niŋonzi giri-giri ŋana sikai nâna kâ.”

**25** <sup>1</sup>Ŋjineŋga Yesu itambira ŋgua panzi ne pâri-tamâta mine tu, “Maro Kindeni ne zo ŋana imâ ikai maro panzi tamâta kâ, ande itogo ŋine: Tamâne tonge itu ikai taine tonge itogo kaiwa mine. Aku rua nenzi zo ŋana sipakâe kâ nde ipâŋga lâ, kala taine taipa saŋao sikai nenzi lamu ku silâ pa nawalanzi taine ŋinde ne luma. Sipâŋga lâ, ŋineŋga sisajona ku sio tininzi pa pakâeŋa tamwata ŋinde, ŋana tu i ma muli imâ ikai taine, ku rua ma silâ pa tamâne ne luma. Kinzi taine saŋao ŋinde ilonzi tu ma silâ kunzi ku sika kâŋa-nuŋa ŋana nenzi pakâeŋa kâ.

**Yesu itambira ŋgua ŋananzi taine taipa saŋao**

<sup>2-4</sup>Kinzi taine lima nde ilonzi kalonzi ara koŋa tia, ŋana tu sikai nenzi lamu kaa nâ simâ, aku ŋandai sikai lââ tona ŋga. Aŋga kinzi taine lima nde simo tava ilonzi kalonzi ara nâ, ŋana tu muŋga siwuwu nenzi lââ lâ belo ilo ku sikai tava lamu simâ. <sup>5</sup>Andeta pakâeŋa tamwata nde imâ walele tia, aku kinzi taine taipa saŋao nde sio tininzi lee matanzi matutu, kala sikeno lâ.

<sup>6</sup>Sikeno lee, ku mbo ŋgini-ŋgini, ŋineŋga siloŋo sarawâŋa tonge ipâŋga mine tu, ‘Ayo, pakâeŋa tamwata kala imâ lâ, kala miki kamâ kamora ku takai talâ!’ <sup>7</sup>Ŋjineŋga kinzi taine taipa saŋao nde simandi sânda ku siveta nenzi lamu sondo lâ. <sup>8</sup>Kinzi taine taipa lima nenzi lââ tia ŋinde nde sino nawalanzi taine ŋinde tu, ‘Wa, miki lââ nuŋa mwata kalua maka ŋga,

ɲana tu maka nema lââ tia, aku laiti ɲana yââ imâte kê.’<sup>9</sup> Andeta kinzi ilo-kalo taine lima ɲinde nde siporo taulo panzi nawalanzi tu, ‘Tia ma! Lââ ɲine nde ikura maka nâ, ma ikura miki tona, nde tia. Ara ɲana miki ma kalâ panzi tamâta ɲana sipako lââ kê, aku kako ikura warakami nemi nâ.’<sup>10</sup> ɲineŋga kinzi taine lima ɲinde nde silâ ɲana siko nenzi lââ kê. Silâ lâ, ɲineŋga pakâeŋa tamwata imâ ipâŋga. Kinzi taine lima muŋga sikai nenzi lââ ɲinde nde silâ kuku, aku silâ luma ilo ɲana sika waiŋa pakâeŋa ne kêŋa-nuŋa kê. Silâ luma ilo lâ, ɲineŋga kinzi wurâta tamâta sisae nzâla kaika giri lâ.

<sup>11</sup> Aku muli, ɲineŋga kinzi taine lima ɲinde sitaulo simâ, aku sita sisarâwa ku sipai tu, ‘Wa, tamâta ɲalae! Tamâta ɲalae! Kumâ pwai nzâla piti pama ɲga!’<sup>12</sup> Andeta pakâeŋa tamwata iporo taulo tu, ‘Naŋa aporo mao tu naŋa asama miki tia.’”

<sup>13</sup> Yesu iporo ɲgua tambirâŋa ɲine lâ, ɲineŋga ipainzi ne pâri-tamâta tu, “Mine nde miki ma kaka mâsa ku kamo nâ, ɲana tu miki kazizâla ɲana zo wa kari tai ɲapia naŋa ma ataulo amâ kilo.”

#### **ɲgua tambirâŋa ɲananzi wurâta tamâta ɲato sikatona mbaliŋa**

<sup>14</sup> ɲineŋga Yesu itambira ɲgua tonŋe panzi ne pâri-tamâta kilo tu, “Maro Kindeni ne mâsi ɲana ikai maro panzi tamâta kê, nde itogo ɲine: mbaliŋa warika tonŋe itu iyoka ilâ pa nia malawae kê. Mine kala isarawanzi ne wurâta tamâta simâ, ku iwae ne mbaliŋa panzi ɲana sikatona kê.<sup>15</sup> I kalo ɲgere ɲana ne wurâta tamâta taitu-taitu nenzi ilo-kalo wa vetâŋa wa, ɲineŋga iwae mbaliŋa panzi. Tamâta tonŋe nde mbumbu 5,000 ilua, aŋga tonŋe nde mbumbu 2,000 ilua, aŋga tonŋe nde mbumbu 1,000 ilua. Iveta mine nâ ilanzi lâ, ɲineŋga ilâ.<sup>16</sup> Ilâ lâ, ɲineŋga wurâta tamâta ɲinde muŋga ikai mbumbu 5,000 ɲinde, nde iveta wurâta lâ tini, aku mbumbu pagugu ɲalae. Aku ikai mbumbu ɲinde ne kalulu wasaseki pinde ipâŋga lâ 5,000 kilo.<sup>17</sup> Aŋga wurâta tamâta muŋga ikai mbumbu 2,000 ɲinde, ande i kala iveta wurâta lâ tini mine nâ. Aku ikai mbumbu ɲinde ne kalulu wasaseki pinde ipâŋga lâ 2,000 kilo.<sup>18</sup> Aŋga wurâta tamâta muŋga ikai mbumbu 1,000 ɲinde, ande ilâ iveta wewe ɲalae lâ tâno ilo, aku ikea tamâta ɲalae ne mbumbu ɲinde lâ wewe ilo ikeno.

<sup>19</sup> Zo luandondo lâ, ɲineŋga kinzi wurâta tamâta ɲato ɲinde nenzi tamâta ɲalae nde itaulo imâ. Imâ lâ, ɲineŋga iveta ɲgua sondo kunzi ɲana mbumbu kala muŋga ilanzi ɲinde.<sup>20</sup> ɲineŋga wurâta tamâta muŋga ikai mbumbu 5,000 ɲinde nde imâ ku iporo itula mine, “Tamâta ɲalae, noko muŋga mbumbu 5,000 kulua naŋa. Ayo, kumora ɲga, naŋa aveta wurâta lâ tini, kala akai mbumbu kalulu 5,000 kilo tona.”<sup>21</sup> ɲineŋga ne tamâta ɲalae nde ipai mine tu, ‘Noko nde wurâta tamâta ara ndo. Noko uru kuveta wurâta ara nâ ku pwatona ne wurâta sondo nâ. Noko muŋga

pwatona nanenġu mbaliġa mota mwata ġinde sonġo; mine kala naġa ma wurâta alano tu pwatona mbaliġa ġalae tina. Naġa ilonġu ndeka nâ! Kumâ kundeka kuku naġa!’

<sup>22</sup>Ġineġga wurâta tamâta muġga ikai mbumbu 2,000 ġinde, ande i kala imâ, ku iporo itula mine, ‘Tamâta ġalae, noko muġga mbumbu 2,000 kulua naġa. Ayo, kumora ġga, naġa aveta wurâta lâ tini, kala akai mbumbu kalulu 2,000 kilo tona.’ <sup>23</sup>Ġineġga ne tamâta ġalae nde ipai mine tu, ‘Noko nde wurâta tamâta ara ndo. Noko uru kuveta wurâta ara nâ ku pwatona ne wurâta sonġo nâ. Noko muġga pwatona nanenġu mbaliġa mota mwata ġinde sonġo; mine kala naġa ma wurâta alano tu pwatona mbaliġa ġalae tina. Naġa ilonġu ndeka nâ! Kumâ kundeka kuku naġa!’

<sup>24</sup>Ġineġga wurâta tamâta muġga ikai mbumbu 1,000 ġinde, ande i kala imâ, ku iporo itula mine tu, ‘Tamâta ġalae, naġa asama tu noko uru kalo sukâġa ġananzi tamâta tia ndo. Noko uru kugona kâpwa lâ tamâta pinde nenzi tâno, andeta noko muġga kuliġi kaniġa vâsa lâ tâno ġinde ilo, ande tia. <sup>25</sup>Asama ġine lâ, ande kala naġa aruru, kala akai noko ne mbumbu 1,000 ġinde alâ aveva lâ tâno ilo. Ande kala ġai, pwai noko ne mbumbu 1,000 ġine.’ <sup>26</sup>Ġineġga ne tamâta ġalae nde ipai mine tu, ‘Noko nde wurâta tamâta sakamao. Noko wulitia tamwata! Noko kusama tu naġa uru agona kâpwa lâ tamâta pinde nenzi tâno, andeta naġa muġga aliġi kaniġa vâsa lâ tâno ġinde ilo tia, a? <sup>27</sup>Mine nde ġana sâ kâ ġga noko ġandai kuo nanenġu mbumbu lâ pinze ilo, a? Ambo noko muġga kuveta mine, ġineġga ataulo amâ, ande naġa ma akai nanenġu mbumbu 1,000 aġga kalulu wasaseki pinde tona. Andeta tia. <sup>28</sup>Mine kala miki kakai mbumbu 1,000 ġine saġe wurâta tamâta ġine, ku kalua tamâta ġine muġga ikai mbumbu 10,000. <sup>29</sup>Ġana tu tamâta ea uru iveta wurâta ara pa naġa, ande naġa ma wurâta ġalae alua i tu ma iveta, kala i ma imo itogo tamâta ġalae mine. Aġga tamâta ea uru iveta wurâta ara tia pa naġa, ande naġa ma akai wurâta ġine saġe, kala i ma imo itogo tamâta kaa nâ mine. <sup>30</sup>Ayo, miki kakai wurâta tamâta sakamao ġinde ku katambira ilâ pa nia kondoma. Lâ nia ġgaġe ġinde kinzi ma sita pâta ku niġonzi giri-giri ġana sikai nâna kâ.’ ”

### **Tamâta Natu ma itaulo imâ tu ipare nia panzi tamâta rârâni**

<sup>31</sup>Ġineġga Yesu ipainzi ne pâri-tamâta kilo mine tu, “Lâ zo muli, naġa Tamâta Natu ma akainzi nanenġu aġelo rârâni ataulo amâ atogo koipu ġalae mine, ġineġga naġa tamwatânġu ma asaġona koipu ġalae ne saġonâġa nia ġana apare nia panzi tamâta kâ. <sup>32</sup>Naġa ma agonanzi tamâta rârâni muġga simo lâ nia ndoni lâ tâno kulu, aku ma simâ simandi naonġu. Aku ma apateanzi ku awaenzi pwapwataki lâ ġgu rua, itogo ‘lama’ nenzi katonâġa ipateanzi lama piti simo lâ ġgu tonġe, aġga

‘meme’ simo piti lâ ngu tonje. <sup>33</sup>Naŋa ma aonzi tamâta ŋinde muŋga sipono muli pa Maro Kindeni silâ simo pa tiniŋgu pa wia kâ. Aŋga kinzi tamâta muŋga sipu mulinzi pa Maro Kindeni, kinzi ŋinde ma silâ simo pa tiniŋgu pa ŋâsi kâ. <sup>34</sup>Ŋineŋga naŋa Koipu Ŋalae ma apainzi tamâta simo pa tiniŋgu pa wia kâ tu, ‘Miki kamâ. Naŋa Mama ne nzâmbe imo kumi, aku i tamwata ma ikai maro sondo pami. Kamâ kakai nzâmbe ŋine Mama nia ndoyo ipatea pami, lâ zo ŋinde ipulia samba wa tâno wa. <sup>35</sup>Nzâmbe ŋine imâ pami, ŋana tu muŋga naŋa putole ipuna, ande miki kâpwa kalana aka. Naŋa arakoŋa ŋana lââ kâ, ande miki lââ kalana anu. Naŋa ayoka lombo amâ pami, ande miki kao naŋa lâ nemi luma ilo. <sup>36</sup>Nanengu lalava tonje tia, ande miki lalava kalana apita. Naŋa akai pukoŋa, ande miki kakatona naŋa. Naŋa amo luma sakamao ilo, ande miki kamâ kakalele naŋa.’

<sup>37</sup>Kinzi tamâta ŋinde muŋga sipono muli pa Maro Kindeni, ande ma sikasoŋa naŋa tu, ‘Maro Ŋalae, lâ zo ndia noko putole ipuno kala maka kâpwa kalano. Aku lâ zo ndia noko kurakoŋa ŋana lââ kâ, kala lââ kalano. <sup>38</sup>Aŋga lâ zo ndia maka kamora noko pwoka lombo kumâ pama, kala kaono lâ nema luma ilo. Aŋga lâ zo ndia noko ne lalava tonje tia, kala maka lalava kalano. <sup>39</sup>Aŋga lâ zo ndia maka kamora noko kupoko kala kakatonano, wa kumo luma sakamao ilo kala kamâ kakalele noko.’

<sup>40</sup>Ŋineŋga naŋa ma aporo taulo panzi mine tu, ‘Naŋa aporo mao nâ pami: kinzi sugorai tamwatanzi ŋine nde simo niŋgu-nambwe wukale. Mine nde vetâŋa rârâni miki muŋga kaveta pa kinzi, ande ŋinde itogo miki kaveta pa naŋa tava.’

<sup>41</sup>Ŋineŋga naŋa ma apainzi tamâta simo pa tiniŋgu pa ŋâsi kâ ŋinde mine tu, ‘Miki nde tamâta ŋana kakai Maro Kindeni ne pareŋa-nia kâ! Miki kakâwa kalâ pa yââ ŋalae ne mbââ ilo! Maro Kindeni muŋgani io yââ nia ŋinde panzi Sadana tavanzi ne aŋelo, aku yââ ŋinde ma imâte tia, ma ikana mine ku imo nâ. <sup>42</sup>Nâna ŋine imâ pami ŋana tu muŋga, naŋa putole ipuna, andeta miki ŋandai kâpwa kalana ŋga. Naŋa arakoŋa ŋana lââ kâ, andeta miki ŋandai lââ kalana ŋga. <sup>43</sup>Naŋa ayoka lombo amâ pami, andeta miki ŋandai kao naŋa lâ nemi luma ilo ŋga. Nanengu lalava tonje tia, andeta miki ŋandai lalava kalana ŋga. Naŋa akai pukoŋa wa amo luma sakamao ilo wa, andeta miki ŋandai kamâ kakalele naŋa ŋga.’

<sup>44</sup>Ŋineŋga kinzi kala ma sikasoŋa naŋa mine tu, ‘Maro Ŋalae, lâ zo ndia maka kamora noko putole ipuno wa, kurakoŋa ŋana lââ kâ wa, pwoka lombo kumâ pama wa, kumo kaa nâ ne lalava tia wa, pukoŋa ikaino wa, kumo luma sakamao ilo wa, andeta kakatonano tia, a?’

<sup>45</sup>Ŋineŋga naŋa ma aporo taulo tu, ‘Naŋa aporo mao nâ pami; vetâŋa arara ndia miki tinimi pwâka tu kaveta panzi sugorai tamwatanzi ŋine, ande ŋinde itogo miki kaveta pa naŋa tia mine nâ.’ <sup>46</sup>Ŋineŋga naŋa ma aonzi tamâta ŋinde silâ ŋana sikai nenzi pareŋa-nia, kala ma sikai

nâna ku simo nâ. Aŋga kinzi tamâta ŋinde muŋga sipono muli pa Maro Kindeni, ande kinzi ma sikai via mao, ma simo ara mine ku simo nâ.”

**Kinzi tamâta ŋalaŋala sipa ŋgua tu ma sipu Yesu pâta imâte**

*Malaka 14:1-2; Luka 22:1-2*

**26** <sup>1</sup>Yesu nde itula ŋgua ŋine rârâni pwataki marumbu lâ, ŋineŋga ipainzi ne pâri-tamâta tu, <sup>2</sup>“Miki kasama tu zo rua nâ keno mo ŋai yo, ŋineŋga kumbwa ŋalae Pasova ma ipâŋga. Ŋineŋga kinzi ma sio naŋa Tamâta Natu lâ kazâŋa tamâta mbaunzi ilo, aku ma sisona naŋa atâra lâ kâi popole tini.”

<sup>3</sup>Aŋga kinzi patarawâŋa tamâta ŋalaŋala nde sipasau silâ taitu kunzi Isrel nenzi katonâŋa lâ patarawâŋa tamâta kulu-kâmba Kaiafas ne luma. <sup>4</sup>Kinzi siporo siroto nzâla ŋana sikai Yesu kaika lâ nia ŋgaŋe tonŋe, ŋana ma sipu pâta imâte kâ. <sup>5</sup>Andeta kinzi siporo tu, “Kinda ma taveta ŋine lâ zo sapâŋa tia. Tia ma kinzi tamâta wisinzi nâna ku siŋgoloa paraŋa, ku ma sipara potomule.”

**Taine tonŋe ipaliŋi samimi lâ Yesu kulu**

*Malaka 14:3-9; Yoane 12:1-8*

<sup>6</sup>Ŋineŋga Yesu ilâ pa Betani lawea, aku imo Saimon ne luma. Saimon nde tamâta tonŋe muŋga ikai pukoŋa saga-saga, ŋineŋga tini mbâra-mbâra kilo. <sup>7</sup>Yesu nde isaŋona peke tini ŋana ika kâ, andeta taine tonŋe ikai ne mira belo ara tonŋe, samimi kuwae ara pâta keno ilo, ku ikai imâ pa Yesu. Samimi ŋinde nde kulu ŋalae tina. Aku taine ipaliŋi samimi ŋinde lâ Yesu kulu. <sup>8</sup>Yesu ne pâri-tamâta nde simora ŋine ku ilonzi kura tia ndo. Kinzi siporo tu, “Opopo, ŋana sâ kâ ŋga ipaliŋi samimi ŋine iyaula kaa nâ, a? <sup>9</sup>Ambo kinda muŋga takai samimi ŋinde talanzi tamâta tu siko tâ, ande kinda ma takura tu takai kulu ŋalae ŋinde, aku mbumbu ŋinde ma talanzi sugorai tamwatanzi. Andeta tia.”

<sup>10</sup>Andeta Yesu isama tu nenzi ilo-kalo mine ikeno panzi, kala ipainzi tu, “Ŋana sâ kâ aŋga miki kaveta malia pa taine ŋine, a? Iveta mâsi ara pâta pa naŋa. <sup>11</sup>Kinzi sugorai tamâta ma simo kumi ikura zo zo, aŋga naŋa nde ma amo sonŋo kumi, ande tia. <sup>12</sup>Taine ipaliŋi samimi ŋine ŋana iveta karaengu sondo ŋana alâ pa kuru nia kâ. <sup>13</sup>Naŋa aporo mao nâ pami; lâ tâno ndia muli mbo kinzi ma silâ situla pâri ara ŋana naŋa kâ, ande kinzi ma situla vetâŋa taine ŋine iveta ŋinde tona, ŋana kinzi tamâta ma kalonzi ŋgere ŋana i wa.”

**Judas ipa ŋgua tu ma io Yesu lâ kinzi patarawâŋa tamâta mbaunzi ilo**

*Malaka 14:10-11; Luka 22:3-6*

<sup>14</sup>Ŋine ilâ lâ, ŋineŋga kinzi pâri-tamâta saŋao kanaŋonzi rua nawalanzi tonŋe, i ŋa tu Judas Iskariot, ande ilâ panzi patarawâŋa

tamâta ŋalaŋala. <sup>15</sup> Aku ikasoŋanzi tu, “Ambo naŋa ma ao Yesu lâ miki mbaumi ilo, ande miki ma sâ kalua naŋa.” Ŋineŋga mbumbu tamâta taitu kanaŋo saŋao (30) silua. <sup>16</sup> Ŋineŋga Judas nde ilâ ku iroto zo ŋana ma io Yesu lâ kinzi kazâŋa tamâta mbaunzi ilo.

**Yesu ika kâŋa-nuŋa kunzi ne pâri-tamâta**

*Malaka 14:12-21; Luka 22:7-18*

<sup>17</sup> Ŋineŋga zo sapâŋa ŋana sika puroŋa ne yisi tia kâ ŋga ipâŋga lâ. Aku kinzi pâri-tamâta nde simâ pa Yesu ku sikasoŋa tu, “Noko ilo tu maka ma kaveta kelekele sondo lâ nia ndia, ŋana ma taka kumbwa Pasova ne kâŋa-nuŋa.” <sup>18</sup> Yesu nde ipainzi tu, “Miki kalâ lawea ŋalae ilo, ku kalâ pa tamâta toŋge imo ndai. Kapai tamâta ŋinde tu, ‘Nema pananâŋa isupwama ŋana kaporo ŋgua pano tu i ne zo ŋga imâ ipâŋga lâ. I ma ika kumbwa ŋine ne kâŋa-nuŋa lâ noko ne luma ilo, tava maka, i ne pâri-tamâta.’” <sup>19</sup> Kinzi pâri-tamâta nde siveta ikura Yesu iporo panzi mine, aku siveta kâŋa-nuŋa sondo.

<sup>20</sup> Kari indue lala pararai lâ, ŋineŋga Yesu isaŋona kunzi ne pâri-tamâta saŋao kanaŋonzi rua lâ kâŋa-nuŋa nia. <sup>21</sup> Kinzi sisaŋona sika yo, ande Yesu ipainzi tu, “Naŋa aporo mao nâ pami; tamâta toŋge lâ miki ŋginimi ma io naŋa lâ kinzi kazâŋa tamâta mbaunzi ilo.” <sup>22</sup> Kinzi pâri-tamâta nde siloŋo ŋgua ŋine ku ilonzi malia ndo, ku kinzi taitu-taitu sikasoŋa Yesu tu, “Maro Ŋalae, tiambo noko kuporo ŋana naŋa kâ, tiya?” <sup>23</sup> Yesu nde iporo taulo panzi tu, “Tamâta ŋinde nde io mbau lâ kondo ilo kuku naŋa, kala maka rua kaka lâ. Ina ma io naŋa lâ kinzi kazâŋa tamâta mbaunzi ilo. <sup>24</sup> Mao nâ, naŋa Tamâta Natu ma amâte, ikura Maro Kindeni kawa ŋgua kinzi ŋgua-tulâŋa tamâta muŋgâŋa ŋingere lâ pepa tini ikeno mine. Andeta vetâŋa sakamao ndo ma ipâŋga pa tamâta ŋinde kala io Tamâta Natu lâ kinzi kazâŋa tamâta mbaunzi ilo. Ambo nia ndoyo tamâta ŋinde tina ipagugua i tia tâ, ande ŋinde ma ara.” <sup>25</sup> Ŋineŋga Judas, ina muli ma io Yesu ilâ kazâŋa tamâta mbaunzi ilo, ande i tamwata ikasoŋa Yesu tu, “Pananâŋa, tiambo noko kuporo ŋana naŋa kâ, tiya?” Yesu nde itu lâ kawa tu, “Kala nokoni.”

**Yesu waiŋa ilanzi ne pâri-tamâta**

*Malaka 14:22-25; Luka 22:19-20; 1 Korin 11:23-34; Yoane 13:12-30*

<sup>26</sup> Kinzi sisaŋona sika yo, ŋineŋga Yesu ikai puroŋa, kawa ndaŋge pa Maro Kindeni, aku ipwataki ilanzi ne pâri-tamâta. Aku iporo tu, “Miki kakai kaka. Naŋa kanaŋoŋgu kala ŋine.” <sup>27</sup> Ŋineŋga ikai kâmba waini kala mine nâ, kawa ndaŋge pa Maro Kindeni, ku ilanzi. Aku ipainzi tu, “Miki rârâni kanu waini ikeno kâmba ŋine ilo. <sup>28</sup> Naŋa seeŋgu kala ŋine. Ŋine nde Maro Kindeni ne ŋgua pâŋa ne kanaŋo. Naŋa apaliŋi ŋananzi tamâta rârâ, ŋana izavaru nenzi kiesaka piti lâ tininzi. <sup>29</sup> Naŋa aporo mao

nâ pami; naŋa ma anu waini kanaŋo kilo tia lee, ikura lâ zo ŋinde Maro Kindeni ma ikai maro panzi tamâta lâ tâno kulu. Ŋineŋga ma anu waini waseki kuku miki.”

<sup>30</sup>Yesu iporo ŋgua ŋine lâ, ŋineŋga siwâŋgi wâŋgiŋa tonge, aku simandi sipile lawea ŋalae ku siyâti silâ pa Oliv Tuu.

**Yesu iporo tu Petero ma ipatimoa i**

*Malaka 14:26-31; Luka 22:31-34; Yoane 13:31-38*

<sup>31</sup>Ŋineŋga Yesu ipainzi ne pâri-tamâta tu, “Miki ma kamora mâsi ŋalae tonge ipâŋga pa naŋa lâ ŋine mbo, ande kala miki rârâni nemi kalo-tawana ma imbe. Vetâŋa ŋine iyoke Maro Kindeni kawa ŋgua ikeno lâ pepa tini mine tu,

‘Naŋa ma apu lama nenzi katonâŋa tamâta, ande kala kinzi lama ma sikâwa pwapwataki silâ.’

<sup>32</sup>Andeta muli ŋga Maro Kindeni ma ipaŋo naŋa amandi amo viâŋgu kilo, ŋineŋga ma ayoka amuŋga pami alâ Galilaya tâno.” <sup>33</sup>Yesu iporo mine, andeta Petero itu lâ kawa tu, “Ambo kinzi ŋine rârâni simora mâsi ŋalae ipâŋga pano, kala nenzi kalo-tawana imbe lâ, ande nanenŋu kalo-tawana ma imbe mine tia ku tia ndo!” <sup>34</sup>Ŋineŋga Yesu ipai Petero mine, “Naŋa aporo mao nâ pano; ma ŋine mbo nâ, tatareko ma ita isuŋa kawa tia yo, ande noko ma kuporo kupatimoa naŋa mbwani ŋato tu noko kusama naŋa tia.” <sup>35</sup>Andeta Petero iporo kilo pa Yesu tu, “Ambo kinzi situ sipu naŋa pâta amâte kuku noko, ande naŋa ma aporo apatimoa noko mine tia ku tia ndo kanaŋo!” Aku kinzi pâri-tamâta rârâni kala siporo ŋgua kaŋa taituni mine.

**Yesu ikai noŋa lâ Getsemani tâno ilo**

*Malaka 14:32-42; Luka 22:39-46; Yoane 18:1*

<sup>36</sup>Ŋineŋga Yesu ikainzi ne pâri-tamâta silâ sipâŋga tâno tonge, i ŋa tu Getsemani, aku ipainzi tu, “Miki kasaŋona kamo ŋai, mbo naŋa alâ ndai akai noŋa ŋga.” <sup>37</sup>Ŋineŋga Yesu ikainzi Petero ŋga Sebedi natu rua, aku kinzi ŋato silâ kuku. Ŋineŋga Yesu kalo sukâŋa ŋalae tina ku isama ilo malia ndo. <sup>38</sup>Aku ipainzi ne pâri-tamâta ŋato mine tu, “Naŋa kalonŋu sukâŋa ŋalae tina, aku laiti ŋana iyaula naŋa ndo. Mine nde ara ŋana miki ma kamo ŋaina ku kaka mâsa kuku naŋa.” <sup>39</sup>Ŋineŋga ilâ tini ku ikeno nao tundu lâ tâno kulu, ku ino mine, “O Mama, ambo noko ilo tu kuveta mine, ande naŋa ilonŋu tu noko ma pwai kâmba ŋana nâna kâ ŋine saŋe naŋa. Ambo taitu noko ma kuveta ikura nanenŋu pateâŋa mine ndimo. Noko ma kuveta ikura noko tamwata nâ ne pateâŋa.”

<sup>40</sup>Ŋineŋga Yesu itaulo ilâ panzi ne pâri-tamâta ŋato kilo, andeta sikeno. Aku ipaŋonzi ku ikasoŋa Petero tu, “Mana mana ŋga miki kakura tia ŋana kaka mâsa kuku naŋa ikura kari tai taitu nâ, a? <sup>41</sup>Ara ŋana miki

ma kao tinimi, ku kano pa Maro Kindeni tu ma isukami ŋana kamandi kaika lâ zo ndia samâŋa imâ ipâŋga pami. Mao nâ, miki ilomi tu kaveta vetâŋa ara, aŋga karaemi nde iveta malia pami.”

<sup>42</sup>Ŋineŋga Yesu ipilenzi ku itaulo kilo, ku ino mine; “O Mama, ambo kâmba ŋana nâna kâ ŋine ikura tu iŋgeŋge ŋanana tia, aku noko ilo tu ma anu, ande ara, kuveta ikura noko ne pateâŋa mine.” <sup>43</sup>Ikai noŋa ŋine lâ, ŋineŋga itaulo ilâ panzi ne pâri-tamâta kilo. Andeta imoranzi sikeno nâ simo, ŋana tu matanzi matutu pâta. <sup>44</sup>Mine kala Yesu ipilenzi ku itaulo kilo, aku ikai noŋa kilo. I ne noŋa ŋinde nde rege-rege kuku noŋa ikai muŋga ŋinde.

<sup>45</sup>Ino lâ, ŋineŋga itaulo ilâ panzi ne pâri-tamâta, ku ipainzi tu, “Opopo, miki kakeno kamo ŋai yo kapwarea, a? Kaloŋo ŋga! Zo ŋa ipâŋga lâ, kala ŋine kinzi simâ ŋana sio naŋa Tamâta Natu lâ kinzi kiesaka tamwatanzi mbaunzi ilo. <sup>46</sup>Ayo, kamandi, ku toka talâ panzi. Kamora ŋga, tamâta ŋana ikai kulu-pâŋga ŋana naŋa kâ, ande kala imâ ipâŋga laiti lâ.”

**Judas Iskariot itula Yesu panzi kazâŋa tamâta**  
*Malaka 14:43-52; Luka 22:47-53; Yoane 18:2-11*

<sup>47</sup>Yesu iporo ŋgua ŋine yo, ŋineŋga Judas, i nde toŋge lâ Yesu ne pâri-tamâta saŋao kanaŋonzi rua ŋinde, ande imâ ipâŋga lâ. Aku tamâta ŋgu ŋalae tina nde sikai pila ŋana kazâŋa kâ wa kâi mbuku wa soka kuku simâ. Kinzi patarawâŋa tamâta ŋalaŋala wa ŋgu nenzi katonâŋa muŋga sisupwanzi simâ. <sup>48</sup>Ande kulu-pâŋga tamâta ŋinde muŋga ipainzi tu ma iveta mâsi toŋge pa Yesu. Ipainzi tu, “Naŋa ma anzumwa tamâta toŋge nao, aku tamâta ŋinde nde Yesuni. Miki kakai i kaika.” <sup>49</sup>Ŋineŋga walele nâ Judas iyoka imâ pa Yesu ku iporo tu, “Pananâŋa, mbo ara.” Aku inzumwa Yesu nao. <sup>50</sup>Yesu nde ipai Judas mine tu, “Niŋgu-nambwe, vetâŋa ndia kala noko kumâ tu kuveta, ande kuveta walele nâ.” Ŋineŋga kazâŋa tamâta pinde simâ, aku mbaunzi ilâ sikai Yesu kaika lâ.

<sup>51</sup>Andeta Yesu ne pâri-tamâta toŋge mbau nâ ipasu ne pila yâti, ku ipu patarawâŋa tamâta ŋalae ne wurâta tamâta toŋge, aku pila isalu taŋa motu piti imbe ndue tâno kulu. <sup>52</sup>Andeta Yesu ipai ne pâri-tamâta ŋinde tu, “Noko kulumbwa ne pila taulo kilo tâ! Ŋana tu tamâta ea kinzi uru sikai pila ŋana kazâŋa kâ, ande pila ma isowe kinzi warakanzi kapwanzi simâte. <sup>53</sup>Opopo, noko kalo ŋgere sondo ŋga! Ambo naŋa ma asarâwa pa Mama, ande ikura tu isupwanzi aŋelo ŋgu ŋalae saŋao kanaŋonzi rua simâ ŋana sivila naŋa kâ. Tiambo noko kusama ŋine tia, a? <sup>54</sup>Taitu kuloŋo ŋga; ambo naŋa ma aveta mine, ande Maro Kindeni ne ŋgua kinzi ŋgua-tulâŋa tamâta muŋgâŋa siŋgere lâ pepa tini ŋinde ma ipâŋga kanaŋo tia. Maro Kindeni ne pateâŋa ikeno tu vetâŋa rârâni ŋine ma ipâŋga pa naŋa.”

<sup>55</sup>Ŋineŋga Yesu iporo panzi tamâta ŋgu ŋinde tu, “Ŋana sâ kâ ŋga miki kakai pila ŋalaŋala tava kâi mbuku kamâ ŋana kakai naŋa kâ, a? Tiambo miki katu naŋa nde panawe tamwatâŋgu, a? Ikura zo zo naŋa uru asaŋona Maro Kindeni ne luma sapâŋa ilo ku apanananzi tamâta, andeta miki ŋandai kakai naŋa kaika lâ zo ŋinde ŋga. <sup>56</sup>Andeta vetâŋa rârâni ŋine ipâŋga lâ ŋana iveta ŋgua-tulâŋa tamâta muŋgâŋa nenzi ŋgua ipâŋga kanaŋo.”

Yesu iporo ŋgua ŋine lâ, ŋineŋga kinzi pâri-tamâta rârâni nde sipile Yesu ku sikâwa silâ.

### Kinzi sio Yesu ilâ pa ŋgua nia

*Malaka 14:53-65; Luka 22:54,63-71; Yoane 18:12-14,19-24*

<sup>57</sup>Kinzi tamâta ŋinde sikai Yesu kaika lâ, ŋineŋga sikai silâ pa patarawâŋa tamâta ŋalae Kaiafas ne luma. Kinzi pananâŋa tamâta ŋana ŋgua tukuŋa kâ aŋga kinzi katonâŋa nde muŋga sipasau lâ kala simo ŋinde. <sup>58</sup>Aŋga Petero nde iyoka Yesu muli ilâ, aku imo malawae mwasa. Iyoka ilâ patarawâŋa tamâta ŋalae ne luma ŋinde ne ŋgumbi ilo, aku isaŋona kunzi sambara tamâta. I ilo tu ma imora vetâŋa mana ma ipâŋga pa Yesu.

<sup>59</sup>Kinzi patarawâŋa tamâta ŋalaŋala aŋga kinzi tamâta mbâna-mbâna rârâni nde sisarawanzi tamâta pinde simâ tu ma situla nenzi ŋgua laŋeŋa ŋana Yesu ne vetâŋa kâ. Kinzi ilonzi tu ma sisânda vetâŋa soki ndia muŋga Yesu iveta tâ, ŋana sikura tu sipu i pâta imâte kâ. <sup>60</sup>Mine kala kinzi tamâta rârâ nde simâ ku siporo sisowe ŋgua laŋeŋa lâ Yesu tini. Andeta kinzi ŋandai situla i ne vetâŋa soki tonŋe pwataki ŋga. Siveta, siveta lee, ŋineŋga tamâta rua simâ, <sup>61</sup>aku siporo mine tu, “Tamâta ŋine muŋga iporo tu, ‘Naŋa akura tu asapira Maro Kindeni ne luma sapâŋa piti, ŋineŋga aŋgunu kâki kilo lâ kari ŋato nâ.’ ”

<sup>62</sup>Ŋineŋga patarawâŋa tamâta ŋalae imandi ku ipai Yesu tu, “Wa, noko tini pwâka tu kuporo ŋgua tonŋe lâ kinzi kawanzi, a? Mana mana ŋana ŋgua ŋine kala kinzi sisowe lâ noko tini, a?” <sup>63</sup>Aŋga Yesu nde iporo ŋgua tonŋe tia, kawa buu nâ imandi. Ŋineŋga patarawâŋa tamâta ŋalae ipai tu, “Lâ Maro Kindeni Via Tamwata ŋa, naŋa aporo kaika tu noko ma kuporo ŋgua mao nâ. Tiambo noko nde Kirisi, tiya? Tiambo noko nde Maro Kindeni Natu, tiya?”

<sup>64</sup>Ŋineŋga Yesu itu lâ kawa tu, “Ŋguani kala noko tamwata kuporo lâ, ande mao nâ. Aku naŋa apaimi tu lâ zo muli, miki ma kamora naŋa Tamâta Natu asaŋona Maro Kindeni Walo Tamwata mbau pa wia kâ, aku ma kamora naŋa ayoka samba ne take-take kulu andue amâ.”

<sup>65</sup>Patarawâŋa tamâta ŋalae nde iloŋo Yesu ne ŋgua ŋine, aku marumbu; i wisi nâna ŋalae kala isaraka tamwata ne pasawaŋa lâ tini, ku iporo mine tu, “Oyae, tamâta ŋine itu ikai Maro Kindeni nia, aku ŋgua kala iporo

ņinde nde sakamao ndo lâ Maro Kindeni nao! Kinda ma tasarawanzi tamâta pinde kilo ŋana sisowe ŋgua lâ tamâta ŋine tini, ande tia. Kala ŋine nâ iporo ŋgua pavaligiņa pa Maro Kindeni, aku miki kaloņo lâ. <sup>66</sup>Miki ilomi tu kinda ma taveta mana pa tamâta ŋine.” Kinzi nde situ lâ kawa mine, “Iveta soki ŋalae, ande kala ara ŋana ma sipu pâta imâte.”

<sup>67</sup>Ŋineņga kinzi sisupwara Yesu nao, ku siņgu mbalaunzi sikatu. Aņga pinde nde siponza, <sup>68</sup>ku siporo tu, “Wa, noko nde Kirisi, a? Mine nde kuporo ŋgua-tulâņa tamâta ne ŋgua, ku kutula pwataki tu ea ipuno! Kupatu tamâta ŋine ŋa tâ!”

### Petero ipatimoa Yesu

*Malaka 14:66-72; Luka 22:55-62; Yoane 18:15-18,25-27*

<sup>69</sup>Aņga Petero nde isaņona nia yo lâ luma ŋinde ne ŋgumbi ilo. Imo lee, ŋineņga wurâta taine toņge iyoka imâ papa ku ipai tu, “O, noko wa, noko kala muņga kumo kuku Yesu Galilaya tamwata.” <sup>70</sup>Andeta Petero iporo ipatiâmo lâ kinzi rârâni naonzi, ku iporo tu, “Naņa asama ŋgua kala noko kuporo ŋinde duvi, ande tia.” <sup>71</sup>Ŋineņga Petero imandi ilâ pa luma ne nzâla kawa ikeno ŋgumbi tini. Aku wurâta taine toņge kala imora i, ku ipainzi tamâta simandi laiti tu, “Tamâta ŋine nde muņga imo kuku Yesu Nasarete Tamwata.” <sup>72</sup>Andeta Petero ipatiâmo kilo ku iporo mine tu, “Mao pa âta, naņa asama tamâta ŋinde tia ndo.” <sup>73</sup>Simo tini nâ, ŋineņga tamâta pinde nde simâ ku sipai Petero tu, “Mao kanaņo, noko nde toņge lâ kinzi nawalanzi. Noko kawa kaņa itula noko kilala pwataki lâ.” <sup>74</sup>Ŋineņga Petero iporo kaika tu, “Ambo naņa alâņe, ande naņa ano pa Maro Kindeni tu ma izavaru naņa; naņa asama tamâta ŋinde tia ku tia ndo!” Aku walele nâ tatareko toņge isuņa kawa. <sup>75</sup>Ŋineņga Petero ne kalo-ņgere ipâņga ŋana ŋgua Yesu muņga iporo tu, “Tatareko ma ita isuņa kawa tia yo, ande noko ma kuporo kupatimoa naņa mbwani ŋato mine tu noko kusama naņa tia.” Ŋineņga Petero iyâti ilâ pa nia yo, aku ita pâta kanaņo.

### Sikai Yesu silâ pa Pilata

*Malaka 15:1; Luka 23:1; Yoane 18:28*

**27** <sup>1</sup>Mbwale pwataki lâ, ŋineņga kinzi patarawâņa tamâta ŋalaņala aņga Isrel ŋgu nenzi katonâņa nde siporo sipa ŋgua tu ma sio Yesu lâ Rom koipu mbaunzi ilo, tu ma sipu pâta imâte kâ. <sup>2</sup>Mine kala sipa Yesu lâ wâlo kaika, ku sikai silâ sio i lâ Pilata mbau ilo, i tamâta ŋana ikai Rom ndamwanzi ku ikatonanzi tamâta rârâni simo nia ŋinde.

### Judas imâte lâ

<sup>3</sup>Judas, ina muņga itula Yesu panzi kazâņa tamâta, ande iloņo pâri tu kinzi tamâta ŋalaņala sipa ŋgua lâ ŋana ma sio Yesu ilâ panzi Rom koipu

tu ma sipu pâta imâte kê. Ñineŋga Judas ilo ipâŋga malia ndo, ku ikai mbumbu tamâta taitu kanaŋo saŋao (30) ñinde imâ, ku ilanzi patarawâŋa tamâta ñalaŋala sitavanzi katonâŋa taulo kilo. <sup>4</sup>Aku ipainzi tu, “Naŋa aveta kiesaka, ñana tu tamâta kala atula pami ñinde, ande i ñandai iveta soki tonŋe ŋga. Andeta miki kapa ŋgua tu ma sipu i pâta imâte.” Ñineŋga kinzi situ lâ i kawa tu, “Ñine nde maka nema malia nde tia. Malia nde keno noko tamwata nâ tini.” <sup>5</sup>Ñineŋga Judas isia mbumbu ñinde ilâ Maro Kindeni ne luma sapâŋa ilo, aku ilâ ipa wâlo kaika lâ tamwata ñandola, ku isonŋa indue ipayaula tamwata karae kala imâte lâ.

<sup>6</sup>Aŋga kinzi patarawâŋa tamâta ñalaŋala nde sikai mbumbu ñinde ku siporo imâ warakanzi ñgininzi tu, “Mbumbu ñine nde koa ñana tamâta puŋa kê. Mine kala ŋgua tukuŋa indi kaika tu kinda ma tao mbumbu ñine ilâ itogo luma sapâŋa ne mbaliŋa mine ndimo.” <sup>7</sup>Tia ku sipa ŋgua tu ma sikai mbumbu ñinde ku siko tâno tonŋe, i ŋa tu “Kulo-Puŋa Tamâta Nenzi Tâno”, aku tâno ñinde ma ipâŋga itogo kuru nia mine panzi tamâta lombo muŋga soka lawea malawae malawae simo Isrel tâno. <sup>8</sup>Mine kala sipatu tâno ñinde ña wasaseki tu “Tâno See”, aku ŋoa ñine nde keno mineni lâ zo ñine. <sup>9</sup>Mine kala ŋgua tonŋe Maro Kindeni singani io lâ ŋgua-tulâŋa tamâta Jeremaia kawa, ande ipâŋga kanaŋo. Ñgua ñine nde mine:

“Kinzi Isrel ŋgu sipatea tu tamâta ma iko i lâ mbumbu tamâta taitu kanaŋo saŋao (30). Mine nde sikai mbumbu ndainani nâ, <sup>10</sup>aku siko Kulo-Puŋa Tamâta Nenzi Tâno, ikura tukuŋa Maro Kindeni muŋga itula pa naŋa mine.”

#### **Yesu imandi Pilata nao**

*Malaka 15:2-5; Luka 23:2-3; Yoane 18:29-38*

<sup>11</sup>Yesu nde imandi Rom nenzi koipu Pilata nao, aku Pilata ikasoŋa tu, “Noko nde Juda nenzi Koipu Ñalae, tiya?” Ande Yesu itu lâ kawa tu, “Noko tamwata kuporo ŋguani ndaina.” <sup>12</sup>Ñineŋga kinzi patarawâŋa tamâta ñalaŋala sitavanzi kinzi katonâŋa nde sisowe ŋgua kie-kie lâ Yesu tini. Andeta iporo ŋgua tonŋe taulo panzi, ande tia. <sup>13</sup>Mine kala Pilata ikasoŋa Yesu tu, “Tiambo ŋgua kala sisowe lâ noko tini ñinde, ande kuloŋo tia tâ, a?” <sup>14</sup>Andeta Yesu iporo ŋgua tonŋe tia. Mine kala Pilata ilo râra.

#### **Pilata io Yesu tu ma sipu lâ kê popole tini imâte**

*Malaka 15:6-15; Luka 23:13-25; Yoane 18:38-19:15*

<sup>15</sup>Aku Rom nenzi mâsi tonŋe nde mine: ikura mbwera mbwera, lâ Juda nenzi kumbwa ñinde, ande Pilata uru iyaute tamâta tonŋe muŋga imo luma sakamao ilo iyâti ilâ, ikura kinzi Juda tamâta warakanzi nenzi pateâŋa mine. <sup>16</sup>Aku lâ zoni ndaina, ande nanzare tamâta tonŋe imo

luma sakamao ilo, i ŋa mine Barabas. <sup>17</sup>Mine kala kinzi tamâta ŋgu ŋalae nde simâ sipasau lâ Pilata ne luma, ŋineŋga Pilata ikasoŋanzi tu, “Miki ilomi tu naŋa ma ayaute tamâta ea imâ pami. Naŋa ma ayaute Barabas, tiya?, ayaute Yesu, tamâta ŋine siporo tu i nde Kirisi.” <sup>18</sup>Pilata nde isama tu kinzi tamâta ŋalaŋala sipadâda nâ ŋana Yesu kâ, aku ŋana duvi ŋinde kâ sikai i simâ papa. <sup>19</sup>Andeta Pilata isaŋona ŋgua nia iporo ŋgua yo, ŋineŋga i kaiwa nde ipasupwa imâ papa mine tu, “Noko ma kuveta vetâŋa tonŋe pa tamâta sondo ŋinde ndimo. Muŋga mbo, naŋa amora i nao lâ nanenŋgu mbupuleŋa tini, aku ŋine iveta naŋa ilonŋu malia ndo.”

<sup>20</sup>Ambo taitu kinzi patarawâŋa tamâta ŋalaŋala aŋga kinzi katonâŋa nde sisowe kinzi tamâta ilonzi, kala sisarâwa kaika pa Pilata tu ma iyaute Barabas imâ panzi, ku ma io Yesu tu ma sipu pâta imâte. <sup>21</sup>Ŋineŋga Pilata ikasoŋanzi kilo mine tu, “Miki ilomi tu naŋa ma ayaute ea lâ kinzi rua ŋine imâ pami.” Aku kinzi tamâta sisarâwa mine tu, “Kuyaute Barabas imâ!” <sup>22</sup>Ande Pilata ikasoŋanzi tu, “Mine ŋga ma naŋa aveta mana papa Yesu, tamâta ŋine siporo tu i nde Kirisi.” Ŋineŋga kinzi rârâni sisarâwa kaika tu, “Kupu lâ kâi popole tini imâte!” <sup>23</sup>Andeta Pilata ikasoŋanzi tu, “Ŋana sâ kâ, a? Iveta vetâŋa soki ndia.” Andeta sisarâwa kaika ndo tu, “Kupu lâ kâi popole tini imâte!”

<sup>24</sup>Pilata isama tu i ikura ŋana itoto nenzi ŋgua, nde tia, aku kazâŋa ŋalae nde laiti ŋana ipâŋga kâ. Mine kala iveta mâsi tonŋe lâ kinzi tamâta naonzi. Ikai lââ ku ipua tamwata mbau, ŋineŋga iporo tu, “Ambo tamâta ŋine imâte, ande ŋinde ma nanenŋgu soki tia. Ŋinde ma miki warakami nâ nemi soki.” <sup>25</sup>Ŋineŋga kinzi tamâta siporo taulo papa tu, “Ara, soki ndia ŋana i ne mateŋa kâ nde ma ikeno pa maka warakama, aku ma ikeno panzi nema vâsa mine nâ!” <sup>26</sup>Siporo ŋgua ŋine lâ, ŋineŋga Pilata iyaute Barabas imâ panzi. Aku io Yesu lâ zugu tamâta mbaunzi ilo tu ma sipalili pâta muŋga lâ, ŋineŋga ma sikai silâ sipu lâ kâi popole tini.

**Kinzi zugu tamâta sisawa koipu ŋalae ne pasawaŋa lâ Yesu tini, ku siporo ŋgua pavaligiŋa papa**

*Malaka 15:16-20; Luka 23:26-32; Yoane 19:16-17*

<sup>27</sup>Ŋineŋga Pilata ne zugu tamâta nde sikai Yesu silâ Rom nenzi luma ŋana pasawaŋa kâ ilo. Ŋineŋga sisarâwa panzi nawalanzi zugu tamâta rârâni tu ma simâ siŋge Yesu. <sup>28</sup>Simâ lâ, ŋineŋga mbaunzi ilâ sikai Yesu ne pasawaŋa piti lâ tini, aku sisawa pasawaŋa ŋiŋi tonŋe lâ tini, itogo kinzi koipu ŋalaŋala uru sipasawa lâ tininzi mine. <sup>29</sup>Ŋineŋga simwali wâka-wâka tonŋe ku sisawa lâ Yesu kulu, aku sio taumbwa tuka tonŋe ilâ pa mbau wia kâ. Siveta mine lâ, ŋineŋga sipare tukunzi papa, aku siporo ŋgua pavaligiŋa papa mine tu, “Oe, Juda nenzi koipu ŋalae!” <sup>30</sup>Ŋineŋga sisupwara Yesu tini, aku sikai taumbwa tuka muŋga sio lâ i mbau ilo ŋinde, aku sipu i kulu mbwaninzi rârâ. <sup>31</sup>Kinzi zugu tamâta siveta vetâŋa

ņinde ndoni sivaligi Yesu lee, ņinenęa sisawa pasawaņa ņiņi ņinde piti lâ tini, aku sisawa tamwata ne pasawaņa lâ tini kilo. Ȩinenęa sikai silâ ņana sipu lâ kâi popole tini imâte.

**Kinzi sipu Yesu lâ kâi popole tini**

*Malaka 15:21-32; Luka 23:33-43; Yoane 19:17-24*

<sup>32</sup>Kinzi sipile Jerusalem lawea ku soka silâ, ņinenęa sipakâtu kuku Sairini lawea warika tonęe, i ņa mine Saimon. Aku kinzi zugu tamâta siveta kaika papa i tu ma ikale Yesu ne kâi popole ilâ kunzi. <sup>33</sup>Aku silâ lee sipânęa nia ndamwa tonęe, i ņa mine Golgata. Ȩoa ņine nde duvi mine tu, “Kulu Kâmba Nia.” <sup>34</sup>Ȩinenęa kinzi zugu tamâta sigema waini tava lââ makisa pinde, aku silua Yesu tu inu kâ. Aku Yesu itogo nuņa mwata nâ, andeta tini pwâka, kala inu tia. <sup>35</sup>Ȩinenęa kinzi zugu tamâta sipu Yesu lâ kâi popole tini. Aku sipagui mira itogo satu mine ņana sisama tu ea ma ikai Yesu ne pasawaņa. Siveta lâ, ņinenęa siwae i ne pasawaņa. <sup>36</sup>Ȩinenęa sisaņona niani ndaina, aku sio tininzi ņana Yesu tu ma imâte. <sup>37</sup>Aku lâ Yesu kulu âta, ande siņgere ņgua ņinde muņęa sio i ilâ pa ņgua nia ņana. Siņgere ņgua mine tu, “Tamâta ņine nde Yesu, ina Juda nenzi koipu ņalae.”

<sup>38</sup>Aņa lâ Yesu waņgira, ande sisonanzi nanzare tamwatanzi rua tona. Tonęe sipu lâ kâi popole tonęe tini papa Yesu tini pa wia kâ, aņa tonęe nde sipu lâ kâi popole tonęe tini papa i tini pa ņâsi kâ. <sup>39</sup>Aku tamâta pinde soka nia ņinde silâ wa simâ wa, sirurua kakalinsi papa ku siporo ņgua pavaligiņa mine tu, <sup>40</sup>“Oe, noko tamâta ņana kusapira Maro Kindeni ne luma sapâņa ku kuņgunu kâki kilo lâ kari ņato nâ, a? Mine nde kupavila tamwata tâ! Noko kutu Maro Kindeni Natu, ande ara, ņine nâ kupile kâi popole ku kundue kumâ!” <sup>41</sup>Aku kinzi patarawâņa tamâta ņalaņala aņa kinzi pananâņa tamâta ņana ņgua tukuņa kâ aņa Isrel nenzi katonâņa, kinzi ņinde rârâni kala siporo ņgua pavaligiņa mine nâ papa. <sup>42</sup>Siporo tu, “Opopo, i muņęa ivilanzi tamâta pinde, andeta ikura ņana ipavila tamwata kâ, ande tia. I nde Isrel nenzi koipu ņalae, a? Mine nde mambo ņine nâ ipile kâi popole ku indue imâ, ande kinda ma kalonda tawana i. <sup>43</sup>Mao nâ, i kalo tawana Maro Kindeni, kala uru iporo tu, ‘Naņa nde Maro Kindeni Natu.’ Ara mbo, ambo Maro Kindeni ilo papa i, ande ara ņana ņaina nâ i tamwata ma imâ ivila i.” <sup>44</sup>Aku kinzi nanzare tamwatanzi rua kala sitâra lâ kâi popole simo Yesu waņgira ņinde, ande kinzi kala siporo ņgua pavaligiņa kaņa taituni nâ pa Yesu.

**Yesu imâte lâ**

*Malaka 15:33-41; Luka 23:44-49; Yoane 19:30-37*

<sup>45</sup>Kari ikâki imâ ņgini lâ, ņinenęa kondoma ņalae itura tâno ndoni. Ikeno mine lee lala lâ, ikura kari tai ņato. <sup>46</sup>Aku kari tai ņato lâ, ņinenęa Yesu isuņa

kawa ŋalae kâki isarâwa mine tu, “Eli, Eli, lema sabatani!” Ŋgua ŋinde nde duvi mine, “Neŋgu Maro, neŋgu Maro, ŋana sâ kâ ŋga kupu muli pa naŋa!” <sup>47</sup>Aku tamâta pinde simandi tini laiti nde siloŋo Yesu ne ŋgua ŋinde, andeta siloŋo soki, ku siporo tu, “Ayo, isarâwa papa Ilia!” <sup>48</sup>Aku walele nâ nenzi tonje ipalilu ilâ ikai nzomo tonje, ku ipatuku lâ waini makisa ilo. Ŋineŋga isenje lâ lumbi-lumbi tonje tini ku isuŋa kâki ilâ papa Yesu kawa tu ma indomo kâ. <sup>49</sup>Ŋineŋga tamâta pinde siporo tu, “Ara, mambo tamora ŋga. Tiambo Ilia ma imâ ivila i, tiya?” <sup>50</sup>Andeta Yesu nde isarâwa kawa ŋalae kilo, ŋineŋga imâte lâ.

<sup>51</sup>Aku ndainani nâ lalava matatola ŋalae kala uru itâra Maro Kindeni ne luma sapâŋa ilo ŋinde nde ipwa pwataki pa âta ku indue papa lâmbu mo rua lâ. Aŋga ogigi ririŋo kala mira ŋalaŋala sipakâtu warakanzi. <sup>52</sup>Aku kuru rârà kawanzi pareŋge lâ, aku Maro Kindeni ipaŋonzi ne pateâŋa tamâta rârà, kinzi ŋinde muŋga simâte ku karaenzi ikenu kuru ilo, ande kala simandi sânda simo vianzi kilo, <sup>53</sup>aku sipile kuru siyâti simâ. Aku muli, lâ zo ŋinde Yesu imandi imo via kilo, ŋineŋga kinzi tamâta ŋinde nde silâ Jerusalem lawea ilo, aku tamâta rârà simo lawea ŋinde nde simoranzi. <sup>54</sup>Aku kinzi zugu tamâta sitavanzi nenzi koipu, kinzi ŋinde muŋga sio tininzi pa Yesu tu imâte kâ, ande simora mâsi ŋinde râràni. Simora ogigi ririŋo ku simora mâsi kie-kie ŋinde ipâŋga lâ, kala siruru pâta. Aku siporo mine tu, “Mao kanaŋo, tamâta ŋine nde Maro Kindeni Natu!”

<sup>55</sup>Aku taine rârà kala simo nia ŋinde tona, kinzini muŋga sipile Galilaya tâno ku soka kuku Yesu sikai kuleŋa papa. Kinzi taine ŋinde nde simandi malawae mwasa ku simora mâsi ŋinde râràni. <sup>56</sup>Aku taine ŋato nde simo kunzi taine ŋgu ŋinde: tonje nde Maria, i Makdala lawea taine; aŋga tonje nde i nuwaka Maria, ina Yamesi ku Yosepe rua tinanzi; aŋga tonje nde Sebedi natu rua tinanzi.

### **Kinzi sio Yesu karae lâ kuru ilo**

*Malaka 15:42-47; Luka 23:50-56; Yoane 19:38-42*

<sup>57</sup>Kari indue lala lâ, ŋineŋga mbaliŋa warika tonje lâ Arimatea lawea, i ŋa mine Yosepe, ande imâ ipâŋga Pilata ne luma. I muŋga ipono muli pa Yesu. <sup>58</sup>Imâ ipâŋga lâ, ŋineŋga ino Pilata tu ma ikai Yesu karae, ŋana ma ilâ ikea kâ. Pilata nde isâu papa ku ipainzi ne zugu tamâta tu Yesu karae ma silua Yosepe. <sup>59</sup>Ŋineŋga Yosepe ikai lalava pâne tonje ku ilita lâ Yesu karae. <sup>60</sup>Ilita lâ, ŋineŋga ikai Yesu karae ilâ ku io lâ i tamwata ne kuru wasaseki ilo. Kinzi muŋga siveta kuru ŋinde lâ nia mira. Ŋineŋga Yosepe itambumbua mira ŋalae tonje ilâ ipono kuru ŋinde kawa. Iveta mine lâ, aku ilâ. <sup>61</sup>Aŋga Maria, i Makdala taine ŋinde, kuku nuwaka Maria rua nde sisaŋona kuru ŋinde nao kala simo.

### **Kinzi zugu tamâta sio lâ kuru kawa tini**

<sup>62</sup>Yesu nde imâte lâ wurâta lima, lâ zo ŋinde kinzi Juda tamâta uru siveta kelekele sondo ŋana pwareâŋa ne zo sapâŋa kâ lâ wurita. Aku

mbwale kilo, ñinennga kinzi patarawâña tamâta ñalajala sitavanzi tamâta pinde lâ Parisai ñgu nde silâ ñana siporo ñgua pa Pilata kâ. <sup>63</sup>Sipasau kuku Pilata lâ, ñinennga sipai mine tu, “Tamâta ñjalae, maka iloma ikai ñgua tonje muñga lañeña tamwata ñinde imo via yo mbo iporo ñine. Iporo mine tu, ‘Kari ñato lâ, ñinennga naña ma amandi amo viângu kilo.’ <sup>64</sup>Mine nde maka kano pano tu kuonzi ne zugu tamâta tu sika mâsa ku simandi lâ kuru ñinde kawa tini laiti ikura kari ñato marumbu lâ. Tia ma ne pâri-tamâta simâ sipanawe i karae silâ tâ, aku ma sipainzi tamâta mine tu, ‘Imandi lâ mateña nianzi imo via kilo!’ Ambo siveta mine, ande ñgua lañeña wasaseki ñinde nde ma ipole ñgua lañeña muñga iporo ñinde.” <sup>65</sup>Ñinennga Pilata ipainzi tu, “Ara, miki kakainzi zugu tamâta pinde ku kalâ kaveta kuru sondo, ñana tamâta tonje ma ikura tu ipanawe i karae, ande tia.” <sup>66</sup>Ñinennga kinzi silâ ku siveta mâsi tonje lâ kuru ne kawa mira tini, ñana itula tu tuña kaika keno ñana kuru ñinde kâ. Aku sionzi zugu tamâta tu simandi lâ kuru ñinde kawa tini laiti tona.

### Yesu imandi sânda imo via kilo

*Malaka 16:1-14; Luka 24:1-49; Yoane 20:1-23*

**28** <sup>1</sup>Juda nenzi pwareâña ne zo sapâña marumbu lâ ñga. Aku wurita kilo, lâ sânda, mbwale pwataki lâ, ñinennga Maria, i Makdala taine, nde ikai nuwaka Maria, aku rua silâ ñana simora Yesu ne kuru kâ. <sup>2</sup>Andeta walele nâ ogigi ririño ñalae tina, ñana tu Maro ñjalae ne añelo tonje iyoka pa samba indue imâ pa kuru ñinde, ku itambumbua mira piti lâ kuru kawa. Itambumbua piti lâ, ñinennga isañoña mira ñinde kulu. <sup>3</sup>Añelo ñinde tini nde sinala nia itogo loloa salaga mine, aña ne pasawaña nde pâne ndo. <sup>4</sup>Aku kinzi zugu tamâta kala sikatona kuru ñinde nde simora añelo ñinde, ku siruru pâta kanajo. Tininzi ruru, aku patanzi sindue sikeno tâno kulu, sitogonzi mateña tamâta mine.

<sup>5</sup>Ñinennga añelo nde ipainzi taine rua tu, “Miki rua karuru ndimo. Naña asama tu miki kamâ tu kamora Yesu, ina muñga itâra lâ kâi popole tini ku imâte lâ. <sup>6</sup>Taitu i nde imo ñai tia; imandi sânda lâ kala imo via kilo, ikura ñgua muñga iporo ñinde. Miki rua kamâ kamora nia kala muñga sio karae ndue ikeno ñine. <sup>7</sup>Ayo, miki walele nâ kalâ kapainzi ne pâri-tamâta mine tu, ‘Imandi lâ mateña nianzi imo via kilo, kala imuñga pami ilâ Galilaya tâno. Miki kalâ ma kasânda i kulu lâ niani ndaina.’ Naña amâ ñana atula ñgua ñine pami, kala atula pami lâ.”

<sup>8</sup>Añelo iporo ñgua ñine panzi taine rua marumbu lâ, ñinennga walele nâ kinzi rua sipile kuru nia ku sipalilu silâ tu siporo ñgua ñinde panzi Yesu ne pâri-tamâta. Tininzi ruru, andeta ilonzi ndeka pâta lâ. <sup>9</sup>Soka nzâla sipalilu silâ yo, ñinennga walele nâ Yesu tamwata ipakâtu kunzi ku iporo tu, “Maro Kendeni ne nzâmbe imâ pami.” Ñinennga kinzi rua sipare tukunzi papa aku mbaunzi ilâ sikale Yesu kie kaika, aku sipanea

i. <sup>10</sup>Ŋineŋga Yesu ipainzi tu, “Miki karuru ndimo. Kalâ kaporo panzi niŋgu-nambwe tu mambo silâ Galilaya tâno, ande ma simora naŋa lâ nia ŋinde.”

### **Kinzi zugu tamâta nenzi ŋgua laŋeŋa**

<sup>11</sup>Taine rua ŋinde nde silâ yo, ŋineŋga kinzi zugu tamâta pinde muŋga simandi Yesu ne kuru kawa laiti ŋinde, ande silâ Jerusalem lawea ilo ku sitapâri panzi patarawâŋa tamâta ŋalaŋala ŋana vetâŋa rârâni muŋga ipâŋga panzi ŋinde. <sup>12</sup>Ŋineŋga kinzi patarawâŋa tamâta ŋalaŋala sipasau kunzi Isrel ŋgu nenzi katonâŋa, aku sipa ŋgua tu ma mbumbu ŋalae tina silanzi zugu tamâta ŋinde. <sup>13</sup>Mbumbu silanzi lâ, ŋineŋga sipainzi tu, “Miki ma kaporo ŋgua mine: ‘Lâ mbo, maka kakeno utu lâ, ŋineŋga Yesu ne pâri-tamâta sipavea nâ simâ ku sikawea i karae silâ lâ.’ <sup>14</sup>Ambo Rom nemi koipu ŋalae iloŋo ŋgua ŋine, ande maka ma kaveta ŋgua sondo kuku i, ande kala miki ma kasânda malia toŋge kulu, ande tia.” <sup>15</sup>Mine kala kinzi zugu tamâta sikai mbumbu ŋinde aku silâ siveta ikura Juda tamâta ŋalaŋala nenzi ŋgua mine. Aku tapâriŋa laŋeŋa ŋine nde ilâ isala nia lâ, kala lâ zo ŋine kinzi Juda tamâta pinde uru sitapâri tapâriŋa ndainani nâ.

### **Yesu ionzi ne pâri-tamâta tu ma silâ situla pâri ara *Malaka 16:15-18; Luka 24:46-48; Yoane 17:18, 20:21***

<sup>16</sup>Aku muli, ŋineŋga Yesu ne pâri-tamâta saŋao kanaŋo taitu nde soka silâ pa Galilaya tâno. Soka lee sipâŋga tuu ŋinde Yesu muŋga ipainzi tu ma silâ papa ŋinde. <sup>17</sup>Aku matanzi ilâ simora Yesu, ŋineŋga sipare tukunzi papa ku sipanea i. Aŋga kinzi pinde nde ilonzi rua-rua. <sup>18</sup>Ŋineŋga Yesu imâ tininzi laiti, aku ipainzi tu, “Maro Kindeni walo ndoni ilua naŋa lâ, kala naŋa akai Maro pa kekelele rârâni lâ samba ilo wa tâno kulu wa. <sup>19</sup>Mine kala miki kalâ kakura nia nia, aku katu pâri ara panzi tamâta simo tâno ndoni, ŋana kinzi ma kalonzi tawana naŋa kâ. Kalilinzi lâ Tama ŋa, aŋga Natu ŋa, aŋga Koroani Sapâŋa ŋa. <sup>20</sup>Aku kapanananzi ŋana sipaveta kuku ŋgua rârâni naŋa muŋga atula pami ŋinde. Mao kanaŋo, naŋa ma amo kumi ikura zo rârâni lee, tâno ŋine ne zo marumbu lâ.”